

釋氏稽古略

毛華孫題



釋氏稽古略

遵菴居士嚴鍾珪重梓

烏程職里寶相比丘釋

覺岸寶洲編集再治

唐

李姓。以土德都長安。玄宗改長安曰京兆府。至肅宗改曰王都。

高祖 太宗 高宗 則天 中宗 睿宗 玄宗 肅宗 代宗
德宗 順宗 憲宗 穆宗 敬宗 文宗 武宗 宣宗 懿宗
僖宗 昭宗 景宗曰哀帝 濮王朱全忠立之。又
鴻之在位一年曰天壽元年。本紀不載濮王一年事。

高祖

諱淵字叔德隴西成紀人。其祖虎與李昉等八人佐西魏。皆為上柱國。周閔帝受西魏禪。追封唐國公。虎生昉。昉生淵。皆襲封唐公。

淵仕隋。至煬帝大業九年。帝以衛尉少卿李淵為弘化郡留守。關右十三郡皆受徵發。十二年正月。詔以右驍衛將軍唐公李淵為太原留守。十三年十一月。淵義克長安。立恭帝。戊寅年三月。隋恭帝詔唐王置丞相。以下官加九錫。隋煬帝江都凶問至長安。五月。恭帝禪位於唐。唐王即皇帝位。在位九年。壽七十歲。九 武德

釋氏稽古略

卷三

戊寅

武德元年

五月 罷郡置州。以太守為刺史。

五月。帝於朱雀門南。衢建道場。設無遮大會。六月。命僧道各六十九人。太極殿七日行道。散日。設千僧齋供。辯正。八月。金城薛舉卒。太子仁果立。唐泰王世民以兵圍之。仁果出降。薛氏滅。

九月。李密降於唐。初。密據山東之地。國號魏。至十二月。復叛去。熊州行軍總管盛彥師。邀擊之。斬密。反王伯當。

夏高祖道鄴

據漁陽

王世充

夏寶建涼李軌 梁蕭銑 秦薛仁果 定揚可汗吳

稱帝

大興年

梁梁氏 楚朱氏

二年

己卯

武德二年

燕

鄭

夏

涼

梁蕭氏 秦仁果 定揚 吳

梁

楚

三年

三年

三年

三年

庚辰

武德三年

燕高氏 鄭王世充 夏

開明年 五鳳年

梁蕭銑

定揚可汗 吳 杜伏成 梁梁氏 楚朱氏

唐滅之 吳興年 明政年 三年

元年 永隆年

元年 永隆年

元年 永隆年

元年 永隆年

元年 永隆年

帝造靈仙寺勅庶子李百藥撰碑勅造兪昌勝業慈悲證果四大集
仙尼寺書經造像捨晉陽舊第爲興聖寺并州造義興寺爲太祖元
皇帝元貞皇太后造旃檀像三軀於
慈悲寺制十大德統舉僧尼辯正

辛巳 武德四年 行開元通寶錢學士歐陽詢
撰文并書其文廻環可讀也

燕 鄭 夏 梁 漢東王吳杜氏梁 楚
唐滅之 劉黑闥二年

六月太史令傅奕上廢佛法事十一條
法師法琳對詔論之奕狀遂痕辯正

壬午 武德五年

燕 漢 吳 梁 楚
天造拜三年 張善安

癸未 武德六年

燕 漢 吳 梁 楚
唐滅之 四年 唐滅之 唐滅之

釋氏稽古略 卷三

二

甲申 武德七年

燕 吳 唐滅之

武德七年二月改大總管爲大都督府三月初定令以太尉司徒司
空爲三公次尚書門下中書秘書殿中內侍爲六省次御史臺次太
常至太府爲九寺次將作監次國子學次天策上將府次左右衛至
左右領衛爲十四衛東宮置三師三少詹事及兩坊三寺千率府王
公置府佐國官公主置邑司並爲京職事官州縣鎮戍爲外職事官
自開府儀同三司至將仕郎二十八階爲文散官驃騎大將軍至陪
戎副尉三十一階爲武散官上柱國至武騎尉十二等爲勳官四月
庚子朔頒新律令比隋開皇舊制增新格五十三條初定均田租庸
調法凡民貴業分九等百戶爲里五里爲鄉四家爲鄰四鄰爲保在
城邑者爲坊田野者爲村食祿之家無得與民爭利工商雜類無預
士伍男女始生爲黃四歲爲小十六爲中二
十爲丁六十爲老歲造計帳三年造戶籍辯
乙酉 武德八年二月帝釋奠於國學置三座擬叙三宗召三教學者
雲集釋慧乘高張義綱辯論王臣悅服舉朝屬目

丙戌 武德九年二月太史令傅奕構道士李仲卿上十異九迷論貶

奕疏頒示諸僧有法師釋明鑿作决破傅奕謗佛毀僧事八條法師

法琳著十喻九箴破李仲卿十異九迷之說門下典儀李師政著內

德論三篇盛陳佛化之益五月

詔下兼汰二教之濫者唐書六月四日秦王世民以府兵平內難帝以秦王為皇太子大赦停前

沙汰二教詔八月帝遜位太子太子即皇帝位於東宮顯德殿高祖

稱太上

太宗文皇帝 諱世民高祖第二子在位二十三年壽五十二

貞觀

二十三

丁亥 貞觀元年

春正月帝命京城僧尼並各於當寺七日行道齋供所須有司准給散齋之日總就大興善寺供養唐書

釋氏稽古略 卷三

三

帝謂傅奕曰佛道微妙聖跡可師且報應顯然屢行徵驗卿獨不悟其理何也奕對忤旨帝惡之自是終身不齒唐書

○斷屠置寺 帝是年捨終南山太和舊宮為高祖置龍田寺後為翠微制御之術叙釋門慈救為宗帝大悅因下勅年三

月六月普斷屠殺於行陣之所皆置佛寺唐書

○戊子二年三月帝追念初平天下誅戮多人乃以御服施諸寺僧獻禮薦度詔曰自隋未創義志存拯溺北征東伐凡所傷殫難可勝紀

手所誅剪將近一千切以如來聖教深尚仁慈禁戒之利殺害為重

薦度

愛命有司京城諸寺為建齋行道七日七夜竭誠禮懺所有衣服並用檀捨糞三塗之難因斯解脫萬劫之苦藉此弘濟唐書九月帝詔曰

今百穀資茂萬寶將成猶恐風雨失時子養無寄敢藉聰明外慈多

社宜為溥天億兆仰祈加祐可於京城及天下諸州寺觀僧尼道士等七日七夜轉經行道每年正月七月例皆准此唐書

勅葬沙門

戒律 法師玄琬是年帝詔入宮為妃嬪及皇太子諸王等授菩薩戒

或者犯法不應與民同科乞付所屬以僧律治之并上安養論三德論帝嘉納之有詔傷悼遣太子臨吊勅有司給葬具唐勅葬沙門由

宛始也仍於葬所建佛塔一區勅庶子李伯藥撰碑高僧傳

已丑三年正月帝勅京城僧尼於當寺每月二七日行道轉仁王大雲等經以為常式辯正三月詔大興善寺創開傳譯沙門玄謨等譯語嘯多律師證譯法琳惠月等執筆承旨慧乘等證義勅僕射房玄齡給事杜正倫尚書李孝恭叅助詮定光祿大夫太府卿蕭璟總知監護百司供給釋教六月詔密州明淨禪師入京祈雨有旨度僧三百人統詔以通義宮皇家舊宅宜為尼寺興聖為名顯明十一月勅勝光寺主僧珍就官迎釋迦佛菩薩聖僧金剛繡像供養於勝光寺六年正月命諸寺大德四十九人三七日行道慶諸繡像散日齋供于僧

王公行香錄正

○建寺

閏十二月帝念隋氏以來幽魂滯魄詔曰有隋失道九服沸騰朕親總元戎致茲明罰切恐九泉之下尚淪鼎鑊八難之間未纏水炭所以樹立福田濟其魂魄可於建義以來交兵之處為義士凶徒殞身滅陣者各建寺刹招延勝侶望法鼓所震變炎火於青蓮清梵所聞易苦海於甘露所司量定處所並立寺宇具為事條以聞稱朕矜哀之意蠶次年壁壘咸置伽藍破薛舉幽州立昭仁寺破

釋氏稽古略

卷三

四

王世充洛州立昭覺寺破劉武周汾州立弘濟寺破宋金剛晉州立慈雲寺破霍老生呂州立普濟寺破竇建德鄭州立等慈寺破劉黑闥洛州立昭福寺勅虞世南李伯藥褚遂良顏師古岑文本許敬宗朱子奢分撰新寺碑誌貞觀二十年帝征遼回為陣亡薦度幽州創閔忠閣庚寅帝謂常服未有差等八月詔自今三品以上服紫四品五品服緋六品七品服綠八品服青婦人從其夫色糖糖寺錄

○三藏玄奘法師

貞觀三年冬往西域取未至佛經詣闕陳表帝不允私遁自原州出玉關抵高昌葉護等國而去貞觀七年至中印度遇大乘居士受瑜伽師地入王舍城止那蘭陀寺從上方戒賢論師受瑜伽唯識宗旨留十年歸自王舍城貞觀十九年正月丙子至京師長安留守房玄齡表聞壬辰法師如洛陽也都二月己亥見於儀鸞殿帝曰師去何不相報曰當去時表三上不蒙諒許乃輒私行帝曰師能委命求法惠利蒼生朕甚嘉焉師因奏西域所獲梵本經論六百五十七部乞就洛陽嵩山少林寺為國宣譯帝曰朕頃為穆太后勅弘福寺可就彼翻譯勅平章房玄齡專知監護資備所須一從天府貞觀二十二年六月帝製法師新譯經大唐三藏聖教序時皇太子治觀聖序遂撰述聖記詔皇太子撰菩薩藏經後序八月帝賜法師百金磨衲并寶剃刀法師奉表謝略曰忍辱之

建塔

服彩合流霞智慧之刀鉞逾切玉謹當衣以降煩惱之魔佩以斷塵勞之網高宗永徽三年法師於慈恩寺將建大塔奉安西取經論梵本表奏勅賜大內及東宮掖庭等七宮亡人衣物助師營辦法師授以西域制度塔成高二百尺顯慶四年十月制以玉華宮為寺追崇先帝詔法師居之次年師於玉華譯般若經麟德元年二月法師命弟子大乘光抄錄所譯經論凡七十五部一千三百三十五卷又召門人造像設齋與衆辭決令左右念彌勒如來初五日夜右脇安臥而逝壽六十五帝輟朝三日勅歛以金棺銀槨四月塔於滌東原弟子神泰樓元會釋慧立明濬義褒大乘光皆法門龍象法師以西域戒賢論師處所得瑜珈師地唯識宗旨授窺基師

牛頭山

法融禪師潤州延陵人也姓韋氏年十九學通經史尋閱大部般若毗達真空忽一日嘆曰儒道世典非究竟法般若正觀出世舟航遂隱茅山投師落髮後入建康牛頭山幽棲寺北巖之石室宴坐觀心有百鳥獻花之異虎狼圍所居四祖攝度之鐫燈

禁

辛卯五年帝為穆太后於慶善宮造慈德寺及於昭陵立瑤臺寺勅法師玄琬於苑內德業寺為皇后寫佛藏經又於延興寺更造藏經並委琬監護壬辰六年詔以太原舊第為天官寺追奉穆太后於臺城西真安城內為穆太后又造寺亦名弘福鑾正○癸巳七年勅禁

釋氏稽古略

卷三

五

堰寨取魚者并斷屠殺

度僧尼三千人辯正

度僧

禁

貞觀九年四月太上皇崩十一月詔曰三乘結轍濟度為先八正歸依慈悲為主流智慧之海膏澤群生剪煩惱之林津梁品物任真休道理叶至仁妙果勝因事符積善朕欽若金輪恭膺寶命至德之訓無遠不思大聖之規無幽不察欲使人免蓋纏家臻仁壽比緣喪亂僧徒減少華臺寶塔窺戶無人紺髮青蓮榴風沐雨眷言凋毀良用無然其天下諸州有寺之處宜度僧尼數以三千為限其州有大小地有華夷當處所度多少有司詳定務取德業精明其徃因減省還俗及私度白衣之徒若行業可稱逼在取限必無人可取亦任其闕數比聞多有僧徒溺於流俗或假託鬼神妄傳妖怪或謬稱醫巫左道求利或灼鑽膚體駭俗驚愚或造詣官曹囑致賊贖凡此等類大虧聖教朕情在護持必無寬貸自今宜令所司依附內律參以金科明為條制唐書

○丙申貞觀十年皇太子承乾問張士衡曰事佛營福其應如何對曰事佛在清淨仁恕如貪浬劫甫驕虐雖傾財事之無損於禍且善惡是報若影赴形聖人之言備矣為君明為臣忠為子孝則福祚永反是則禍至矣士衡以此言矯太子心太子承乾終於失德貞觀十七

年廢承乾爲庶人立
晉王治爲皇太子。

○氏族志

貞觀十二年正月吏部尚書高士廉黃門侍郎韋挺禮部侍郎令廬丁狐德恭中書侍郎岑文本撰氏族志成以黃門侍郎崔民幹爲第一帝不允乃更命刊定專以今朝品秩爲高下於是

以皇族爲首外戚次之降崔民幹第三凡二百九十三姓千六百五

十一家頒
於天下諱

○杜順和尚

名法順坐雍州杜氏武時隋文帝敬重給月俸供之至是

儼傳其教貞觀十四

年五月順示寂

○壬寅貞觀十六年五月

帝爲太穆皇后追福於弘福寺手疏願文曰

聖哲之所尚者孝也仁人之所愛者親也朕幼荷鞠育之恩長蒙教

養之訓蓼莪之念何日云忘罔極之情昊天匪報興言永慕但切深

哀欲報靡因唯憑冥助敬以絹二百疋奉慈悲大教倘至誠有感冀

消過往之愆爲善有因庶獲後緣之慶勅選法師十人授正

釋氏稽古略 卷三

漆。癸卯貞觀十七年二月帝問諫議大夫褚遂良曰舜造漆器諫者十

餘人此何足諫對曰奢侈者危亡之本漆器不已將以金玉爲之患

臣愛君必防其漸若禍亂已成無所復諫矣帝曰然朕有過卿亦當

諫其漸帝曰人主唯有一心而攻之者甚衆或以勇力或以辯口或

以諂諛或以奸詐或以嗜慾輻輳攻之各求自售以取寵

祿人主少懈而受其一則危亡隨之此其所以難也細

○凌煙閣

帝命圖畫功臣趙公長孫无忌趙郡元王李孝恭萊成公社

德衛公李靖宋公蕭瑀褒忠壯公段志玄夔公劉弘基蔣忠公屈突

通鄖節公殷開山譙襄公柴紹邳襄公長孫順德鄖公張亮陳公侯

君集邲襄公張公謹盧程知節永興文懿公虞世南渝襄公劉政會

勤胡壯公秦叔寶於凌煙閣觀

○豐于禪師寒山拾得

豐于垂跡天台山國清寺庵於藏殿西北隅乘

師引之歸寺養于厨所號曰拾得有一貧士從寒巖來曰寒山于

人相得歡甚是年豐于雲遊適聞丘胤來守台州我患頭風豐于至

其家自謂善療其疾問丘見之師持淨水灑之即愈問所從來曰天

台國清曰彼有賢達否于曰寒山文殊拾得普賢宜就見之問丘見

之三日到寺訪豐干遺跡謁二大士問丘拜之。二士走曰：豐干餓死，爾陀不識禮，我何爲遁入巖穴。其穴自合，寒拾有詩散題山林間。寺僧集之成卷，版行于世。記碑刻

遺教經

○貞觀十八年，帝勅曰：如來滅度，以末代流浮，付囑國王大臣，護持佛法。然僧尼出家，戒行須備，若縱情放逸，觸途煩惱，關涉人間，動違經律，既失如來玄妙之旨，又虧國王受付之義。遺教經是佛涅槃所說，戒勸弟子，甚爲詳要，末俗縉素，並不崇奉。大道將隱，微言且絕，永懷聖教，用思弘闡，宜令所司，差書手十人，多寫經本，務盡施行。其京官五品以上，及諸州刺史，各付一卷。若見僧尼業行與經文不同，宜公私勸勉。

○貞觀十八年，帝勅曰：如來滅度，以末代流浮，付囑國王大臣，護持佛法。然僧尼出家，戒行須備，若縱情放逸，觸途煩惱，關涉人間，動違經律，既失如來玄妙之旨，又虧國王受付之義。遺教經是佛涅槃所說，戒勸弟子，甚爲詳要，末俗縉素，並不崇奉。大道將隱，微言且絕，永懷聖教，用思弘闡，宜令所司，差書手十人，多寫經本，務盡施行。其京官五品以上，及諸州刺史，各付一卷。若見僧尼業行與經文不同，宜公私勸勉。

○貞觀十八年，帝勅曰：如來滅度，以末代流浮，付囑國王大臣，護持佛法。然僧尼出家，戒行須備，若縱情放逸，觸途煩惱，關涉人間，動違經律，既失如來玄妙之旨，又虧國王受付之義。遺教經是佛涅槃所說，戒勸弟子，甚爲詳要，末俗縉素，並不崇奉。大道將隱，微言且絕，永懷聖教，用思弘闡，宜令所司，差書手十人，多寫經本，務盡施行。其京官五品以上，及諸州刺史，各付一卷。若見僧尼業行與經文不同，宜公私勸勉。

○十九年二月，帝自將伐高麗，不克。九月，班師。二十年三月，車駕至長安。釋智則者，止辯才寺，房居蕭然，衆呼爲狂者。智則曰：道他狂者，不知自狂，出家離俗，只貪衣食，行住遮障，鎖門鎖櫃，種種聚歛，役役不安。此而非狂，更無狂者，乃撫掌大笑，遽然而去。傳

○風涇高王
釋法聰說法於浙西之蘇杭嘉興縣，有神曰高王，降其祝曰：爲我請聰法師來受菩薩戒，居人依其言而請之，戒訖。

○又降祝曰：自今以往，酒肉五辛一切悉斷。後若祈禱，可請僧衆在廟設齋行道，歷二年。秀州海鹽縣神曰鄱陽府君，因常祭降祝曰：爲我請聰法師講涅槃經，衆乃迎師就講。神又降祝曰：神道業障多有苦惱，自聽法來，身鱗甲內已息，細蟲噉舌，願爲我請師更講大品。師復爲講之神降。

釋氏稽古略

卷三

七

○貞觀二十二年，帝自伐遼而還，氣力不逮，乃留神大教。八月，問玄奘法師曰：欲植法門之益，何所宜先。奘曰：衆生寢惑，非慧莫啓。慧芽拙植，法爲之資。弘法須人，度僧爲最。帝悅，賜奘磨衲衣并寶刀。奘表謝具前本傳。下九月乙卯，詔曰：隋季失御，天下分崩，四海塗炭，八埏鼎沸。朕屬當戡亂，親履兵鋒，亟犯風霜，宿于馬上，填加藥餌，猶未痊除。比日以來，方遂平復，豈非福善之致耶。京城吸天下諸州寺各度僧五人。時天下寺三千七百餘所。

○度僧凡一萬七千餘人。唐書

○皇太子治居春宮，適天晴陰晦，體倦，悽感，追念母儀，昊天罔極，慈恩無際，遂鳩材擇地，創大慈恩寺，爲文德皇后追崇。冥福。至是十二月，成。又建浮圖，詔選京城宿望五十大德，各度侍者六人，居新寺。是月丙辰，太子備寶車五十乘，迎諸大德，并綵亭寶刹數百具，奉安新得。

創慈恩寺

梵夾諸經及瑞像舍利等物太常九部樂及長安萬年音樂京城諸
寺花幡導引入寺帝御安福門樓執鑪致敬經像過盡始罷皇情大
悅高宗既卽位親製
大慈恩寺碑唐

巳酉 貞觀二十三年夏四月帝有疾五月崩六月太
子卽位八月葬文皇帝於昭陵廟號太宗統緒

高宗 治字爲善天宗第九子初封晉
王在位三十四年壽五十六歲

永徽六 顯慶五 龍朔三 麟德二 乾封二 總章二
咸亨四 上元二 儀鳳三 調露元 永隆一 開耀一

弘道一

庚戌 永徽元年
辛亥二年

四祖道信大師尊者 姓司馬氏世居河內徙居蘄州廣濟縣今淮西
也生而超異幼慕空宗諸解脫門宛如宿習既
嗣祖位。脇不致席僅六十年唐高祖武德七年任蘄之破頭山今雙
峯山也貞觀中太宗聞其風三詔尊者不起又詔之帝謂使臣曰今

釋氏稽古略 卷三

八

復不從吾命卽取首來使道上意師引頸待刃使者還奏之帝嘉嘆
慰諭甚厚至是尊者居山已二十載矣一日往黃梅縣路逢一小兒
可七歲許問之曰汝何姓兒曰姓卽有非常姓祖曰是何姓兒曰是
佛性祖曰汝無姓耶兒曰性空故無祖默識其法器令侍者至其母
所乞令出家毋以其宿緣故遂捨之祖爲剃度名弘忍其後乃命曰
昔如來傳正法眼轉至於我我今付汝并於衣鉢聽吾偈曰花種有
生性因地花生生大緣與信合當生生不生至是永徽二年閏九月
四日誠門人曰一切諸法悉皆解脫汝等各各護念流化未來言訖
安坐而逝壽七十二塔於本山明年四月八日塔戶自開儀相如生
代宗大曆中謚曰大醫禪師塔曰慈雲誕宗尊者嘗至建康牛頭
山攝融禪師
列派曰旁出

基法師

○ 甲寅永徽五年帝特旨度沙彌窺基爲大僧入大慈恩寺參譯經正
義基鄂忠武公尉遲敬德猶子也居長安初玄奘法師就其父求之
出家基每覽疏記過目成誦義亦頓解善大小乘從奘師受瑜伽唯
識宗旨著論凡百部時號百本論師性豪俊每出必治三車經書食
饌時呼之曰三車法師永淳元年入滅壽五十一有詔傷悼御製畫
像贊勅葬樊川北渠近樊法師之塋京兆終南山宣律師持律精嚴

感天厨供養每薄基三車之玩基訪律師日過午天饌不至基辭去天乃來律師責以後時天曰適大乘菩薩在此翊衛嚴甚故無自而入律師聞之大驚於是遐邇增敬基公啓宗曰慈恩傳林

○慈恩教

初天竺國無着大士頗昇知足天宮咨叅慈氏唯識宗旨及弟天親菩薩生西度羅闍國發明大乘遂相與製論天竺代有聖賢出弘其教至正法藏戒賢論師西天中印度人年一百有三歲居王舍城國之那蘭陀寺會三藏玄奘至賢遂以瑜珈師地唯識宗旨授奘東歸獎以授窺基基乃網羅舊說廣製疏論學者宗旨謂之三車法相顯理宗慈恩教

乙卯永徽六年十月帝命司空李勣齋聖綬冊宸妃武氏爲皇后廢王皇后初貞觀二年太宗召荊州都督武士護嬖女入後宮爲才人時年十四太史奏有女主入兆出之於感業寺爲尼永徽五年帝召之入宮爲昭儀今冊爲皇后

僧○丙辰顯慶元年五月勅天下僧尼有犯國法者以僧律治之不得與民同科十一月天后生子號曰佛光王即中宗也十二月五日爲佛

光王度僧七人仍請玄奘法師爲佛光王剃髮爲出家講釋

釋氏稽古略

卷三

九

○千歲寶掌和尚

西竺中印度人也生而拳左手七歲祝髮乃展因名寶掌東漢獻帝建安二十四年來至此土魏晉間東

逝西入蜀禮普賢留大慈日誦般若等經有詠之者曰勞勞玉齒寒似逆寒泉急有時中夜坐階前鬼神泣一日謂衆曰吾有願住世千歲故以千歲稱之次遊五臺徙居祝融峰之華嚴黃梅之雙峰廬山之東林尋抵建康會達磨入梁掌就扣其首而有悟武帝高其道臘延之内庭未幾如吳有偈曰梁城遇導師參禪了心地飄零二浙遊更盡佳山水順流東下由千頃至天竺往鄧峯登太白穿鴈窠盤礴於翠峰七十二庵面赤城憩雲門法華諸暨漁浦赤符大巖尺宗貞觀十五年返杭之飛來峯棲止之今中天竺寺也有行盡支那四百里此中偏稱道人遊之句後居浦江之寶巖至是丁巳顯慶二年正月手塑一像尤日像成問其徒慧雲曰肖誰雲曰與和尚無異卽沐浴跌坐謂雲曰吾住世已一千七十二年今謝世聽吾偈曰本來無生死今亦示生死我得去住心他生復來此言訖而逝後五十四年刺浮長老自雲門至塔所禮曰黃塔戶開少選塔戶果啓其骨連環若黃金浮卽持往秦望山建塔焉玄宗開元中慧雲門人宗一者勒石識其行實云

中竺

實云
鐫燈

西。戊午顯慶二年六月十二日帝創西明寺。成十三年。帝出繡像長幡送寺安奉。尋召僧道各七人。入百福殿共談名理。以相啓沃。復各賜坐論議。全文備載。南山宣律師論衡。七月詔迎玄奘法師入居西明寺。四年十月帝以玉華宮爲寺。追崇先帝。詔法法師居之。五年帝幸

東都。勅召僧義褒。慧立等赴洛京見帝于合璧殿。叙論稱旨。留住東都淨土寺。體

○辛酉龍朔元年九月。帝幸高祖舊第天宮寺。設齋僧侶。勅釋彥棕撰大東京寺錄傳十卷。鋪述三寶靈迹焉。叙明

○明解。長安普光寺僧明解者。姓姚氏。性聰敏。琴詩書畫爲時獨絕。每欣俗網。不樂道門。嗜酒荒情。顯慶三年。帝造西明寺。成勅靈潤法師擇人居之。時有僚家數人共薦明解。潤法師曰。公等宜求戒定慧學。增長福田。何乃酒客畫師。以當洪奇官家。愧退明解。懷憾俄而帝徵四科。不問道俗。明解應詔。自舉射策升第。喜不自勝。遂乃歸俗。頗有餘言。未幾染疾。見數十人執猛炬迎解。明解大怖。言未終而卒。是年八月也。後託夢於相州淨土寺僧智整曰。明解宿無福業。不遵內教。今受大罪。非常饑乏。儻有故人之情。頗能惠一食。否。智整許諾。及寤。遂爲設食。至夜纔臥。卽見明解來。愧謝之。逾二年。又託夢於畫工張生曰。我以不信佛法。今大受苦痛。努力爲我寫三三卷經。執弄

釋氏稽古略

卷三

○啟懃。賦詩言別。教盡工讀十八遍。今記之。審乃憶其詩曰。握手不能別。撫膺還自傷。痛矣時陰短。悲哉泉路長。松林驚野吹。荒塚落寒霜。言離何以贈。留心內典章。其盡工素不識字。乃倩人錄之。示明解。知友皆曰。是明解文體不惑。見聞者莫不測然。哀感。觀錄珠林并冥書省爲中臺侍中。爲左相。中書令。爲右相。僕射。爲匡正。左右丞。爲肅

○機。尚書爲太常伯。侍郎爲少常伯。其餘二十四司。御史。職任如故。書

并州大像

并州是太原路。今改冀寧路。帝及后初幸并州童子寺。大像高十七丈七尺。七月遣使送袈裟於像。像放光明。帝悅。鞞

○善導和尚。入京。化人修淨土業。念阿彌陀佛。說法光明。寺是年入滅。

泗洲僧伽大士

初自碎葉國遊於西涼。是年顯化洛陽。或問師何姓。士曰。姓何。曰何國人。士曰何國人。則天萬歲通元年。詔番僧有樂住者。所在配住。時大士不欲異凡。乃隸名楚州。安

龍興寺。瘡如也。或宴坐於深房。或振錫於長路。中宗景龍二年。詔大士自淮寺入宮。帝稱弟子。三合問法。百辟歸心。館于薦福寺。在京數月。天時忽天旱。帝請大士內殿祈雨。甘澤隨靈。帝爲度慧儼慧岸木

又三人爲侍者帝爲書大士所居寺額曰普光王梵送歸淮肅宗景雲元年三月大士示寂壽八十三勅奉全身歸泗洲普光王寺塑身建塔帝問聖士萬回曰僧伽何如人回曰觀音大士化身耳大士初三十年在於本國五十三年行化此方顯應度緣凡二十七處神迹靈異入共瞻仰殿宇

塔廟在處供養碑誌

乙丑麟德二年益州法聚寺有張僧繇所畫地藏菩薩像至是七月寺僧傳本放光展轉圖者悉放光明大藏珠法

○九世同居

麟德二年十月車駕幸東都路過陽祀昊天上帝於泰山十表其門帝問所以共居之故公藝書忍壽張隸大原字百餘以進帝善之乃賜以練帛今冀寧路也

○終南山宣律師

丁卯訖封二年十月初三日律師入滅於長安西明寺律師諱道宣字京兆錢氏父吏部尚書申母夢月輪貫懷而孕又夢梵僧語之曰所孕者梁之祐律師也及長出家以律自持感天送饌侍衛暮年以戒壇未合律射自負土準律新之律師行道中夜臨砌礙且仆有少年介冑擁衛之律師問汝爲誰曰弟子博父天子張瓊也以師戒德故來給衛耳律師問以世尊在世

釋氏稽古略

卷三

十一

及滅度時事瓊一一爲言之及別授律師以佛牙餌藥修合之方今市肆天王補心丸是也懺筵行人日用之天神降靈不一傳流問答律師集之題曰感天侍應傳律師撰內典錄三寶感應錄佛道論衡釋迦譜四分羯磨續高僧傳廣弘明集八部八十一卷並行於世律師示寂高宗有詔傷悼勅天下寺圖形塑像以爲標範奉祀穆宗製讚曰代有覺人爲如來使龍魔歸降嶽神奉事聲飛五天辭驚萬古金鳥西沈佛日東舉稽首歸依肇律宗主

懿宗咸通十一年謚號曰澄照律師

○南山教

始自優婆離尊者於世尊滅後集四部衆結集毗尼藏優婆離口誦聖言十番衆證無差然後宣布三國魏邵陵厲公嘉平二年西竺沙門曇柯羅至洛陽始出僧祇戒本東晉安帝義熙三年天竺沙門佛陀耶舍尊者以十誦律來自是中夏律儀始備拓跋魏聰律師等世稟傳之至是宣律師持守奉謹諸天送食護衛弘其儀度律藏遂赫奕天下謂之行事防非止惡宗

弘道之師中印度優婆離尊者南天竺曇柯羅尊者中印度佛陀耶舍尊者聰律師光統律師雲暉律師樂洪雲律師隋洪遵律師文帝師之智首律師南山宣律師交綱律師唐光州入道岸律師中宗尊之圖形林光宮御製讚語見景龍三年太亮律師曇一律師南陽

張氏唐道澄律師德宗賜號曰大圓律師慧欽律師洪州徐氏。

戊辰總章元年 己巳二年 庚午咸亨元年 辛未二年

○水陸儀文

咸亨二年三月長安法海寺英禪師有異人來謁曰弟子知有水陸齋可以利益幽冥自梁武殺後因循不行今大

覺寺有吳僧義濟藏此儀文願師往求以來月十五於山北寺如法修設苟釋狴牢敢不知報英尋詣義濟果得儀文即以所期日山北寺如法修設次日曛暮向者異人與十數輩來謝曰弟子秦莊襄王也指其徒曰此范雎此穰侯此白起此王翦此張儀此陳軫皆秦臣也谷坐本罪幽囚陰府大夜冥冥無能救護昔梁武帝於金山寺設此齋時前代紂王之臣皆免所苦弟子爾時亦暫息苦然以獄情未決不得出離今蒙吾師設齋弟子與此徒輩并列國諸侯眾等皆乘善力將生人間慮世異國殊故此來謝言訖遂滅自是儀文布行天下作大利

益韋賦師集

○萬回法雲公

太宗貞觀六年五月五日生號州閿鄉張氏至是咸亨四年帝度之爲沙門回幼時致兄書六千里外朝往暮

釋氏稽古略

卷三

色眼

回因號萬回則天垂拱四年太后延回入宮賜以錦衣令宮女給侍長安二年回所至顯化玄宗在齋邸嘗私謁回回撫其背曰五十年太平天子可自愛中宗神龍二年賜回號法雲公睿宗景雲二年十月詔回入宮館於集賢院給二美人奉事之十二月忽求闕鄉河水左右不可得回曰穴堂前地可得也回飲水畢湛然

而逝壽八十歲賜司徒號國公勅圖形集賢院傳本甲戌上元元年帝稱天后皇后秋八月勅文武官三品以上服紫金玉帶四品服深緋金帶五品服淺緋金帶六品服深綠七品服淺綠並銀帶八品服深青九品服淺青並喻石帶庶人服黃銅鐵帶自非庶人不聽服黃贈諸車

○五祖弘忍大師尊者

廬州黃梅縣人也先爲破頭山栽松道者嘗請於四祖曰法道可得聞乎祖曰汝已老脫有聞

其能廣化邪儻若再來吾尚可遲汝道者去行水邊見一女子浣衣揖曰寄宿得否女曰我有父兄可往求之道者曰諾我則敢往求女不肯之道者回策歸山而化其女周氏季子也輟孕父母大惡逐之女無所歸日庸紡里中夕止眾館下已而生一子以爲不祥拋濁港中明日拆流而上天驚遂舉之成童隨母乞食里中逢一智者嘆曰此兒缺七種相不逮如來後遇四祖得度受其傳法嗣化於破頭山

至是咸亨二年。有一居士盧慧能者。自新州來。叅祖問曰。何來。盧曰。嶺南。祖曰。欲須何事。曰。唯求作佛。祖曰。嶺南人無佛性。若為得佛。曰。人有南北。佛性豈然。祖呵曰。着槽廠去。盧禮而退。便入碓坊。服勞杵。白間經餘八月。祖知付授時至。令眾各隨意見以述。一偈。時會下七百餘僧。上座神秀者。學通內外。眾所尊仰。咸推稱曰。若非尊秀。曷敢當之神秀。聞舉書一偈於廊壁。曰。身是菩提樹。心如明鏡臺。時時勤拂拭。莫使惹塵埃。祖見之。讚嘆曰。依此修行。亦得勝果。盧聞之。乃曰。美則美矣。了則未了。至夜。盧躬秉燭。請張日用別駕書一偈於秀偈之側。曰。菩提本無樹。明鏡亦非臺。本來無一物。何處惹塵埃。祖見偈已。潛往碓坊。問曰。米白也。未。盧曰。白也。未。經簡。祖以杖三擊於碓盧。即以此三鼓入室。祖告之曰。諸佛出世。以大事因緣。故隨機大小。而引導之。遂有十地三乘頓漸等。旨為之教門。然以無上微妙。秘密圓明。真實正法。眼藏付于上首。大迦葉尊者。展轉傳授。二十八世。至菩提達磨祖師。乃以東來。東之益傳。適至於我。我今以是大法。并其所受。僧伽黎衣。寶鉢。皆付於汝。善保護之。無使法絕。聽吾偈曰。有情來下種。因地果還生。無情既無種。無性亦無生。盧受法已。作禮問曰。法則聞命。衣鉢復傳授乎。祖曰。昔達磨來自西域。恐世未信其師承。故以衣鉢為驗。今天下已知信矣。可止於汝矣。且當遠隱。埃時行化。所謂

受衣之人。命如懸絲也。盧曰。當往何所。祖曰。逢懷卽止。遇會且藏。盧禮足已。卽夕去之。眾疑祖三日不上堂。扣之。祖曰。吾道行矣。問曰。衣鉢誰得耶。祖曰。能者得之。眾議盧名能。必彼得而往矣。祖付衣法已。復經四載。皆上元二年。告眾曰。吾今事異。時可行矣。入室安坐而逝。壽七十四。建塔於黃梅之東。山代宗謚號曰大滿禪師。塔曰法雨。証宗

真人

丙子儀鳳元年
 巳卯調露元年
 庚辰永隆元年
 辛巳開耀元年
 壬午永淳元年
 老陰陽醫藥之術尤尊釋典稱孫真人
 癸未弘道元年
 中宗卽位尊天后為皇太后
 政事咸取決焉
 中宗立而廢
 太后稱制
 佛頂尊勝陀羅尼
 西域北印度罽賓國沙門佛陀波利尊者此云覺
 護初儀鳳元年來五臺清涼山逢一叟問之曰爾
 何為來曰欲禮文殊叟曰曾持佛頂尊勝咒來否曰未也叟曰此土
 衆生犯殺盜淫妄四棄者多能回取咒以流此土作大利益弟子當

示師文殊所在言已忽不見波利乃返本國取咒至是弘道元年至長安有旨命杜行顛及日照三藏翻譯訖波利又將梵本訪西明寺僧順貞貞秦聞共譯之名尊勝陀羅尼乃第三出也與杜令譯者大同小異此諸衆譯此最弘布波利繼入五臺後不知其所終隋僧

○法苑珠林

凡一百卷賜入經藏流行法師玄暉

則天

諱曩，姓武氏，高宗后。生中宗，睿宗，太平公主三人。高宗崩中宗立，尊為皇太后。中宗元年二月戊午，后廢中宗為廬陵王，幽於別所。已未，立豫王旦為皇帝。政事決於太后。居帝於別殿。夏四月，遷廬陵王於房州，又遷均州。九月甲寅，赦天下。改元光宅。旗幟皆從金色。八品以下舊青者更服碧色。東都也。曹為神都，官名太初。

官改

又改尚書省為文昌臺，左右僕射為左右相。六曹為天地四時去官門下省為鸞臺，中書省為鳳閣，侍中為納言，中書令為內史，御史臺為左肅政臺，增置右肅政臺，其餘省寺監率之名悉以義類改之。太后稱制二十一年。

壽八十一歲

光宅一

延載一

天授又改曰載初二

長壽二

釋氏稽古略

卷三

十四

聖曆二

又視一

長安五

甲申 正月，中宗年曰嗣聖。二月，豫王立。光宅元年。

乙酉 垂拱元年。丙戌二年。泉州黃守恭宅圍桑樹，忽生白蓮華，因捨其宅為寺，今開先寺是也。

垂拱三年。天竺沙門地婆訶羅，此云日照高宗儀鳳初至長安，譯密嚴等經，至是共譯十八部。凡三十四卷。太后親製序。

巴丑 永昌元年。

庚辰 天授元年。

國改

國號周 天授元年九月，侍御史傅遊藝帥關中百姓詣闕上表請改國號。周國號周，賜皇帝姓武氏，太后可之。乃御則天樓，赦天下。以唐

為周。改元上尊號曰聖神皇帝。以皇帝旦為皇嗣，賜姓武立。武氏七廟於神都。十一月庚辰朔日南至，太后享萬象神宮，赦天下。始用周

正，以永昌元年十一月為歲。初元年正月，以十二月為臘。且夏正月為一月。秦宗容改造天地等十二字，以獻丁亥行之。太后自名嬰。改

詔曰：制二月辛酉，太后策貢士於洛城殿。貢士殿試自此始。至久視

試殿

元年冬十月，制復以正月為十一月，一月為正月。中宗神龍元年二

月復國號唐郊廟社稷陵寢百官旗幟服色文字皆如永淳以前故事復以神都爲東都北都爲并州新造十二字者照爲豐天爲西地爲丞日爲月爲日爲星爲君爲鳳臣令宰相撰時政記月送吏爲忠載爲風年爲乖初爲鳳正爲丑館時政記自此而始請

○壬辰長壽元年四月詔仁儉禪師入見師視太后良久云會麼后云不食師云老僧持不語戒言訖而去翌日進短歌十九首后覽而嘉之厚加錫賚今唯了元歌一首存傳燈王英集師

卽騰騰和尚也嗣嵩嶽慧安國師國師嗣五祖禪

○寶積經南天竺國沙門達磨流支此云法希初高宗聞其風開耀元年因西域使者詔敦請之至是來長安太后召見爲改其名

菩提流志此云覺愛勃於佛授記寺譯經一十九部凡二十八卷中宗神龍二年志隨駕還京勃於西崇福寺譯寶積經帝親筆受睿宗

景雲元年帝復於北苑白蓮花亭別開寶積會首帝亦親躬筆受王瑒賀知章等潤色中書陸象先魏知古監義御筆製序標於經首玄

宗開元元年志以所譯寶積經并舊譯合成一部百二十卷功畢志不復譯經專持誦修習禪觀開元十五年入滅壽一百五十六歲葬

之日特給鹵簿羽儀塔於龍門西原追贈鴻臚大卿賜諡曰開元一切遍知三藏名德之重古未有也志前後譯經五十三部合一百一

釋氏稽古略

卷三

十八卷其載之甲午延載元年

乙未天冊萬歲元年正月辛巳太后加號慈氏改元證聖諱義淨字文明范陽涿州張氏子髫鬣出家爲僧弱冠具

○法師義淨諱義淨字文明范陽涿州張氏子髫鬣出家爲僧弱冠具

年歷三十餘國至是乙未五月還至河洛得梵本經律論四百部合五十萬夾金剛座真容一鋪舍利三百粒太后親迎於上東門外

奉安佛授記寺勅令翻譯初與實義難陀翻華嚴經長安三年譯金光明最勝王等經百一羯磨等成均學助教許觀監護太后製新

翻聖教序中宗神龍元年於東洛內道塲譯孔雀王等經帝製序號大唐龍興三藏聖教序二年隨駕回長安勅於大薦福寺別置翻經

院譯一切莊嚴王等經兵部侍郎崔湜給事中盧象昇文正字秘書監附馬都尉楊慎交監護中宗景龍二年召師入內同翻經僧九旬

坐夏帝念居房州時祈念藥師乃命法師於大佛光殿譯藥師經二卷睿宗景雲元年師留大薦福寺譯浴像等經論二十部凡八十八

卷學士李嶠張說等潤色僕射韋巨源蘇瓌監護玄宗開元元年七月法師入寂壽七十九僧臘五十九勅給葬事塔洛京龍門北之高

原法師前後譯經律論五十六部凡二百三十卷又別撰儀傳等九卷師雖遍翻三藏而偏攻律部教授學者鮮

是年勃沙門明佺等刊定經目撰錄十五卷隨大藏流行蘇

○華嚴經

太后聞于闐國有梵本華嚴大經遣使往求之并請善梵學

善華嚴宗旨遺應旨太后大悅是年三月詔入大遍空寺同菩提流志復禮法師等翻譯次移佛授記寺太后時幸其寺親究筆削施供

食饌至聖曆二年十月譯新經成八十卷太后親製序文御太極殿宣示百官長安四年實又難陀出楞伽經七卷比之諸本尤為詳明

難陀總譯經論一十九部凡一百七卷辭還千闐詔遣御史霍嗣光送還本國蘇觀至中宗景龍二年再詔難陀至京帝親迎勞備法儀送止薦福寺講演經旨睿宗景雲元年十月師入滅闍維舌根不壞詔送歸千闐建塔傳本

丙申萬歲通天元年臘月甲申改元萬歲登封

○賢首教

釋法藏號賢首姓康居國人風度奇正利智絕倫來長宏尋應名僧義學之選屬玄奘法師譯經始預其間後因筆受

釋氏稽古略

卷三

證義潤文見識不同而出譯場初燉煌杜順法師隋文帝篤敬之傳華嚴法界觀與弟子智儼此晉譯華嚴也藏侍儼盡得其教至是傳譯藏首登其數實又難陀譯于闐華嚴梵夾藏同義淨法師復禮法師皆預焉萬歲通天元年詔沙彌法藏於太原寺開示新譯華嚴宗旨白光自口而出有旨命京城十大德為藏授滿分成賜號賢首詔入大徧空寺奉譯長安元年詔賢首於東都佛授記寺講新華嚴經至華藏世界界大地震動即日召對長生殿問帝綱十重六相之義藏敷宣有緒天帝網義十重玄門海印三昧門六相和合義門普眼境界門此諸義章皆是華嚴總別義綱太后於此茫然未決藏乃指鎮殿金獅子為喻因撰義門徑提易解號金獅子章列十門總別之相太后遂開悟其旨藏又為學不了者設巧方便取鑑十面八方安排上下各一相去一丈餘面面相對中安一佛像燃一炬以照之互影交光學者因曉刹海涉入無盡之義藏嘗著般若心經疏為時所貴天下流行又號康藏國師清涼大統國師澄觀以命世亞聖之才追宗賢首著華嚴疏論凡數百萬言圭峰宗密嗣之是為華嚴五祖大法淵源沛然洽於天下目為一念圓融具德宗賢首教高僧清涼國師法名澄觀姓夏侯氏越州山陰人也年十一依今應天山寶林寺需禪師出家誦法華經十四歲遇恩得度隸名寶林肅宗乾

元中依閬州棲霞寺醴律師學相部律依曇一隸南山律詣金陵玄
壁法師傳關河三論三論之盛於江表師之力也代宗大曆中於瓦
棺寺傳起信涅槃又於淮南法藏受海東起信疏義溫習華嚴覆尋
三論僅二十年就蘇州從湛然法師習天台止觀法華維摩等經疏
解又謁牛頭山忠禪師徑山欽禪師洛陽亡名禪師咨決南宗禪法
復見慧雲禪師了北宗玄理以至翻習經傳了史小學著雅天竺悉
曇諸部異執四章五明秘呪儀軌篇頌書疏一皆博綜大曆十一年
禮文殊於五臺徃峩眉拜普賢却還五臺居大華嚴寺傳行方等懺
法概華嚴舊疏文繁義約愀然長想况文殊主智普賢主理三聖合
爲毘盧遮那萬行兼通即大華嚴之義遂撰疏成二十卷德宗貞元
七年河東節度使李自真請師於崇福寺講新疏德宗聞其風降中
使李輔光宣詔入都與夙賓三藏般若譯烏荼國所進華嚴後分四
十卷次年五月遣中使霍仙鳴傳宣催入德宗敦重延居譯場刊正
又詔令造疏編成十卷進呈順宗在春宮嘗接師言請述了義一卷
心要一卷并食肉得罪因緣師疏義綱要富有著作弟子傳法者
一百許人又見靈宗元和十二年并文宗開成三年皆高宗傳
終南山圭峯禪師宗密果州西充人姓何氏世業儒憲宗元和二年
將赴貢舉偶造遂州圓禪師法席味其道法遂求披剃當年受具一

圭峰

釋氏稽古略

卷三

日隨眾僧齋于府吏任灌家居未座以次授經得圓覺十二章未終
軸而感悟歸告于圓圓曰汝當大弘圓頓之教匪諸佛授汝耳行矣
無自滯於一隅遂奉命辭去謁荆南忠禪師洛陽照禪師皆蒙記荊
抵襄漢因病僧付華嚴疏即上都燈觀大師之所撰也覽之欣然曰
吾禪遇南宗教逢圓覺一言之下心地開通一軸之中義天朗耀今
復得茲絕筆尋詣上都禮見清涼國師求幾復入終南圭峯蘭若又
宗奧受教爲外護師以禪教學者互相非毀遂著禪源諸詮寫錄諸
家所述詮表禪門根源道理文字句偈集爲一藏以貽後代武宗會
昌元年正月六日於興福院誡門人令昇屍施鳥獸焚其骨而散之
旨訖坐滅道俗奉全身於圭峯茶毗得舍利藏之石室宣宗追諡
定慧禪師塔曰青蓮壽六十三嗣遂州圓六祖下五世何澤派也
詔嵩嶽慧安禪師并神秀禪師至都肩輿入殿太后親加跪禮奉於
宮禁朝夕問道尊安爲國師時王公已下聞風來謁望塵拜伏繡纈
師忽思出家至蘄州雙峰寺遇五祖乃嘆服而事之樵汲
供役以求其道祖乃度之五祖入滅師住江陵當陽山太后聞之召
至都下同慧安國師於內道場供養特加欽禮命於當陽山置度門

國師

北宗秀禪師

諱神秀五祖旁出之嗣生開封李氏少業儒博綜多聞

讖語
始此

寺以旌其德中宗既立尤加禮重大臣張說嘗聞法要執弟子禮師示衆曰一切佛法自心本有將心外求捨父逃走中宗神龍二年二月入滅於東都天宮寺謚大遍禪師勅葬龍門葬日給羽儀鹵簿帝送以便橋勅中書令張說爲製碑文師生於隋末百有餘歲僧臘八十時岐王範及微君盧鴻一皆勒碑製誄舊唐書有傳

○嵩嶽安國師

諱慧安荊州枝江衛氏子幼年出家披剃隋文帝開皇十七年道居山筓場帝大業中開濟渠丁夫之餓殍也

師爲乞食以活之場帝聞而徵師不赴潛入太和尚山登衡嶽行頭陀行太宗貞觀間至嶽州黃梅謁五祖遂得心要高宗麟德元年遊終南山石壁因止焉高宗詔之不起復至嵩少乃云是吾終焉之地也禪者輻輳犬后遣使召師入見偕北秀禪師同膺欽禮犬后尊師爲國師至中宗神龍二年賜紫袈裟爲度弟子二十七人延入禁中供養是時中宗遣內侍薛簡詔六祖祖不赴詔逾三年中宗又賜師磨衲僧衣辭歸嵩嶽景龍三年三月三日囑門人曰吾死矣將屍向林中待野火焚之至入日偃身而寂春秋一百二十八門人遵旨果野火自然闍維得舍利八十粒內五粒大而紫色進留宮禁曆宗先天元年門人建塔焉世稱老安國師嗣法弟子仁儉破竈墮嵩嶽圭鐔燈

釋氏稽古略

卷三

八

丁酉神功元年

戊戌聖曆元年

皇嗣睿宗固請遜位于廬陵王九月立廬陵王哲爲皇太子復名顯大赦天下

己亥聖曆二年

復

庚子又視元年冬十月制復以正月爲十一月一月爲正月辛丑長安元年○壬寅二年○癸卯三年○甲辰長安四年

中宗

諱顯高宗第七子立爲皇太子初高宗崩太子即位正月尊天后爲太后立妃韋氏爲皇后擢后父韋玄貞豫州刺史帝以玄貞爲

侍中裴炎固爭不從炎白太后密謀二月戊午廢帝爲廬陵王遷房州又遷均州流玄貞欽州則天聖曆元年復立爲皇太子至是乙巳年正月乙巳天后傳位太子丙午帝即位丁未太后徙居二陽宮帝帥百官上尊號曰則天大聖皇帝十一月壬寅崩神龍元年二月復唐國號郊廟社稷旗幟百官皆如永淳以前故事以神

復

都也洛陽爲東都北都爲并州帝在位六年壽五十五歲

神龍二
景龍四

乙巳

神龍元年四月帝降御札召曹溪六祖入京其辭曰朕延安秀二師宮中供養每究一乘二師並推讓云南方能禪師密受忍

大師衣法可說彼問云遣內侍薛簡馳詔迎請願師慈念速赴上京
祖表謝辭以疾簡曰京城禪德皆云欲得會道當習禪定若不因禪
定而得解脫者未之有也未審師所說法如何祖曰道由心悟豈在
坐耶簡曰弟子回朝上上必問願師指示心要令得明道祖曰道無
明暗簡曰明喻智慧暗况煩惱倘不以智慧照破煩惱生死憑何出
離祖曰若以智慧照煩惱者此是二乘小機簡曰何謂大乘見解祖
曰明與無明其性無二無二之性卽是實性實性在凡不滅在聖不
增住煩惱而不亂居禪定而不寂性相如如名之爲道簡曰師說不
生不滅何異外道祖曰外道將滅止生以生顯滅滅猶不滅生說無
生我說本自不生今亦無滅所以不同外道汝欲知心要但一切善
惡都莫思量自然得入清淨心體湛然常住妙用恒沙簡禮辭歸關
表上祖語帝浴美久之尋遣使賜祖磨衲袈裟鉢鉢絹五百疋諭天
子嚮慕之
意傳

楞嚴經 天竺沙門般刺奢諦此云極量是年至廣州居制止道場五
月於灌頂部中誦出一品名楞嚴經彌伽樂法此云雲峰譯
成一部十卷宰相房融筆受融時貶流高州因得以寓於譯所汲門
懷迪證譯傳經事畢朝廷責以私譯密諦遂泛舶攜梵夾歸天竺譯

釋氏稽古略

卷三

十九

僧 丙午神龍二年僧範
等加五品階唐舊史

○ 試經度僧 八月詔天下試童行經義挑通無滯者
度之爲僧試經度僧從此而始唐舊史

沙門智嚴于闐國王之子幼年來唐早居榮祿授大將軍封郡公是
年五月請捨宅爲寺勅允其請又固請出家十二月二十四日墨制
云人之情也莫不貪祿惜位卿之願也乃欲棄俗出家忽者來奏差
賞兼懷特遂所祈式成高志仍請住終南山至相寺多預翻譯釋教
丁未景龍元年二年三月朔方道大總

管張仁愿築三受降城於河上屬豐州

○ 嶽神乞戒 嵩嶽元珪禪師生伊闕李氏幼歲出家高宗永淳年間受
具戒隸閉居寺習毘尼謁安國師頓悟玄旨遂廬于嵩嶽

之龐塲是年一日有異人裝冠袴褶詣而至從者極多偉稱謁大
師師觀其非常乃諭之曰善來仁者胡爲而至彼曰師寧識我耶師
曰吾觀佛與衆生等吾一日之豈分別邪彼曰我此嶽神也能生死
於人師安得一日我哉師曰吾本不生汝焉能死吾視身與空等視
吾與汝等汝能壞空與汝乎苟能壞空及汝吾則不生不滅也汝尚
不能如是又焉能生死吾邪神稽首曰我亦聰明正直於餘神詎知

師有廣大之智辯乎廟授以正戒卒我度世師曰汝既乞戒卽既戒也所以者何戒外無戒又何戒哉神曰此理也我聞茫昧止求師戒我身爲門弟子師卽爲張座秉爐正咒曰付汝五戒若能奉持卽應曰能不能卽曰否神曰謹受教師曰汝能不淫乎曰我亦娶也師曰非謂此也謂無羅欲也曰能師曰汝能不盜乎曰何乏我也焉有盜取哉師曰非謂此也謂饜而福淫不供而禍善也曰能師曰汝能不殺乎曰實司其柄焉曰不殺師曰非謂此也謂有濫誤疑混也曰能師曰汝能不妄乎曰我正直焉有妄乎師曰非謂此也謂先後不合天心也曰能師曰汝不遭酒敗乎曰能師曰如是是爲佛戒也師又曰以有心奉持而無心拘執以有心爲物而無心想身能如是則先天地生不爲精後天地死不爲老終日變化而不爲動畢盡寂默而不爲休信此則雖娶非妻也雖饜非取也雖柄非權也雖作非故也雖醉非昏也若能無心於萬物則無戒無戒則無心無佛無衆生無汝及無我孰爲戒哉神曰我神通亞佛師曰汝神通十句五能五不能佛十句七能三不能神悚然避席跪啓曰可得聞乎師曰汝能戾上帝東天行而西七曜乎曰不能師曰汝能奪地祇融五嶽而結四海乎曰不能師曰是謂五不能也佛能空一切相成萬法智而不能卽滅定業佛能知群有性窮億劫事而不能化導無緣佛能度無量

釋氏稽古略

卷三

有情而不能盡衆生界是爲三不能也定業亦不牢久無緣亦是一期衆生界本無增減亘無一人能主其法有法無主是謂無法無法無主是謂無心如我解佛亦無神通也但能以無心通達一切法爾神曰我誠淺昧未聞空義師所授戒我當奉行今願報慈德教我所能師曰吾觀身無物觀法無常塊然更有何欲邪神曰師必命我爲世間專展我小神功使已發心初發心未發心不信心必信心五等人自我神蹤知有佛有神有能有不能有自然有非自然者師曰無爲是無爲是神曰佛亦使神護法師寧壞叛佛邪願隨意番誨師不得已而言曰東巖寺之障蒼然無樹北岫有之而背非屏擁汝能移北樹於東嶺乎神曰已聞命矣然昏夜必有喧動願師無駭卽作禮辭去師門送而且觀之見儀衛逶迤如玉者之狀嵐靄煙霞紛綸間錯幢幡環珮凌空隱沒焉其夕果有暴風吼雷奔雲掣電練宇搖蕩宿鳥聲喧師謂衆曰無怖無怖神與我契矣詰旦和霽則北巖松栢盡移東嶺森然行植師謂其徒曰吾沒後言莫及之若爲口實人將妖我至玄宗開元四年師囑門人曰吾始居寺東嶺我今入滅可實吾骸于彼言訖而化師嗣慧安國師國師嗣五祖大滿禪師續略御。○西景龍三年帝召道岸律師入宮爲妃主受歸戒圖形林光宮御製贊曰戒珠皎潔慧流清淨身局靈篇心融入定學妙真宗觀通實

贊

性維持法務綱紀德政律藏冀其傳芳
像教因而光盛玄宗開元五年師入滅

睿宗

諱旦高宗第八子初封豫王又封相王景龍四年六月中宗遇弒
韋后秘不發喪立温王重茂為皇太子發喪即位年曰唐隆相王

子隆基平內難奉相王輔少帝少帝尋遜位于相王相王乃即帝位
在位二年立隆基為皇太子玄宗開元二年七月重茂薨諱曰藹皇

帝壽二十歲開元四年六月
睿宗崩壽五十五歲

景雲

先天

節

庚戌

六月改元景雲元年八月以左武衛大將軍薛訥兼幽州都督
節度使節度使之名始自訥也百官賜爵普度僧道萬數

度

壬子先天元年七月

僧

月帝傳位于太子

玄宗

諱隆基睿宗第三子初封楚王改封臨淄王景雲初立為皇太子
先天元年八月即位在位四十三年壽七十八尊睿宗為太上皇

開元二十九
天寶十五

釋氏稽古略

卷三

二十一

癸丑開元元年

秋七月帝與岐王範薛王業郭元振及王毛仲高力
上等誅宰相謀廢立惡逆者曰蕭至忠竇懷貞岑羲

寘

崔湜常元楷李慈等賞功臣官爵宦官之盛自始於此十二月赦天

盛

下改尚書左右僕射為左右丞相中書省為紫微省門下省為黃門

官

省侍中為監雍州為京兆府洛州
為河南府長史為尹司馬為少尹

六祖慧能大士尊者

俗姓盧氏名能其先本籍范陽今涿州父行瑄
高祖武德年中謫官新州生能遂為新興人也

甫三歲而父喪母守節育之及長家益貧祖乃採薪鬻而供母一日
過市聞客讀經應無所住而生其心問客曰此法得於何人客曰

此名金剛經得於黃梅忍大師祖遽告其母即趨五祖抵韶州尼無
盡藏者讀涅槃經尼問經字祖曰字則不識義則請問尼曰字尚不

識曷能會義祖曰諸佛妙理非關文字尼驚異之謂人曰能是有道
之人宜供養之近處寶林古寺舊基眾請營葺而延居之四眾雲集

俄成寶坊祖念大法直造黃梅之東山即高宗咸亨二年也既得法
已機語炫于五祖章下丙子儀鳳元年正月八日回屆南海法性寺

二僧論風動幡動祖曰不是風動不是幡動仁者心動印宗法師聞
之竦異遂邀祖扣其胸曰乃知其為盧居士也正月十五日會諸名

身訖
已畢

德為祖刺落二月八月法性寺就智亮律師受具戒既得戒遂開東山法門明年二月八月歸寶林寺韶州刺史韋據請於大梵寺轉妙法輪并受無相心地戒門人紀錄曰為壇經後返曹溪雨大法雨中宗神龍元年四月帝遣內侍薛簡詔師不起簡以所資法要回奏帝嘆美詔賜磨衲袈裟鉢絹二月十九日勅改韶州古寶林為中興寺丁未十一月十八日又勅韶州刺史重加崇飾賜額為法泉寺祖新州舊居為國恩寺唐宗先天元年一日忽謂眾曰吾忝於忍大師處受其法要并及衣鉢今為汝等信根純熟但說法要無有疑者衣鉢不須傳也聽吾偈曰心地含諸種普雨悉皆生頓悟花情已菩提果自成次年七月一日吾返新州國恩寺至是度人說法已四十年八月三日沐浴跣趺而化壽七十六十一月十三日歸塔於曹溪今南華寺是也前刺史韋據碑之証宗肅宗上元元年帝慕祖之道遣使詔取其所傳西竺衣鉢就內瞻禮代宗嗣位永泰元年五月五日帝夢祖請衣鉢還帝即遣使馳送曹溪憲宗元和十年南海經略馬總以曹溪六祖未有識請于朝帝賜謚曰大鑑禪師塔曰靈照總又請椰子厚為師撰行業碑傳登錄又厚文集

帝問佛恩

開元二年帝宣問左街僧錄神光法師曰佛於眾生有何恩德致捨君親妻子而師事之說若有理朕當建立說若

釋氏稽古略

卷三

三二

無理朕當削除神光曰佛於眾生恩過天地明踰日月德重父母義越君臣帝曰天地日月具造化之功父母君臣具生成之德何以言佛並過此乎光曰天能蓋不能載地能載不能蓋日則照晝不照夜月則照夜不照晝父祇能生不能養母則能養不能生君有道則臣忠君無道則臣佞以此而推德則不全佛於眾生恩則不爾言蓋則四生普覆論載則六道俱承論明則照耀十方論明則光輝三有論慈則提拔普海論悲則度脫幽冥論聖則眾聖中王論神則六通自在所以存亡普救貴賤皆携唯願陛下留心敬仰帝悅曰佛恩如此非師莫宣朕願回

甲子十二年
開元十三年

○破竈墮

破竈墮禪師不稱名氏得法於慧安國師隱居嵩嶽山塢有廟靈甚殿中唯安一竈遠近祭祀不輟師一日引侍僧入廟

以杖敲竈三下曰咄此竈只是泥瓦合成聖從何來靈從何起怎麼烹宰物命又打三下竈乃傾墮須臾一人青衣袞冠設拜師前師曰是甚麼人曰我本此廟竈神久受業報今日蒙師說無生法得脫此處生在天中特來致謝師曰是汝本有之性非吾強言神再拜而沒

由是時入呼師曰
破電墮和尚錄

○律至日本開元十四年日本國沙門榮 敝等至揚州奉僧伽黎衣十

門時鑿真律師受其衣嘆外國人有佛種性欲往化之會敝等勸請
律師遂附船而東至日本彼王枉駕迎勞館於毘盧殿求幾請真授
歸戒夫人群臣皆以次稟受

日本自是始有律宗焉錄

○一行禪師高僧傳曰釋一行俗姓張鉅鹿人也 鹿人也鄭德 本名遂則

不再覽遇禪師普寂於嵩山乃悟世幻遂禮之為師出家剃染隸中
嶽嵩陽寺專勤精進久之往荊州當陽山依慧悟律師習毘尼抑詳
究於陰陽讖緯之書尋訪算術未至天台國清寺得盡寺僧之所蘊
自此聲名籍甚睿宗景雲二年三月詔之赴闕辭疾不行玄宗開元
三年八月帝遣禮部郎中張洽賈詔詣當陽山起之至京帝謂曰師
有何能對曰略能記覽帝命中官取官籍示之師周覽方畢覆其本
記唱數遍帝不覺降榻稽首曰師實聖人也嘆嗟久之留光泰殿詔
對無恒占於灾福若指於掌開元九年四月朝廷以麟德曆不驗詔

釋氏稽古略

卷三

師改撰新曆師推大衍數立術以應之曰開元大衍曆五十二卷編
入唐書曆律志邢和璞者道術人也謂尹愔曰一行和尚真聖人也
漢洛下閎造大初曆云八百歲後當差一日則有聖人定之今年觀
畢矣屬大衍曆出正其差謬則洛下閎之言可信非聖人孰能預於
斯矣師學陀羅尼秘印於金剛智三藏開元十一年十月師製水運
渾天黃道儀成古未之有也帝悅親為製銘詔安武成殿以示百官

○渾天黃道儀其儀準圓天之像具列宿赤道度數注水激輪令其自

轉一晝夜而天運週外絡二輪綴以日月令得運行每
天西行一週日東行一度日行十三度以木匱為地平以儀半在地
下晦明朔望有準立木人二於地平其前一前置鼓候至一刻則自擊
之其前一前置鐘候至一辰則自撞之觀赫帝於大明宮從容問師社
稷運祚師曰鑿輿有萬里之行社稷畢終得吉安祿山反帝幸蜀至
萬里橋成都而還僖宗崩皇弟吉王長而賢群臣屬望中尉楊復恭
請立其弟壽王傑梁移其祚師言驗也開元十五年十一月八日師
更衣端坐而逝春秋四十五帝哭之哀甚輟朝三日停龕三七日顏
容怡然勅葬銅人原出內庫錢五十萬建塔謚大慧禪師帝親製文
立碑書之於石勅東宮已下京官九品以上並送至銅人原設齋蓋
田開元十六年三月駕幸溫湯道由師之塔所駐蹕令品官告以出

豫之意賜帛五十疋令葺塔前松栢師嗣嵩山普寂禪師寄闢北宗
神秀秀五祖旁出之嗣也宋贊寧僧統撰師傳曰師隨駕幸新豐駕
前辭帝東來高山燭禮本師寂

禪師入滅於罔極寺辨僧使

○春遊開元十八年二月始令百官於春月旬休選勝行樂自宰相至
送使起舞盡歡而去是時天

下奏死罪止二十四人謂

善四
大卷
○經卷沙門智昇撰開元釋教錄二十卷詮次佛經律論凡五千四十
卷帝御花萼樓召釋道二教論義法師道氣與道士尹謙對辯謙義

長安高陵人也父容殿中侍御史母馬氏開元十八年於花萼樓對
御定二教優劣氣雄論奮發河傾海注道士尹謙對答失次理屈辭

彈論宗乖舛帝再三嘆羨賜絹五百匹充法施另集對御論衡一本

盛傳于代開元二十八年有疾上遺表入寂帝覽表側怛遣中使內

給事賈文瓌將絹五十匹就院弔贈俗壽七十三僧臘五
十三以其年八月十三日葬終南山陰道遙園側唐書史

釋氏稽古略

卷三

○註經開元十九年御注金剛
經頒行天下大藏目錄

○太公廟三月始令兩京諸州各置太公廟以張良配饗選古名
將以備十哲每歲二月八月上戊日致祭如孔子禮肅宗上

元元年追謚聖
為武成王諱

○祕密教西天此土傳流凡七世初金剛薩埵於毘盧遮那前親受瑜
伽五部蘇悉執範薩埵傳龍猛大士龍猛傳龍智闍黎住世

皆數百年龍智傳金剛智跋日羅菩提也金剛智始來東土傳之不

空三藏不空玄宗開元間復往天竺入師子國從普賢阿闍黎受十
八會金剛灌頂及大悲胎藏建壇之法天寶五載還至京師以所得

法授慧朗法師由朗而下南方厥嗣寢微降及末代特所謂瑜珈佛

事者
有焉
○金剛智籍洛陽廣福寺梵名跋日羅菩提此云金剛智天竺南印度

摩賴耶國人也父婆羅門善五明為建支王師智生數歲日
誦萬言年十五開悟佛理遂出家隨師中印度那蘭陀寺學阿毘達
磨等泊登壇法律聽十八部律又詣西印度學小乘諸論餘半全

通經律論三藏聞支那毗輦吐佛法崇盛乃泛舶而來開元七年達於廣府次年至京勅迎舍大慈恩寺廣弘祕密建曼荼羅法尋徙薦福寺。天智道氣大慧也。行二禪師。不空三藏皆師事之。智所譯經一行多預焉。一行嘗稟其壇法儀制開元二十年八月十五日於洛陽廣福寺命門人曰白月圓時吾當去矣遂禮毘盧遮那佛旋達七下退歸本院焚香發願頂戴梵夾并新譯教法付囑訖寂然而化壽七十。臘五十一。十一月七日葬龍門南伊川之右弟子不空奏奉勅謚灌頂國師勅中書侍郎杜鴻漸撰紀德碑。唐僧傳

○不空三藏

籍京北大興善寺梵名阿目佉跋折羅華言不空金剛。北天竺婆羅門族幼孤隨叔父觀光東國年十五師事金剛

智蒙授教法洎登具戒儀範善解一切有部金剛智入寂已開元二十五年十二月攜弟子三十七人附崑崙船返五天印度歷彼諸國廣求密藏及諸經論五百餘部天寶五載還京奉勅權止鴻臚六載詔入內立壇爲帝灌頂賜號智藏國師移居淨影寺夏祈雨有應帝自持寶箱賜紫袈裟洛陽北邙山有巨蟒毒氣遠噴聞者立死帝召師呪而斃之天寶十二載西番大石康居三國兵圍涼州帝請空祈陰兵救之空結壇誦仁王密語帝親秉爐有神介胄而至帝視之問曰此何神也空曰北方毘沙門天王長子也空誦密語遣之四月二十

釋氏稽古略

卷三

城樓
天王

日西涼奏報二月十一日城東北三十許里雲霧間神兵長儀城北門樓有光明天王怒視番帥鼓角凌雲而至西番畏懼卷甲遁去帝覽奏因勅諸道城樓置天王像此其始也肅宗乾元中詔空入內建道場護魔法爲帝受轉輪王位毛寶灌頂上元末空表請入山李輔國宜勅令於終南山智炬寺修功德代宗立恩渥彌厚永泰元年詔譯密嚴仁王二經帝爲製序十一月一日制授特進試鴻臚卿天曆三年詔空大興善寺建壇爲近侍大臣及諸鎮將帥悉授灌頂帝親署加號天廣智三藏天曆六年空進所譯經凡一百二十卷七十七部九年示寂上表辭窳勅使勞問賜醫藥加開府儀同三司封蕭國公食邑三千戶固讓不已且曰白月圓滿吾當逝矣奈何臨終更竊名位乃以五股金剛鈴杵先師之所傳者以銀盤置菩提子水精數珠留別附中使李憲誠進六月十五日香水澡浴束首倚臥北面瞻望闕庭以大印身定中而寂享年七十僧臘五十弟子慧朗次紹灌頂之位餘知法者數人帝輟朝三日賜絹布雜物錢四十萬造紫錢二百餘萬勅功德使李元宗知護喪事七月六日茶毘詔朝品劉仙鶴就寺置祭贈司空謚大辯正廣智三藏收舍利數百粒以八十粒進內其頂骨不壞中有舍利一顆半隱半現勅於本寺別院起塔御史大夫嚴郢爲碑徐浩書樹於本院。唐書高僧傳

宋體經系傳曰傳教推輪者果夏以金剛智爲始祖不空金剛爲二祖慧朗爲三祖自後岐分派別咸曰傳瑜珈大教多則多矣而少驗者何亦猶羽嘉生應龍應龍生鳳鳳凰

鳳已降生庶鳥矣欲無變其可得乎

分

癸酉開元二十一年分天下爲京畿都畿關內河南河東河北龍右

道

山南東道山南西道劍南淮南江南東道江南西道黔中嶺南凡十五道各置採訪使方士張果老自言已數百歲帝召之至闕

老

懇辭歸山制賜銀青光祿大夫號通玄先生又常山不知所終

○華嚴合論

開元二十二年太原李長者名通玄日食一柏葉棗小餅

造論逾三年遷馬氏古佛堂側閱十年負經書而去之山行二十里

過一虎長者撫之曰吾著華嚴論能爲釋棲止處否即以經囊負其

背行至神福山原下土龕前駐止長者乃於龕著論每夕口出白光

以代燈燭日有二女子汲水炷香每食時具饌齋畢撤而去如是五

載長者著論畢遂滅跡不見也論成四十卷開元二十八年三月長

者卒壽九十五歲又著決疑論會釋十門玄義緣生解迷十明等論

十五六相百門義海

偈讚語等並傳於世

釋氏稽古略

卷三

藥王

姓韋氏名古字老師疎勒國人開元二十五年至京紗巾毳袍杖藜而行腰懸數百葫蘆普施藥餌以一黑犬自隨凡有患者

古視之卽愈帝敬禮爲藥王菩薩

皇后圖其形而供養之此本草傳及神仙傳

建開元二十六年詔天下州郡各建一大寺以紀年

元寺

爲號額曰開元寺六月立皇太子璵改名亨諱

○文宣王

南齊孔子東向制自今孔子南向被王者服道贈弟子皆爲

公侯

伯

諸

公

侯

伯

諸

公

○青原

吉州青原山靜居寺行思禪師本州安城劉氏子幼歲出家得法於六祖歸住青原至是開元二十八年十二月十三日陞堂

告衆踟躕而逝僖宗謚弘濟

○普寂禪師

京都唐興寺普寂禪師舊唐史云寂生河東馬氏少時徧入京因薦之於則天得度爲僧秀敏天下好釋氏者咸師事之中宗聞其高行特下制令代神秀統其法衆玄宗開元十三年有旨移居

都城時王公士庶爭來禮請寂嚴重少言難見其和悅之容遠近尤以此重之。至是開元二十八年入寂有勅賜號大照禪師葬日河東尹裴寬及其妻子並衰麻列於門徒之次。士庶傾城哭送。市易幾廢師嗣秀秀嗣五祖師嗣子惟政一行。

○南嶽

禪師師諱懷讓。金州杜氏子。年十五辭親往荊州玉泉寺依弘景律師出家。受具戒。習毘尼。詣曹溪參六祖。逾八年乃領法要。祖謂師曰。西天二十七祖。般若多羅。識汝足下。出一馬駒踏煞天下人。師侍祖一十五年。唐宗先天元年。往衡嶽居般若寺。至是開元中。接馬祖道一。付偈曰。心地含諸種。遇澤悉皆萌。三昧華無相。何壞復何成。天寶三載八月十一日。圓寂於衡嶽。壽六十八。勅謚大慧禪師。塔曰最勝輪之。

天寶三年改年曰載。至塔。師嗣六祖。肅宗乾元元年復稱年。

○祠部牒

天寶五載五月制天下度僧尼並令。祠部牒。祠部給牒。今謂之祠部者。始起於此。

○戊子天寶七載。大將軍高力士於西京建寶壽寺。成鑄洪鐘。辨齋以慶之。舉朝軍集。約以擊鐘一杵。施錢百緡。有樂施者。至二十杵。始封。庚寅天寶九載五月。賜安祿山爵東平郡王。唐將帥封王。自祿山始。

安祿山者。本營州柳城胡。初名阿攀山。突厥所謂開戰神者是也。本

釋氏稽古略

卷三

姓康。母阿史德為。覲居突厥中。禱子於乾竺山。及祿山生。有光照穹廬。野獸皆鳴。望氣者言其祥。父死。母攜之。再適突厥。安延偃。曾其部落。破散。與延偃。偃兄子思順。俱逃來唐。故冒姓安氏。名祿山也。又有史罕。願。骨干者。以祿山。同里。聞。馳勇。聞。累。遇。將軍。賜名。思明。自。後。俱。反。

部

部為文部。刑部為憲部。書部。

○乙未天寶十四載十一月。安祿山反。肅宗乾元二年。安祿代宗。廣德元年。史滅。

肅宗

諱亨。玄宗第三子。開元二十六年立為皇太子。丙申年六月。安祿山攻陷潼關。玄宗幸蜀。太子即位於靈武。改元至德。乃七月也。尊

玄宗曰太上皇。改扶風為鳳翔府。在位七年。壽五十二歲。

至德

乾元二。寶應一。

○丙申七月。改至德元年。安祿山自稱大燕皇帝。建元聖武。兵入長安。次年安祿山為其鬪。擊李豬兒。執刃斫其腹。死。其子安慶緒立。

丁酉

至德二載九月。克復西京。十月。克復東京。丁卯。帝入西京。十二月。上皇還至咸陽。居興慶宮。肅宗立子廣平王儼為楚王。加封功臣。

加郭子儀司徒李光弼司空以蜀郡

為南京鳳翔為西京西京為中京諱

建寺

戊戌乾元元年大赦改元復以載為年帝於禁中立內道場誦贊
唄尋勅五嶽各建寺選高行沙門主之聽白衣能誦經五百紙者度
為僧或納錢百緡請牒剃度亦賜明經出身及兩京既平立楚王
又於關輔諸州納錢度僧道萬餘人因而始有進納之名為太子

放生池

乾元二年三月詔天下諸州各置放生池十月勅昇州刺史
顏真卿撰有唐天下放生池碑銘其序云我皇舉天下以為

池罄域中而蒙福乘陀羅尼加持之力竭煩惱海生死之津接之前
古管何髮鬚天月命司徒郭子儀討安慶緒以宦官開府儀同三司
魚朝恩為觀軍容宣慰處置使觀軍容之名

軍容

自此始史思明殺安慶緒自立為大燕皇帝
元元年
荷澤 神會禪師襄陽高氏子年十四為沙彌謁六祖即得法尋往西
京受戒甲宗景龍二年歸曹溪祖滅後二十年間曹溪頓宗沉

叢窟

廢於荆吳嵩嶽漸門盛行於秦洛師於天寶四載入京著顯宗記以
訂兩宗南能頓宗北秀漸宗也至是上元元年師辭眾奄然而化葬
於龍門勅建塔院賜號

真宗般若師嗣六祖燁 荷澤 山東東昌路曹州
也荷贈兗州之域

釋氏稽古略

卷三

齋

華丑上元二年八月制去年號但稱元年去尊號但稱皇帝以建子
月為歲首月皆以所建之辰為數明年復如初史思明愛少子朝清
立為太子欲殺其長子朝義朝義部
將駭悅囚史思明殺之朝義即帝位

南陽國師

名慧忠生浙東越州諸暨冉氏受六祖心印居南陽白崖
山黨子谷四十餘年不下山肅宗聞其道行上元二年勅

中使孫朝進詔徵赴京待以師禮居千福寺西禪院帝問師在曹溪
得何法師曰陛下還見空中一片雲麼帝曰見師曰釘釘着懸掛着

帝又問如何是十身調御師乃起立曰會麼帝曰不會師曰與老僧
過淨瓶來帝又曰如何是無靜三昧師曰檀越踏毘盧頂上行帝曰

此意如何師曰莫認自己清淨法身帝又問師乃不之視帝曰朕是
大唐天子師何以殊不顧視師曰還見虛空麼帝曰見師曰他還見

目視陛下否帝領解至代宗大曆十年師以化緣將畢乃辭帝代宗
自師滅度後弟子將何所記師曰告檀越造一所無縫塔帝曰就

師請取塔樣師良久曰會麼帝曰不會師曰貧道去後有侍者應真
却知此事乞詔問之十二月十九日右脇而逝塔於黨子谷諡大證

禪師代宗詔應真問前語真良久曰聖上會麼帝曰不會真述偈曰
湘之南潭之北中有黃金充一國影樹下合同船瑠璃殿上無知

識慮真生江西吉州

源山嗣商陽國師

號

壬寅寶應元年建巳月州刺史崔旰表稱有尼真如悅愍登天見
上帝勛以寶王十三枚云中國有災以此鎮之群臣表賀因曰寶應
甲寅上皇崩帝以寢疾發哀於內殿哀慕疾轉劇乃命太子監國甲
子制改元復以建寅為正月月數皆如其舊丁卯帝崩戊辰發大行
皇帝喪巳巳楚州令
太子即帝位淮安路

代宗

諱豫初名俶肅宗長子封廣平王為元帥與郭子儀等克復二
京乾元元年立為皇太子至是即位在位十七年壽五十三歲

大曆

癸卯廣德元年

史朝義戰敗走范陽窮感縊死林中冬十月吐蕃陷
京師帝出陝郭子儀克復之帝還官平二月詔修五

臺文殊菩薩殿鑄
銅為瓦塗以黃金

甲辰二年詔內道場選三百僧百人為
番誦仁王般若經出入乘馬五月行道

釋氏稽古略

卷三

三十九

乙巳永泰元年詔天下
官司毋得撞辱僧尼

孟蘭盆

丙午大曆元年七月壬午帝作孟蘭盆會于禁中設高祖太
宗已下七聖位建巨幡各以帝號標其上自太廟迎入內道

場是日立仗百僚於光順門迎拜導從自是歲以為常癸未太廟三
室生靈芝帝賦詩美之百僚皆和觀經云佛大弟子目犍連尊者

神通第一適母氏命終墮餓鬼中目連往見之白佛救度之佛命以
七月十五僧自恣日備設齋供供佛齋僧念讀諸經母乃脫離餓鬼

丁未大曆二年七月觀軍容魚朝恩奏
以先所賜莊為章敬寺以資太后冥福

精進

法華輔行云於法無染曰精念念趣求曰進相國杜鴻漸出撫
巴蜀是年至益州州城遣使詣白崖山請無住禪師入城問

法要曰弟子聞金和尚說無憶無念莫妄三句法門未審是一是三
師曰無憶名戒無念名定莫妄名慧然一心不生則具戒定慧非一

非三也公曰後何妄字莫是從心之忘乎師曰從女者是也公曰有
據乎師曰法何經云若起精進心是妄非精進若能心不妄精進無

有涯公盪釋疑情時有鴉鳴公問師聞否師曰聞與不聞非關聞性
有聲之時是聲塵自生無聲之時是聲塵自滅而此聞性不隨聲生

不隨聲滅悟此開性則免聲塵流轉乃至色香味觸亦復如是空諸
躍稱敬詳見傳燈錄師嗣益州無相禪師無相嗣資州寂寂嗣資州
旻旻嗣五祖大滿

循法

甲寅大曆九年道士史華者以術得幸因請立刃梯與沙門循法有
旨兩街選僧應之沙門崇慧常誦首楞嚴呪表請挫之帝師百僚臨
觀史華履刃而上招崇慧登之慧乃蹶之而昇徑復無傷慧乃命薪
烈火聚於庭慧入以呼華華慚汗不敢正視帝大悅而罷賜崇慧號
護國三藏後不知其所終佛道論師

三生石

沙門圓澤寓洛陽慧林寺與隱士李源厚善慧林即源舊第
也父橙守東都為安祿山所害源以故不仕常居寺中一日
偶祖率遊峩眉山源欲自荊州泝峽以往澤欲由長安斜谷源以為
久絕人事不欲復入京師澤不能強遂自荊州舟次南浦見婦人錦
襜負罌而汲者澤望而泣曰所不欲由此者為是也源驚問故澤曰
婦人孕三稔矣遲吾為之子不逢則已今既見之無可逃者公當以
符呪助我令速生三日浴兒願公臨願以一笑為信後十三年於杭
州天竺寺外當與公相見源悲哀具浴至暮而澤亡婦乳三日源往

釋氏稽古略

卷三

視之兒見源果軒渠而笑即具以語其家葬事訖源返寺中後如期
自洛之吳越其約也果於杭州西山下天竺寺前葛洪井畔聞有牧
童扣牛角而歌曰三生石上舊精魂賞月吟風莫要論慚愧情人遠
相訪此身雖異性常在源曰澤公健否答曰李君真信士然世緣未
盡且勿相近惟勤修不惰乃復相見又歌曰身前身後事茫茫欲語
因緣恐斷腸吳越江山尋已遍却回煙棹上瞿塘遂隱不見源復歸
慧林至穆宗長慶初年八十矣御史中丞李德裕
表薦之穆宗下詔以源守諫議大夫源不赴唐書
○戊午大曆十三年詔兩京律師詳定新舊律條開列持犯頒行天下
時禪化大行江西主大寂馬祖也湖南主石頭幢滂二大士之門
○己未大曆十四年五月帝崩太子即位

律

詔尊郭子儀為尚父加太尉兼中書令

德宗

諱适代宗長子初封奉節郡王為天下兵馬大元帥廣
德二年立為皇太子在帝位二十六年壽六十四歲

建中四 興元一

庚申建中元年

辛酉建中二年汾陽忠武
王郭子儀薨壽八十五歲

宋史。元亥建中四年十月。李希烈圍襄城。帝發涇原等道兵救之。涇原節度使姚令言至京師。其部兵求賞不遂。鼓譟劫令言反。奉朱泚爲主。帝乃出幸奉天。守備單弱。泚遣涇原兵馬使韓旻將銳兵襲奉天。犬

可農段秀實謂岐靈岳曰。事急矣。使靈岳詐爲姚令言符。令旻且還。當與大軍俱發。竊令言印未至。秀實乃倒用司農印。印符道及韓旻。旻得符而還。泚自稱大秦皇帝。建元曰應天。

○甲子。泚元年。朱泚更國號曰漢。收元天皇李希烈。卽皇帝位於許州。國號大秦。建元武成。置百官。帝自奉天急幸梁州。至城固。神策河北行營節度使李晟收復京城。六月。朱泚將奔吐蕃。爲其將梁庭芬等斬之。傳首行在。詔改梁州爲興元。帝至長安。進李晟爵西平王。

○乙丑。貞元元年。丙寅二年五月。詔律師道澄入官。爲妃嬪內侍。授敕戒。賜號大圓律師。制諸寺宣講。復作孟蘭盆會。依代宗時。

三。貞元三年。分浙江東西道爲三浙。○浙西治潤州。今鎮江。浙東治越州。○宣歙池治宣州。各置觀察使以領之。唐書

貞元四年。詔迎岐州無憂王寺佛指骨入禁中供養。

○馬祖。江西禪師。法名漢州什邡縣人。姓馬氏。故稱馬祖。出家本邑羅漢寺。依資州唐和尚落髮。渝州圓律師授具足戒。玄宗開元間。

釋氏稽古略 卷三 三一

習定南嶽山中。遇讓和尚度之。卽得心要。始自建陽佛跡嶺。遷臨川。撫州。路次至南康壘公山。代宗大曆四年。隸名鍾陵。開元寺時。連師

路嗣恭。吟風景。慕親授宗旨。由是四方學者雲集。座下。洪州廉使問師曰。喫酒肉卽是不喫。卽是。師曰。若喫是中丞祿。不喫是中丞福。丞

有省。師入室弟子一百三十九人。各爲一方宗主。轉化無窮。師至是貞元四年正月。中。登建昌石門山。於林中經行。見洞壑平坦。謂侍者

曰。吾之朽質。當於來月歸茲土矣。言訖而回。旣而示疾。院主聞和尚近日尊候如何。師曰。日月佛。月面佛。二月一日沐浴。跣跌而逝。憲宗

元和八年。賜謚大寂禪師。塔曰大莊嚴之塔。見景德錄

○石頭。庚午。貞元六年。南嶽石頭和尚入寂。諱希遷。瑞州高要陳氏。屬志勁敏。旣冠。直造曹溪。得法。未具戒。屬禪圓寂。真道命謁青原

山思禪師。受宗天寶初薦之。衡山南寺。寺東有石狀如臺。乃結庵其上。時號之曰石頭和尚。著草庵歌。叅同契。盛行於世。至是圓寂。塔於

東嶺。帝賜謚無際大師。塔曰見相師。嗣青原思。思嗣六祖。傳燈錄

○國一。壬申。貞元八年十二月。國一禪師入寂。師諱道欽。蘇州崑山朱氏子。初業儒。年二十八。遇潤州鶴林素禪師。勉之。剝落乃戒之。

曰汝乘流而行達徑即止師遂南邁玄宗天寶三載抵臨安東北一山樵者曰此徑山也乃駐錫焉山有龍淵龍王首化身爲人獻其地於師乃成伽藍在今浙西道杭州路餘杭縣一制僧間如何是道師曰山上有鯉魚非底有蓬塵崔趙公問弟子今欲出家得否師曰出家乃大丈夫事非將相之所能爲公有省代宗大曆三年詔至闕下帝親瞻禮帝謂忠國師曰朕欲賜欽師一名國師欣然奉詔乃賜號國一禪師後辭歸徑山至是十二月示疾說法而逝帝賜謚大覺禪師師嗣鶴林素素嗣建康牛頭山威禪師威嗣牛頭持持嗣牛頭方方嗣牛頭巖巖嗣牛頭融融燧嗣四祖乃四祖旁出之派也燧

稅

癸酉貞元九年正月監鐵使張滂請稅茶九州縣產茶及茶山皆估其直什稅一茶稅初於此○壽州毛罕妻自興元元年產一子名毛僂猪頭象耳驟足魚腮人身既長每以鐵杖自鞭其身持篠帚金殿掃地謂人口夙因盜常在錢金故掃地以償也後越州雲門有讚之者曰常住分文不可偷日生萬倍恐難酬猪頭驟脚分明

債

見佛地今生掃未休至是癸酉年毛僂死并風業傳

釋皎然 名晝一作字湖州人有逸才爲顏魯公真卿于頔吳季德諸公所敬陸羽至則清談終日士大夫服其標致然耻以文章

釋氏稽古略

卷三

三十一

名世嘗嘆曰使有宣尼之博識胥臣之多聞終日目前矜道侈義適足以擾其性豈若松巖雲月禪坐相偶無言而道合至靜而性同吾將入村山矣於是哀所著詩文火之篋中丞李洪刺湖州枉駕村山請及詩文晝曰貧道役筆視二十餘年一無所得冥搜物累徒起我人今棄之矣洪搜之民間僅得十卷晝卒相國于頔序之

進于朝德宗詔藏秘閣後人爲之稱曰晝之晝能清委勸借宦官得專軍政者始自竇文場初文場惡左神策大將軍柏良器貞元八年十二月左遷良器爲右領軍因而宦官得志至是貞元十一年五月河東節度使李自良薨監軍王定遠奏以行軍司馬李說爲留後說深德定遠請鑄監軍印監軍有印自定遠始

○律師靈澈

字源澄居越州雲門寺一時公卿負才望若劉長卿嚴維

源二十一卷蚤遊京師聲譽顯著終老于越焉相國權德輿作序餞

之有觀其容鑒其詞知其心不待境靜而靜之之語憲宗元和十一年入滅有文集二十卷尚書劉禹錫

爲序後人稱之曰越之澈洞冰雪蘇

丙子貞元十二年四月帝生日故事命汝門道士講論於麟德殿至是始命以儒二叅之帝悅賜法師端甫紫方袍命入官輔導皇太子

僧標沙門名僧標。幼而神宇清茂。首中肅宗。朝元元年。誦通經之選。

大雅與之遊。如李吉甫。韋阜。孟簡。皆與結塵外交。吳人語曰。杭之標。

摩雲霄。越之澈洞。冰雪。滑之晝能清秀。竟陵陸羽見標曰。日月雲霞。

吾知為天標。山川草木。吾知為地標。推能歸美。吾知為德標。閑居。

趣寂。得非名實。在公乎。杭人尊之。而不名。但呼曰西嶺和尚。龕僧。

塔記。已卯貞元十五年四月。使承宣作福州無垢淨光塔銘。略曰。觀。

於樹善。樹善莫大於佛教。教之本其在浮圖歟。夫塔者。上參諸天。下。

鎮三界。影之所廢。如日月之照。破昏為明。鈴之所響。如金石之奏。聞。

聲生善。如是諸福。盡歸人王。謀之既臧。相顧踴躍。食王祿者。樂於檀。

施。荷帝九者。悅而獻工。役無告勞。功用斯畢。皇帝嘉焉。御札題額。錫。

名貞元無垢淨光之塔。糖書。

寶林傳。貞元十七年。建康沙門慧炬。天竺三藏勝持。

癸未貞元十九年。東都聖善寺大師凝公示寂。翰林白樂天作入漸。

偈吊之。其序曰。居易嘗求心要於師。師賜教焉。曰。觀覺定慧。明通濟。

捨。由是入於耳貫。于心有得也。師今云亡。以八字作偈哀悼之。傳。燭錄。

甲申貞元二十年九月。太子誦得風疾不能言。

貞元二十一年正月辛未朔。諸王親戚入賀。太子獨以疾不能來。帝。

涕泣悲嘆。由是得疾日益甚。凡二十餘日。中外不通。莫知兩官安否。

癸未帝崩。甲午宣遺詔。太子即帝位於太極殿。

順宗。諱德宗。長子。失音不能決事。居深宮。施簾帷。獨宦官李忠言。昭。

容牛氏侍左右。百官奏事。自幃中可其奏。在位一年。壽四十六。

乙酉永貞元年。八月庚子。制令太子即皇帝位。朕稱太上。永貞。

九月。太尉中書令韋皋薨。皋治蜀二十一年。封南康忠武王。四川奉。

祀之。以為王神。禮重。釋氏法。嘉州錫山。為石佛像。成皋為記。有曰。頤。

圍千尺。日廣二丈。其餘相好。一一稱是。又嘗訓一鸚鵡。念佛護鬘。皇。

曰。是念佛者。宜以桑門禮。閣維之。果得舍利二顆。舉為記。略曰。元精。

大像

乎能言了空相。於不念。留真骨於已。斃。殆其元聖。示現感於人心。

釋氏稽古略

卷三

憲宗 純順宗長子。初封廣陵王。永貞元年三月立爲皇太子。八月受詔卽位在位十五年壽四十五。元和

丙戌元和元年 春正月。上皇崩。十月。詔天下有道行僧赴上都闡揚法化。

論道

○丁亥元和二年。詔信州東鵝湖山大義禪師入麟德殿設齋。召諸大德論道。帝臨聽。論義有法師問。何謂四諦。師曰。聖上一帝三諦。何在。又問。欲界無禪。禪居色界。此土憑何而立。師曰。法師。只知欲界無禪。不知禪界無欲。曰。如何是祖。義以指點。空法師無對。帝曰。法師。講無窮經論。只這一點。尚不奈何。義却問衆師曰。畢竟以何爲道。有對知者是道。師曰。不可以智知。不可以識識。安得知者是道。有對無分別。是道。師曰。善能分別。諸法相。於第一義而不動。安得無分別。是道。有對四禪入定。是道。師曰。佛身無爲。不墮諸數。安得四禪入定。是道。復有數人致對。義皆乘機爲曉之。帝問曰。何者是佛性。義曰。不離陛下所問。帝默契。由是益重禪宗。師衢州須江徐氏嗣馬祖。元和十三年正月入寂。勅謚慧覺禪師。傳燈錄

○僧錄 元和二年二月。制法師端甫掌內殿法事。儀注錄左右街僧事。僧錄自甫而始。勸請

釋氏稽古略

卷三

荆南城東天皇寺 道悟禪師。唐協律郎符載撰碑曰。道悟。姓張氏。娶

受戒於杭州竹林寺。初叅國一。於徑山留五年。代宗大曆十一年。隱於四明大梅山。德宗建中初。謂江西馬祖。二年。叅石頭。乃大悟。遂隱當陽紫陵山。後於荆南城東天皇廢寺。僧靈鑒者請居。至是。元和二年四月十三日。以背痛入滅。壽六十。坐三十五。夏法嗣三人。曰。慧真。曰。文賁。曰。幽閑。今荆南城東有天皇巷。存焉。癩

戊子元和三年。韶懷驍禪師居京兆章敬寺。每召對麟德殿。論道。是年入寂。勅謚大覺禪師。師泉州謝氏子。嗣馬祖。鑄燈

荆南城西天王寺 道悟禪師。唐正議大夫戶部侍郎平章事荆南節度使丘玄素撰碑曰。道悟。涪宮人。姓崔氏。子玉

之後。胤也。年十五。依長沙寺曇翥律師出家。二十三詣嵩山受戒。三十叅石頭。頰沐指示。曾未投機。次詣忠國師。年三十四。與國師侍者應真南還。謁馬祖。祖曰。識取自心。本來是佛。不屬漸次。不似修持。體自如如。萬德圓滿。師於言下大悟。祖囑之曰。汝往住持。莫離舊處。師蒙旨已。便返荆門。去郭不遠。結草爲廬。後節使顧問左右。申其端緒。節使親往訪問。見其路隘。車馬難通。極目荒榛。曾未修整。因之怒其

令人持師拋於流水，旌旆旋歸，居第火發，莫可遁，向闈空中，聲曰：我是天王神。我是天王神。節使謝過拜禮，煙焰頓息。亟趨江陰，見師水涯，重伸懺悔，迎請在衙供養。於府西造寺，額曰天王。師居常稱云：快活快活。臨將入寂，乃稱苦苦。閻羅王來取伊也。院主云：和尚被節使拋向水中，神色不動。如今何得恁麼地。師舉桃子云：汝道當時是。如今是院主無對。師擲下桃子而逝。當此元和五年十月十三日也。壽八十二。坐六十三夏。嗣

法一人曰崇信。元錄

譯 庚寅元和五年三月，勅諫議孟簡補闕。蕭俛於醴泉寺臨護譯經潤文。唐書

○ 龐居士

襄州居士龐蕴者，衡州衡陽縣人也。字道玄，世本業儒。少悟

為侶者是甚麼人。頭以手掩其口。豁然有省。後與丹霞天然禪師為友。一日石頭問曰：日用事作麼生。士曰：若問日用事，即無開口處。乃呈偈曰：日用事無別，唯吾自偶諧。頭頭非取捨，處處沒張乖。朱紫誰為號，丘山絕點埃。神通并妙用，運水及搬柴。頭然之既而頭曰：子以緇邪素邪。士曰：願從所慕。遂不剃染。後叅馬祖。問曰：不與萬法為侶者是甚麼人。祖曰：待汝一口吸盡西江水，即向汝道。王於言下頓悟。

釋氏稽古略

卷三

玄直遂廁祖之門徒焉。乃留駐叅承二載。有偈曰：有男不婚，有女不嫁。大家團欒，頭共說無生話。機辯提出諸方嚮之至是。元和六年北遊襄漢，隨處而居。有女名靈照，賣竹漉籬以供朝夕。土坐次問靈照古人道明明百草頭，明明祖師意。如何會。女曰：老人大大作這箇語話。士曰：你作麼生。女曰：明明百草頭，明明祖師意。士乃笑。士因下橋被撲，女見亦去。土邊倒。士曰：你作甚麼。女曰：見爺倒地，靈照相扶。士將入滅。謂靈照曰：視日早晚及午以報。照遽報日已中矣。而有蝕也。士出戶觀靈照即登父座。合掌坐亡。士笑曰：我女鋒捷矣。於是更延七日。州牧于公頓聞之來問。士謂之曰：但願空諸所有，慎勿實諸所無。好住世間。皆如影響。言訖，桃公膝而化。遺命焚棄於江湖中。龐婆走田中謂其子龐大曰：汝父死矣。龐大笑曰：噫。倚鋤亦脫去。婆曰：汝更愚癡。既為焚燒畢，婆乃遍別鄉間歸隱之。自後莫知其所。自有詩偈三百餘篇。傳於世。緇白傷悼。謂

禪門龐居士。卽毘耶淨名也。佛傳

壬辰元和七年夏六月大水為

○ 辨食飛走

元和八年法師智晉悟解絕倫。然寡徒侶。偶有耆宿開嘗著述。乃曰：汝識至高。頗符佛意。今寡徒眾。蓋缺人緣耳。佛

猶不能度無緣况初心者乎可辦食布施走却後二十年當自行
衆習如其教炊米散郊外感鳥大集搏飯習祝曰食吾飯者願爲法
侶後二十年晉往鄴城開講座下
有衆千餘人皆年少比丘本傳錄
感應錄

○北山錄

北山法師清著盛行於世至是元和九年清入寂

○百丈山

江西隆興路姑洪禪師名懷海福州長樂王氏子卅歲離塵
三學該練屬馬祖闡化江西乃傾心依附與西堂智藏南泉

普願同號入室時三大士化門爲角立焉師上堂曰靈光獨耀迥脫
根塵體露真常不拘文字心性無染本自圓成但離妄緣卽如如佛

師初立叢林儀軌名曰清規至是元和九年正月十三日歸
寂壽九十五歲粉謚大智禪師塔曰大寶勝輪師嗣馬祖傳

○清規

百丈山大智海禪師創立也猶佛之律條動靜云爲折旋俯仰
莫可犯也叢林尊行之又有日用小清規永明壽禪師所作也

○元和九年正月椰子厚作南嶽大明律師碑其略曰儒以禮立仁義
無之則壞佛以律持定慧去之則喪是以離禮於仁義者不可與言
儒異律於定慧者不可與言佛達是道者惟大明師凡浮圖之道衰
其徒必小律而去經大明恐焉於是究戒律而大法以立通經教而

釋氏稽古略

卷三

與義以修凡衣服器用動有師法。

言語行止皆爲物軌全文載柳集

○鳥窠禪師

諱道林杭州富陽潘氏子母朱氏誕時異香光明滿室因
名曰香光尤歲出家二十一於荊州果願寺受戒後詣長

安西明寺復禮法師學華嚴經起信論禮示以真妄頌俾修禪那師
問曰初云何觀云何用心禮久而無言師三禮而退屬代宗詔徑山

道欽禪師至闕師就得謁契悟心要及南歸錢塘孤山永福寺
有牌支佛塔時道俗共爲法會師振錫而入有靈隱寺韜光禪師曰

此之法會何以作聲師曰無聲誰知是會後見西湖之北秦望山有
長松枝葉繁茂盤屈如蓋遂棲止其上故時人謂之鳥窠禪師有謁

巢於側人又曰鵲巢和尚至是元和間白侍郎居易由中書舍人出
刺杭州聞師之道因見師棲止巢上乃問曰師住處甚險師曰太守

非險乎曰佛子位鎮山河何險之有師曰薪火相交識性不停得
解恁麼道師曰三歲孩兒雖道得八十翁翁行不得侍郎欽嘆數從

問道乃起竹閣於湖上近師之居以便朝夕之叅益竹閣者今日廣
化寺侍郎遺像存焉師於穆宗長慶四年二月十日告侍者曰吾今
報盡言訖脚跌而化粉謚圓修禪師師嗣國一欽禪師四祖旁派續

。布毛侍者

法名會通姓吳禪為供奉官元和十年。日奏帝曰臣

里趨謁烏窠禪師於湖上願求剃度窠曰今時為僧鮮有精苦者行

多淨濫窠曰本淨非琢磨元明不隨照窠曰汝若了淨智妙圓體自

空寂即真出家元卿確請窠乃與披剃具戒法名會通侍窠年久忽

赤眼
歸宗

窠於身上拈起布毛吹之通頓悟玄旨遂不遊行雅號布
毛侍者建伽藍於喜鵲寺之東葛嶺之西塢曰招賢鵲燈

丙申元和十一年江州歸宗寺智常禪師目有重瞳用藥手按摩人

而目皆俱赤因號赤眼歸宗江州刺史李渤問曰芥子納須彌莫妄

談否師曰人傳使君讀萬卷書是否李曰然師曰使君自頂至踵如

椰子大萬卷向甚處着渤俛首有省師歎有嗣法者甚盛師嗣馬祖

。馬郎婦觀世音也元和十二年菩薩大慈悲力欲化陝右示現為美

婦但一夕能誦普門品者事之黎明徹誦者二十輩爰曰女子一身

豈能配眾可誦金剛經至旦通者猶十數人女復不然其請更授以

法華經七卷約三日通至期獨馬氏子能通經女令具禮成姻馬氏

迎之爰曰適體中不佳俟少安相見客未散而女死乃即壞爛葬之

釋氏稽古略 卷三

三十七

骨頭挑去後不知明
月落誰家觀世音菩薩

。清涼國師

清涼大統國師澄觀始見於則天萬歲通天元年。至順宗

道本乎其心。心法本乎無住。無住心體靈知不昧。性相寂然。包含德

用。迷現量則惑苦紛然。悟真性則空明廓徹。雖即心即佛。唯證者方

知。然有證有知。則慧日沉沒於有地。若無照無悟。則昏雲掩蔽於空

門。若一念不生。則前後際斷。照體獨立。物我皆如。直造心源。無智無

得。然迷悟相依。真妄相待。若求真去妄。如棄影勞形。若體妄即真。似

處陰影滅。若無心忘照。則萬慮俱捐。若任運寂知。則眾行爰啓。放曠

任其去住。靜鑒覺其源流。語默不夫。玄微動靜未離法界。言止則雙

亡。知寂論觀。則雙照寂知。語證則不可示人。說理則非證。不了是以

悟寂無寂。真知無知。以知寂不二之一心契空有雙亡之中道。帝主

元和四年五月。勅有司別鑄金印。加清涼國師號。僧統國師。主教門

事帝問師曰華嚴所說何謂法界師曰法界者衆生身心之本體也
從本以來虛明廣大唯一真境而已無有形貌而森羅大千無有邊
際而含容萬有昭昭於心目之間而相不可覩晃晃於色塵之內而
理不可分非徹法之慧目離念之明智不能見自心如此之靈通也
故世尊初成正覺歎曰奇哉一切衆生具有如來智慧德相但以妄
想執着而不證得於是稱法界性說華嚴經全以真空簡理事理融
攝周遍凝寂帝聽於玄談
廓然自得唐書師文集
開成三年入京

○護國真身佛骨 已亥元和十四年正月帝遣中使杜英奇持香率往

鳳翔府法雲寺護國真身塔所請釋迦文佛指骨入
內帝御安福門迎拜留禁中供養三日五色光現百餘稱賀歷送諸
寺釋部威儀次常長安萬年音樂旌幡鼓吹偉盛殊特刑部侍郎韓
愈上表陳諫引古言今稱帝壽國祚之不延永帝大怒以表示宰輔
將抵以死裴度崔群爲解之貶潮州刺史愈到郡之初以表哀謝勸
帝東封泰山久而無報鬱鬱不樂聞郡有大顛禪師道德名重以書
招之三招而大顛至顛之言論超勝留數十日或入定數日方起愈
甚敬焉師辭去愈祀神海上乃登靈山造師之廬問曰弟子軍州事
繁省要處乞師一句師良久不顧公問措時三平爲侍者乃敲床一

昌
黎
大顛
禪師

釋氏稽古略

卷三

下師云作麼平云先以定動後以智拔公乃拜三平而謝曰和尚門
風高峻愈於侍者處得箇入路師問愈曰子之貌鬱然似有不懌何
也對曰愈之用於朝享祿厚矣一旦以忠言不用竄逐八千里播越
嶺海喪吾女孀毒霧瘴氣日夕發作今黜於無人之地其生詎可保
乎愈之來也道出廣陵廟而禱之幸蒙其力而卒以無恙以主上有
中興之功已奏章道之使東巡泰山奏功皇天倘有意於此則庶幾
召愈述作功德而薦之郊廟焉愈早夜待之而未至冀萬一於速歸
愈安能有懌乎顛曰子直言於朝也忠於君而不顧其身耶抑尚顧
其身而強言之以徇名耶言用則獲忠直之名享報言之利不用而
逐事之必至何介於胷中哉苟患乎逐則蓋勿言而已吾聞之爲
人臣者不擇地而安不量勢而行今子遇逐而不懌越時而求徇殆
非人臣之正也且子之死生禍福豈不懸諸天乎子姑自內修而外
任命可也彼廣陵其能福汝取主上以奸臣負國而討之不暇僅能
克乎而瘡痍未瘳方此之際而子又欲封禪告功以騷動天下而屬
意在乎已之欲歸子奚忍於是耶且夫以窮自亂而祭非其鬼是不知
命也動天下而不顧以便己是不知仁也強言以干忠遇困而曾鬱
是不知義也以亂爲治而告皇天是不知禮也而子何以爲之且子
之遭黜也所言何事愈曰主上迎佛骨入大內愈以佛者夷狄之法

耳。二代無佛而年祚永久。晉宋梁魏事佛不天。則亂愈恐。主上惑於此。是以不顧其身而斥之。顛曰。若此。則子言謬矣。佛也者。覆天人之大器也。其道則妙。物而爲言。其言則盡性命之理。其教則捨惡而趨善。去僞而歸真。其視天下猶父之於子也。而子毀之。是猶子而刃父也。吾聞善觀人者。觀其道之所存。而不較其所居之地。桀紂之君。跖躑之臣。皆中國人也。然不可法者。以其無道也。舜生東夷。文王生西夷。由余生於戎。季札出於蠻。彼二聖二賢。豈可謂之夷狄乎。以上古未有佛而非法。取則孔孟。生衰周而蚩尤。瞽叟生上古矣。豈可捨衰周聖賢而法上古。商頑哉。子以五帝三王之代。未有佛而長壽也。外丙二年。仲壬四年。何其天耶。書無逸曰。自時厥後。亦罔或克壽。或十年。或四五年也。以漢晉之間。人主天且亂。耶。愈曰。余謂佛者。口不道先王之法言。而妄倡乎輪迴生死之說。身不踐仁義忠信之行。而詐造乎報應禍福之故。無君臣之義。無父子之親。賊先王之道。愈安得然而不斥之乎。顛曰。甚哉。子之不達也。有人於此。終日數十。而不知二五。則人必以爲狂矣。子之終日言仁義忠信。而不知佛之言。常樂我淨。誠無以異也。且子誦佛書。其疑與先王異者。可道之乎。曰。愈何暇讀彼之書。顛曰。子

釋氏稽古略

卷三

三九

未嘗讀佛之言。則安知不談先王之法言耶。無乃以嘗讀孔子之書而遂疑彼之非乎。抑聞人以爲非而遂非之乎。苟以嘗讀孔子之書而疑彼之非。是舜犬也。聞之以爲非而遂非之。是妾婦也。昔舜畜犬。犬所見者。惟舜。曰。堯過而吠之。非愛舜而惡堯。以所常見者。舜未嘗見堯也。又聞女子之嫁也。母送之曰。往之汝家。必敬必戒。無違夫子。然則從人者。妾婦之事。安可從人之非而不考。其所以非之者。非夫輪迴生死非妄造也。此天地之至數。幽明之妙理也。以物理觀之。草根麥稿而復生。則其往復又何怕焉。孔子曰。原始要終。故知死生之說。莊子曰。萬物出於機。入於機。賈誼曰。化爲異類兮。又何足患。此皆輪迴之說。不塗於佛而明也。焉得謂之妄乎。且子又以禍福報應爲詐造。此尤足見子之非也。夫善惡之報。皆神理自然之應。易曰。積善有餘慶。積惡有餘殃。又曰。鬼神害盈而福謙。曾子曰。戒之戒之。出乎爾者。反乎爾者也。此皆報應之說也。唯佛能隱惻乎人之禍福。是以彰明較著。言其必至之理。使不自陷乎此耳。豈詐造哉。又言佛無君臣之義。父子之親。此固非子之所及也。事固有在左之內者。有在右之外者。方之內者。衆人所共守之方。之外者。非天下之至神。莫之能及也。故聖人之爲言也。有與衆人共守而言之者。有盡天下之至神而言之者。彼各有所當也。孔子之言道也。極之則無思。無爲。寂

然不動感而遂通此非衆人所共守之言也衆人而不思不爲則天下之理幾乎息矣佛與人臣言必依於忠與人子言必依於孝此衆人所共守之言也及其言之至則有至於無心非唯無心也則有至於無我非唯無我也則又至於無生矣則陰陽之序不能亂而天地之數不能役也則其於君臣父子固有在矣此豈可爲單見淺聞者道哉今吾告汝以佛之理蓋無方者也無體者也妙之又妙者也其比則天也有人於此終日譽天而天不加榮終日詬天而天不加損然則譽之詬之者皆過也夫自漢至於今歷年如此其久也天下事物變革如此其多也君臣士民如此其衆也天地神明如此其不可誣也而佛之說乃行於中無敢議而去之者此必有以蔽天地而不耻關百聖而不慚妙理存乎其間然後至此也子盍深思之乎今吾告汝以學者必考乎道之遠者焉道之遠則吾之志不能測者矣則必親夫人之賢於我者彼之賢於我者以此爲是矣而我返見其非則是我心有所未盡知者也是故深思彼之所是而力求之則庶幾乎有所發也今子屑屑於形器之內奔走乎聲色利欲之間以不如志則憤鬱悲躁若將不容其生何以異於蚊虻爭穢壤於積藁之間哉於是愈瞠目而不收氣喪而不揚茫然有若自失逡巡謂大顛曰言盡於此乎顛曰吾之所以告子者蓋就子之所能而爲之言非至乎至者也曰愈也不肖欲幸聞其至者可乎顛曰誠爾心盡爾性窮物之理極天之命然後可聞也爾去吾不復言矣愈趨而出傭傭八月帝與幸臣語及愈有可憐者授袁州刺史復造顛廬施衣二襲而請別曰愈也將去師矣幸聞一言卒以相愈顛曰吾聞易信入者必其守易改易譽人者必其諛易發子聞吾言而易信之矣庸知復聞他說不復以我爲非哉遂不告愈知其不可有聞乃去至袁州孟簡尚書知愈與大顛遊以書抵愈嘉其信嚮愈答簡書稱大顛頗聰明誠道理實能外形骸以理自勝不爲事物侵亂雖不盡解其語要且自胷中無滯礙因與之往還也文獻潮州靈山大顛禪師諱寶通潮州楊氏子嗣南嶽石頭希遷禪師遷嗣吉州青原行思思嗣六祖大鑑禪師是

年柳子厚卒
庚子元和十五年正月庚子帝崩閏月皇太子即位於太極殿

穆宗

諱恒憲宗第三子元和七年立爲皇太子在位四年壽三十歲

長慶 四

辛丑長慶元年

三月盧龍節度使劉總舉幽燕二十餘郡歸朝乞爲僧詔賜僧衣號大覺大師署所居第爲報恩寺

壬寅長慶二年三月帝遣左街僧銀靈阜賞詔起汾州無業禪師赴關阜至宣詔畢稽首曰主上此度恩旨不同願師起赴師笑曰貧道何德累煩人主汝可先行吾卽往矣遂沐浴敷座告門人慧悟等曰汝等見聞覺知之性與太虛同壽一切境界本自空寂迷者不了卽被境惑一爲境惑流轉不窮常了一切空無一法當情是諸佛用心處言訖端坐至中夜而逝阜回奏其事帝欽嘆久之賜謚大達國師

師蒙憲宗兩朝敬重凡三詔不起師

商州今陝西之域西杜氏子嗣馬祖唐

十月帝幸善因寺施僧緡錢一百萬

十一月詔立景王湛爲皇太子唐

癸卯長慶三年八月帝幸長慶宮遇持鉢僧施絹三百疋唐書

湖東寺如會禪師入寂壽八十韶州人嗣馬祖一禪師唐書

甲辰長慶四年冬帝崩於寢殿敬宗卽位於太極東序十二月徐泗

觀察使王智興以帝生日請於泗州置戒壇度僧尼以資福帝許之

杭州永福寺刊石壁法華經元積爲記

敬宗 湛穆宗長子在 寶歷 位二年壽十八 二

釋氏稽古略 卷三 四十一

乙巳寶歷元年 丙午寶歷二年十一月帝崩

文宗 昂穆宗第二子初封江王敬宗無子立江王在位三年壽三十三

太和 九 開成 五 帝崩 丁未太和元年

大英 隨州大洪山鄂州路南隸洪州開元寺僧籍參馬祖一禪師密契心要敬宗寶

曆二年抵隨州太湖山側居焉屬時亢旱鄉人張武陵具羊豕以祈湖龍師見而悲之曰害命濟命重增乃罪可且勿殺少須三日吾爲爾祈師卽入山北之巖穴冥坐冥禱雷雨大作數日後武陵迹而求之師方在定武陵卽施其山興建精舍以二子給侍左右學侶依嚮遂成法席至是太和元年五月二十九日師密語龍神曰吾前以身代性輟汝血食今捨身償汝可享吾肉卽引刀截右膝復截左膝門

人奔持其刀白液湧流儼然入寂山南東道素上其狀帝嘉之賜所居額幽濟禪院石晉天福中改為奇峰寺宋神宗元豐元年又收曰靈峰寺哲宗元祐二年九月詔改為十方禪寺移洛陽少林寺長老報恩住持碑始師嗣馬祖一禪師

藥山禪師惟微絳州韓氏年十七依潮陽西山慧照禪師出家納戒

祖復還石頭頌悟心要後住澧州藥山海眾雲合尚書李翱字習之刺朗州歸德慕師之道入山謁之山誦經不顧李曰見面不如聞名師呼之李應諾山曰何得貴耳賤目李謝之乃問曰如何是道山以手指上下云會麼李曰不會山云雲在青天水在鉢李忻然答以偈曰鍊得身形似鶴形千林松下兩函經我來問道無餘說雲在青天

水在鉢又曰如何是戒定慧山云這裏無此閑家具李領解辭去師嗣石頭遷禪師至是太和二年入寂壽八十四勅謚弘道大師塔曰化城

龍潭禮道悟禪師出家既受具服勤左右領悟玄旨後詣澧陽龍潭棲止焉師嗣天皇道悟禪師悟嗣石頭遷嗣青原思禪師思嗣六祖尊者信接弟子曰德山宣鑿

釋氏稽古略 卷三 四二

釋氏稽古略

卷三

石壁經 太和三年蘇州重玄寺刊石壁經成自侍郎居易為碑略曰夫開示悟入諸佛知見以了義度無邊以圓教垂無窮莫尊

於法華經尼六萬九千五百五言證無生忍造不二門住不思議解脫莫極於維摩經尼二萬七千九十二言攝四生九類大無餘涅槃實無得度者莫先於金剛經尼五千二百八十七言懷罪集福淨一切惡道莫急於尊勝陀羅尼經尼三千二十言應念隨願生極樂土

莫大於彌陀經凡一千八百言用正見觀其相莫出於普賢行法經凡六千九百九十言詮自性認本覺莫深於實相法密經尼三千一百五言空法塵依佛智莫過於般若心經尼二百五十八言是八種經具十二部三乘之要旨萬佛之祕藏盡矣

三藏法師之譯也譯之第三者也

丹霞鄧州丹霞天然禪師六月入寂壽八十三勅謚智通禪師初師木業儒將應舉長安遇禪者於旅邸禪者問曰仁者何往曰選官去禪者曰選官何如選佛曰選佛當往何所禪者曰今江西馬大

師出世是選佛之場霞乃直造江西見祖以手拓幞頭額馬祖視之曰南嶽石頭是汝師也遽抵石頭以手拓幞頭額石頭曰着槽廠去霞禮謝入行者房隨次執爨役凡三年忽一日石頭告眾曰來日刻

之場 選佛

丙辰開成元年

衢州子湖巖禪師名利蹤潭州人姓周氏出家幽州開元寺依年受具大南泉室抵衢州馬蹄山至是開

成二年邑人翁遷貴施山下子湖創院以居師師於門下立牌曰子湖有一隻狗上取人頭中取人心下取人脚擬議則喪身失命臨濟會下二僧叅纒揭簾師喝曰看狗僧回顧師便歸方丈僧宗廣明元年入寂塔於本山師嗣南泉願鑱燈

○戊午開成三年三月清涼國師澄觀入寂壽一百二歲臘八十三加大統國師帝謂以神聖宗仰特驟朝三日重臣編素奉全身塔終南山未幾有梵僧至闕表稱於慈嶺見二使者凌虛而過問之答曰北印度文殊堂神也東取華嚴菩薩大牙歸國供養有旨啓塔果失一牙遂闔維舌根不壞如紅蓮色舍利光明瑩潤塔之賜塔曰妙覺相國裴休奉勅撰碑勅寫師真奉安大興唐寺魏舊宋太宗時贊寧僧統撰大宋高僧傳稱國師憲宗元和間入寂春秋七十餘二說不同今並存之唐舊史曰德宗貞元十五年四月帝誕節勅有司備儀輦迎教授和尚澄觀入內殿闡揚華嚴宗旨觀陞高座曰大哉真界萬法資始包空有而絕相入言詞而無迹妙有不有真空不空我佛得之妙踐真覺廓淨塵習寂寥於萬化之域動用於一空之中融身刹以相舍流聲光而遐燭我皇得之靈鑒虛極保合太和聖文掩於百

釋氏稽古略

卷三

王淳風扇於萬國敷玄化以覺夢垂天真以性情是知華嚴教旨寂廓冲邃不可得而思議矣夫其旨也徒修因於曠劫得其門也等諸佛於一朝帝顧謂群臣曰朕之師言雅而簡辭典而富能以聖法清涼朕心仍以清涼賜為國師之號朕思從來執身心我人及諸法定相斯為顛倒群臣再拜稽首頂奉明命由是中外合輔重臣咸以八戒師禮之

○庚申開成五年春正月帝崩帝之弟武宗立九月召道士趙歸真等入禁中修金籙道場十月武宗昇玄壇親受法籙左拾遺王哲諫曰王業之初不宜崇信太過

武宗

炎穆宗第五子初封穎王先是文宗太子承勳無子立敬宗子陳王成美為皇太子及文宗崩中尉仇士良等矯詔廢太子立穎王為皇太弟即位

位六年壽三十三

○會昌六

辛酉會昌元年

六月以衡山道士劉玄靜為光祿大夫充崇玄館學士六祖下五世圭峰宗密禪師入寂鑿

○雲巖

潭州雲巖禪師名曇晟鍾陵建昌王氏少出家於石門叅百丈海禪師二十年因緣不契後造藥山山曰百丈說甚麼法師曰

一曰上堂大衆立定以杵被一時越撒復召大衆衆廻首丈曰是甚麼山曰今日因子得見海兒師於言下頓悟便禮拜至是會昌元年十月二十六日喚主事令備齋來日有上座發去至二十七夜入寂茶毗得舍利一千餘粒瘞于石室勅謚無住大師塔曰淨勝師嗣藥山儼禪師接弟子洞山价曹洞宗本於師也綱燈

○九座山

癸亥會昌三年正覺大師諱智廣興化軍仙遊人憲宗元和二年示生初參鹽官安國師及鄂州無等禪師有省遂南歸止泉州常持鐵鉢以一白犬自隨至是武宗將廢教乃遁巖谷宣宗復教復出南山懿宗咸通六年抵此九山之所逢巨蟒欲來吞師師錫先飛撐挂蟒口師入蟒口跌坐速師出定蟒化為石矣既而雷雨湧沙成院基址由是山之神移山入維院居其中成九座焉師僖宗乾符三年示寂昭宗乾寧二年勅謚正覺大師

○甲子會昌四年三月詔以道士趙歸真爲左右街道門教授先生帝銳意求仙歸真乘寵每排釋氏帝然之復請與釋氏辯論有旨追僧道於麟德殿談論法師知玄登論座辯捷精壯道流不能屈玄因奏曰王者本禮樂一憲度吐納服食蓋山林匹夫獨擅之事願陛下不

釋氏稽古略

卷三

足留神帝色不平侍臣諷玄賦詩以自釋玄立進五篇有鶴背傾危龍背滑君王且住一千年之句帝知其刺讎

汰

乙丑五年趙歸真薦舉鄧元超偕劉玄靖等愈排釋氏五月勅併省天下佛寺選汰僧人福州龜洋智真禪師慧忠作十偈今出其三篇

明月分形處處新白衣寧墜解空人誰言在俗妨修道金粟羅堆僧爲長者身忍德林下坐禪時僧被歌王割截肢况我聖朝無此事只令休道亦何悲形容雖變道常存混俗心源亦不昏試讀善財巡禮偈當年豈例是沙門忠揚州柳氏子嗣草堂義嗣撫州曹山耽章禪師本寂寂

嗣洞山价

○丙寅會昌六年帝餌方士金丹疽發背旬日不能言三月崩宣宗即位夏四月辛未朔宣宗始聽政

宣宗

忱憲宗第十三子封光王爲人嚴重寡言宮中咸以爲不慧武宗不豫申尉馬元贄立之爲皇太叔卽帝位在位十三年壽五十歲復佛之教以右常侍李景讓爲浙西觀察使初景讓母鄭氏性嚴明早寡家貧居洛陽諸子皆幼再自教之一日宅後古塙因雨潰陷得錢盈船奴婢喜走告母母往焚香祝之曰吾聞無勞而獲身之災也天必以先君餘慶給其貧而賜之則願諸孤他日學問有成乃其志

獲

也此錢不敢取遽命掩而築之三子景讓景溫景莊皆舉進士及第景讓官達髮已斑白小有過不免母之捶楚也。辨黠

太中

丁卯大中元年

閏二月詔曰會昌季年併省寺宇雖云異方之教有資爲理之源中國之人久行其道釐革過當事體乖

謬其靈山聖境應會昌五年所廢寺宇諸宿舊僧可仍舊修復住持有司毋得禁止。辨黠

○畫彌陀佛

是年太子少傅白居易薨年七十五贈尚書左僕射白與弟行簡敏中友愛所居洛陽履道里疏沼種樹架石樓香

香山

鑿八節灘號醉吟先生又自稱香山居士與胡景等九人宴集皆

居士

高年不仕人慕之繪爲九老圖旣卒以其所居第施爲佛寺少傅嘗

九老

畫阿彌陀佛像禮事之自爲之記略曰我本師釋迦如來說言西方

圖佛

有世界號極樂以無八苦四惡道故也其國號淨土以無三毒五濁

佛像

業故也其佛號阿彌陀以壽無量願無量功德相好光明無量故也

釋氏稽古略

卷三

四六

知其然而然由是而觀是彼如來有大誓願於此衆生衆生有大因緣於彼國土明矣不然南北東方過現未來佛多矣何獨如是哉唐

離苦

中大夫太子少傅白居易當哀暮之歲中風痺之疾乃捨俸錢三十

得樂

萬命工畫西方世界一節阿彌陀佛坐中央觀音勢至二夫士侍左

右入天瞻仰功德成就弟子居易稽首跪於佛前願此功德廻施衆

生衆生有如我老者如我病者願離苦得樂斷惡修善不越南部便

觀西方青蓮上品隨願往生現在未來常得親近欲重宣此義而說

讚曰極樂世界清淨土無諸惡道及衆苦願如我身老病者同生無

量壽佛

所樂厭

○戊辰二年觀察使裴休守宣城常與名緇講道門人謂公曰敢問三

界之言未立人不知修行不見因果介景福者不爲之少泊斯教也行乎中國愚人畏罪損其惡賢入望福增其善增之不已則至今當

盡善矣損之不已至今當無惡矣何昏迷暴虐無滅於秦漢之前福

慧聰明不增於魏晉之後歸之者殊途輻湊立之者萬法雲興宜使

吾人盡昇覺路不宜虫虫庶類由古至今若斯之迷也由之之用庸

非濁乎公笑謂之曰大明肇啓法不齊備聖人繼出代天爲工結網

畫卦文質滋收一聖立一法生天道人事顯若符契夫燧人氏之未

有火也則天無火星人無火食龜無火兆物無火災必矣吳氏之
未理金也則天無金星人無金用龜無金兆物無金災必矣及聖人
攻木出火鍛石取金於是乎精芒主宰騰變上下則知世法時事隨
聖人也考精神之源窮性命之表作大方便護於群生群生受之而
不知蓋猶天道運行物以生茂皆謂自已孰知其然也於是問者廓
然自得佛味及詔許立寺而宣城上民相鼓以萬請先立之於宣城
遂復新興寺焉休乃禮迎黃檗希運
禪師至郡寓開元寺朝夕受法轉燈

二。已巳三年湖南觀察使裴休請潭州華林覺禪師問有侍者否師曰
有一兩箇使云在甚麼處覺乃喚大空小空二虎自菴後而至便驚

大空 懼焉覺潭州人嗣
小空 馬祖一禪師鑄燈

○黃檗 洪州山揚州之瓠嶺黃檗山禪師名希運閩人也幼於福州黃檗
山出家受具遊京師往江西參百丈海禪師契悟心要相國裴

心 要 休鎮宛陵建大禪苑請師說法還以黃檗名其寺休既契心集師所
說法語類之成帙題曰黃檗心要入大藏流行至是大中四年八月
師入滅勅謚斷際禪師塔曰廣慈師

嗣百丈海海嗣馬祖道一禪師鑄燈

釋氏稽古略 卷三

四七

弘。辛未大中五年正月詔京兆大薦福寺弘辯禪師入內帝問禪宗何
有南北之名師奏曰禪門本無南北自諸祖至弘忍大師有二弟子

辯 一慧能受不法居嶺南一神秀在北揚化得法雖一而開導發悟有
頓漸之異故曰南頓北漸非禪宗有南北之號也帝曰何名戒定慧
對曰防非止惡名戒六根涉境心不隨緣名定心境俱空照覺無惑
名慧帝曰何名方便對曰憑實覆相權巧之門也被接中下曲施誘
進謂之方便設為上根言捨方便但說無上道者斯亦方便之談以
至祖師玄言忘功絕謂亦無出方便之跡帝曰何為佛心對曰佛者
西天之語唐言覺謂人有智慧覺照為佛心心者佛之別名有百千
異號體唯其一如陛下曰慮萬機即是陛下佛心帝曰有人念佛如
何對曰如來出世隨根器而說為上根者開最上乘頓悟至理中下
根者未能頓曉是以佛開觀門令念佛生於極樂帝曰有持經呪求
佛如何對曰如來種種說法皆為一乘如百千眾流莫不朝宗於海
如是差別諸緣皆歸薩婆若海帝曰祖師既傳心印金剛經云無所
得法如燈對曰佛之化實無一法與人但示各各自性同一法藏
當時然燈如來但印釋迦本法而無所得方契然燈本意帝曰禪師
既會祖意還禮佛看經否對曰沙門禮佛誦經蓋是住持常法有四
種焉依佛戒修身恭尋知識漸修梵行履踐如來所行之迹帝曰何

佛心

修塔

為頌見何為漸修對曰頌明自性與佛無二然有無始染習故假修對治令順性起用如人喫飯非一口便飽是日便對漏下七刻帝悅賜號圓智禪師繼有詔旨增修天下祖塔應未經賜謚者所在以聞太常考行頒賜諱唐○弘辯充兆人也嗣章敬寺懷暉禪師暉泉州人姓謝氏憲宗元和十三年

入寂謚大覺禪師嗣馬祖鑾燈

壬申大中六年詔復江州廬山東林寺刺史崔黯為碑詔加謚遠法師辯覺二字謚山

○ 為仰宗

潭州瀉山禪師名靈祐福州長谿人姓趙氏年十五出家依本郡建善寺法常律師剃髮受具於杭州龍興寺究大小乘教二十三遊江西參百丈海禪師悟明心法有司馬頭陀者自湖南來言於百丈曰瀉山一千五百人善知識所居之地也師於百丈會中應命而往管構梵宇值武宗毀教晁頭隱於民天中初觀察使裴休請師復至所居連帥李景讓奏額曰同慶寺禪會特盛繼倡輻輳師敷揚宗教凡四十餘年達其道者不可勝數入室弟子四十一人至是大中七年正月九日盥漱跌坐怡然而逝壽八十三臘六十四塔於本山勅謚大圓禪師塔曰清淨相國鄭愚為碑師嗣百丈海禪師海嗣馬祖一禪師鑾燈

釋氏稽古略

卷三

四八

○ 仰山屬江西袁州路塘湖禪師名慧寂韶州懷化人姓葉氏年九歲於廣州和安寺投通禪師出家十四披剃未登具即遊方初謁耽源耽忠國師待者應真也已悟玄旨耽源曰國師當時傳得圓相九十七箇乃六代祖師所留也授與老僧記之曰吾滅後三十年南方有一沙彌到來犬與此教次第傳授無令斷絕今適子來當以付之無令斷絕師既領玄旨後參瀉山遂陞堂與師臥次夢入天宮彌勒內院居第二座有一尊者白槌云今當第二座說法師起白槌曰摩訶衍法離四句絕百非諦聽諦聽眾皆散去一日忽有梵僧從空而至師問曰近離甚麼曰西天曰幾時離彼梵曰今早師曰太遲生曰遊山翫水師曰神通遊戲則不無閑黎梵曰特來東土禮文殊却遇小釋迦遂出梵書貝多葉數十與師作禮乘空而去自此號師小釋迦焉梁貞明二年丙子歲師再遷東平說偈曰年滿七十七無常在今日法輪正當年兩手抱屈膝言訖以兩手抱膝而終閱明年嗣法弟子南塔光涌禪師遷靈骨歸仰山塔于集雲峰下勅謚智通禪師妙光之塔師嗣瀉山祐禪師法道盛化人皆宗之曰瀉仰宗○寂初住王莽山僊宗軋符六年山神請曰東南有大仰山福地也師乃遷焉甲戌大中八年終南山初有一僧結菴習定一日有猴竊其伽黎衣披而冥坐隨有群猴皆習定坐有脫衣者今有五獼猴塔至是宜宗

獼猴

御製讚曰嗟汝獼猴能入定心猿不動幾千春罷攀紅樹三冬裏休弄碧潭孤月輪雙眼已隨青嶂合兩肩猶對百花顛自從坐脫終南山名永興後悟了軍今京兆人林間浮生多少人錄

戒牒

○受戒給牒 丙子大中十年勅法師辯章為三教首座初令僧尼受戒給牒牒書戊寅十二年冬十月司空門下侍郎同平章事令評狐緇擬李遠杭州刺史帝曰吾聞遠詩長日唯消一局棋安能理人緇曰詩人託此為高輿耳未必實然帝曰且令往試觀之補牒

○三世同居

萬敬孺廬州人三世同居喪親廬墓刺指血書佛經郡守改其所居里曰成孝鄉廣孝聚至是大中十二年有司申聞帝勅旌表其家書牒

○藤蘿尊者

温州瑞安本寂禪院僧無繹因武宗會昌沙汰隱於東北者後人立祠至谷結庵禪定閱十年藤蘿纏繞儼然不動人號之藤蘿尊今奉祀之山誌

釋氏稽古略

卷三

四九

已卯

大中十三年八月帝崩宣宗性明察沈斷用法無私從諫如流重惜賞賞恭謹節儉惠愛民物故大中之政訖於唐亡人思詠之謂之小太宗糖譜

懿宗

諱漼宣宗長子始封鄆王在位十四年壽三十一歲咸通十四

庚辰咸通元年

○普化

鎮州普化和尚不知何許人也事盤山密受真訣唯振一鐸伴狂街市或居塚間至是咸通元年振鐸凌空隱隱而逝莫測其由師嗣盤山積禪師積嗣馬祖續燈

戒壇

壬午咸通三年二月杭州大慈山寰中禪師入滅壽八十三勅謚性空禪師師蒲坂人姓盧氏嗣百丈海禪師夏四月勅兩街四寺各置戒壇剃度僧流三七日唐書

水懺

臣宗大德諱知玄姓陳氏咸通四年制署號悟達國師總教門事十二年五月帝幸安國寺賜師沉香裝飾寶座高二丈餘珍

麗絕甚。僖宗中和二年，駕幸蜀，避黃巢，巢至成都，遣御史郭遵質，召師赴行在。次年，師自成都行宮辭還，九龍山一珠墜起于左股，楚甚。是日，人面瘡，遇異僧引水洗瘡，知為晁錯，哀益寬對也。今之水獻三卷者，緣起於師也。師亦自知時謝，右脇安然而逝。師三學洞貫，名蓋一時。世稱陳菩薩。師諱

○德山 朗州德山禪師，名宣鑿，簡州人，姓周氏，卅歲出家，依年受具，精究律藏於性空寺，通貫諸經，吉趣常講，金剛般若者，時謂之周金剛，不信南方宗禪之道，乃曰：出家兒，千劫學佛威儀，萬劫學佛細行，不得成佛。南方魔子，敢言直指人心，見性成佛，我當撲其窟穴，滅其種類，以報佛恩。遂檣青龍，疏鈔出蜀，至澧陽路上，買油糍，點心，婆子指其檣曰：這箇是甚麼？師曰：青龍疏鈔。婆曰：講何經？師曰：金剛經。婆曰：我有一問，若道得，我當供上座油糍。若道不得，不與油糍。婆乃問曰：經中道：過去心不可得，未來心不可得，現在心不可得。未審上座

點那箇心？師無語，乃不得油糍而去。遂之澧州龍潭寺。至法堂曰：久嚮龍潭，及乎到來，潭又不見龍，又不現潭，隱身曰：子親到龍潭，師無語，求棲止焉。一夕，侍立潭，曰：更深何不下去？師便出，却回曰：外面黑。潭點紙燭，度與師，擬接潭，即吹滅之。師當下大悟，便禮拜潭。曰：子見

釋氏稽古略 卷三 五十

箇甚麼？師曰：從今向去，更不疑天下老和尚舌頭也。來日將所攜疏鈔於法堂前焚之，舉火曰：窮諸玄辯，若一毫置於太虛，竭世樞機，似一滴投諸巨壑，辭去抵滬山，復還住澧陽三十年，屬武宗廢教，隱於獨浮山之石室。宣宗大中初，武陵刺史薛廷望，再葺德山精舍，號古德禪院，請師住持，不肯下山。廷望設詭計，以茶鹽誣師，致之入州。禮敬堅請，然後居之，以闡玄化。至是咸通六年十二月三日，請眾曰：捫空追響，勞汝心神，夢覺覺非，竟有何事？言訖安。武陵唐為朗州，坐而化，勅謚見性禪師。嗣龍潭崇信禪師，鸞登。今常德路荆域

○臨濟宗 鎮州真定路也。臨濟禪師，名義玄，生曹州南華，邢氏，自幼刺落，初到黃檗，時睦州陳尊宿為首座，問師在此幾時？師曰：在此三年。州指其問佛法的的大意，檗便打。二度問：三度打師，乃辭睦

州曰：自恨孽緣，不領深古。今且辭去。州曰：須辭和尚。睦州語，檗曰：問話上座，若來辭，方便接伊。已後為一株陰涼大樹，覆蔭天下人去。在師辭，檗曰：往高安參大愚去。師至高安，愚曰：甚處來？師曰：黃檗。愚曰：黃檗有何言句？師曰：某甲三度問佛法的的大意，三度被打，不知有過無過。愚曰：黃檗與麼老婆心切。師於言下大悟。乃曰：元來黃檗佛法無多子。愚擲住曰：這屎床鬼子，適來道有過無過。如今却道佛法無多子。你見箇甚麼道理？速道。速道。師於大愚肋下築三拳，愚拓

聞曰汝師黃檗非予我事却回黃檗曰來來去去有甚了期師曰
祇爲老婆心切便人事了侍立檗曰大愚有何言句師舉前語檗曰
大愚老漢饒舌待來痛與一頓師曰說甚待來即今便打遂掌黃檗
槩曰這風顛漢來這裏將虎鬚師便喝檗云侍者引之叅堂去師後
住鎮州臨濟學侶雲集乃曰大凡演暢宗乘一句中須具三玄門一
玄門須具三要。有權有實。有照有用。汝等諸人作麼生。會後居大名
府興化寺東堂。至是咸通八年四月十日。說偈曰。涇流不止問如何。
真照無邊說似他。離相離名人不稟。吹毛用了急須磨。端坐而逝。塔
全身於府西北隅。勅謚慧照禪師。塔曰澄靈。銅

黃檗運運嗣百丈海緇林尊仰曰臨濟宗

錄

沙陀

○戊子咸通九年。詔康承訓討龐勛等於徐州。承訓奏乞沙陀三部落
使朱耶赤心帥其衆以自隨。敗勛於徐州。勛死。帝嘉朱耶赤心之功。
置大同軍於雲州。以赤心爲節度使。賜姓李名國昌。國昌子克用。克
用子存勳。後唐莊宗也。初太宗貞觀間。破西突厥。歸置十三州都督
府。未嘗有沙陀府也。有處身處密諸部。又其小者也。朱耶者。處身別
部之號也。至憲宗時。始有朱耶盡忠及子執宜。見於中國。自號沙陀。
以朱耶爲姓。蓋沙陀大積也。自處身以來。世居此。積號沙陀。突厥至
盡忠孫賜姓李氏。李氏復大而夷狄。遂以沙陀爲貴種。乾祐滅黃

釋氏稽古略

卷三

五十一

○曹洞宗

江西瑞州洞宗禪師名良价。生越州會稽俞氏。幼歲出家。從
師念般。若心經。至無眼耳鼻舌身意處。忽以手捫面。問其師

曰。某甲有眼耳鼻舌等。何故言無。其師駭異曰。吾非汝師。指其往五
洩山禮默禪師。披剃。年二十一。諸嵩山具戒。遊友首謁南泉。次參滄
山。滄山指之曰。此去豐陵。攸縣石室。相連有雲巖道人。若能撥草瞻
風。必爲子之所重。由是徑造雲巖。便問無情說法。甚麼人得聞巖曰。
無情得聞。師曰。和尙聞否。巖曰。我若聞。汝卽不聞。吾說法也。師曰。某
甲爲甚麼不聞。巖豎起拂子曰。還聞麼。師曰。不聞。巖曰。我說法。汝尙
不聞。豈况無情說法乎。師曰。無情說法。該何典教。巖曰。豈不見彌陀。
經云。水鳥樹林。悉皆念佛法師。於此有省。乃述偈曰。也大奇也。大
奇。無情說法。不思議。若將耳聽。終難會。眼處聞時。方得知。辭去。宣宗
大中末年。於新豐山接謫學侶。盛化豫章。高安之洞山。權開五位。善
接三根。大闢一音。廣弘萬品。橫抽寶劍。剪諸見之稠林。妙叶弘通。截
萬端之穿鑿。又得曹山深明的肯。妙昌嘉猷。道合君臣。偏正回互。由
是洞上玄風。播於天下。故諸方宗匠。咸共推尊之。曰曹洞宗。至是咸
通十年二月。入寂。壽六十三。臘四十二。勅謚悟本禪師。塔曰慧覺。歸
江西撫州路曹山禪師。名本寂。生泉州莆田黃氏。少業儒。年十九歲
往福州靈石出家。二十五登戒。謁洞山。山問。闍黎名甚麼。師曰。本寂。

山曰那箇聲師曰不名本寂山深器之自此入室盤桓數載乃開去
山遂密授洞上宗旨直趨曹溪禮六祖塔回吉水眾嚮師名請開法
師志慕六祖遂名山曰曹尋值賊亂乃知宜黃有信士王若一捨何
王觀請師住持師更何王爲荷王由是法席大興學者雲萃洞山之
宗至師爲盛昭宗天復元年六月十五日謂眾曰曹山明日辰時行
脚去及時焚香宴坐而化壽六十二臘三十七葬全身於山之西阿
勒謚元證禪師塔曰福圓寂嗣洞山良价禪師价嗣雲巖晟
嗣藥山儼儼嗣石頭遷遷嗣青原思思嗣六祖大鑿禪師傳燈錄
庚寅咸通十一年十一月帝誕節召兩街大德僧人入內講道帝悅
賜曇顯等十人紫衣賜永興軍終南山道宣律師號澄照律師傳本

○相國裴公

至是咸通庚寅壽七十四歲執弟子禮事黃檗運禪師
偕隱畫講經夜著書有饋鹿者休不食曰蔬食猶不足今一啗肉後
何以繼擢進士第累遷職任刺洪州日入龍興寺觀畫壁曰客儀可
觀高僧何在眾無對者公曰此間有禪僧否屬運禪師於嶺南黃檗
山捨衆來大安精舍混跡灑掃人莫之識或曰有一禪者公延之至
理前語問之運朗聲曰裴休公曰諸運曰在甚麼處公豁然契會遂
迎之入府朝夕問道公移鎮宛陵嶺州請運與俱公於宣宗時執政

釋氏稽古略

卷三

○雲居

禪師名道膺幽州玉田人姓王氏童尹出家於涿州延壽寺二
十五歲成大僧其師令習聲聞篇聚非其好棄之遊方至翠微
聞洞山法庶遂造焉契悟宗旨結庵三峰經旬不赴堂宿禪師規之
每有天人送食洞山謂之曰我將謂汝是箇人猶作這箇見解价聲
呼曰膺庵主師應諾山曰不思善不思惡是甚麼師有省回庵宴坐
天神尋之不見三日乃絕山勉師隨方接人遂乃焚其庵去海昏登
歐阜廬山西北崦冠世之絕境也就樹縛屋而居號雲居衲子亦追
求而集散處山間樹下久成苦架至是咸通十三年遂成法庶學侶
至一千五百衆唱洞山之道居三十年道徧天下南昌王鐘傅師尊
之師於昭宗天復元年十二月二十八日爲衆開最後方便叙出世
始末次年正月二日端坐而逝

勅謚弘覺禪師塔曰圓寂傳燈錄

帝於宮中日齋萬

僧御製贊頌舊唐書

舊唐書

○癸巳咸通十四年三月詔迎鳳翔法門寺佛骨以四月八日至京帝
御安福門樓迎拜引入內道場三日供養送京城諸寺七月帝崩太
子即位明年四月詔送佛骨歸於鳳

翔都人看靈辭鏡比自鳴咽流淚舊唐書

僖宗

僖宗第五子。初封晉王。懿宗不豫。立為皇太子。在位十五年。壽二十七。

乾符六

廣明一

中和四

光啓三

文德一

甲午乾符元年

大

黃

巢

時東昌路濮州人王仙芝。始聚眾數千人。起於長垣。二年黃巢亦聚眾千餘人。應王仙芝。巢少時與仙芝皆以販私鹽為事。巢善騎射。喜任俠。粗涉書傳。屢舉進士不第。遂為盜。與仙芝攻荊州。縣橫行山東。民之困於重斂也。爭歸之。數月之間。眾至數萬。乾符五年。招討使曾元裕大破王仙芝於黃梅。追斬仙芝。黃巢方攻亳州。仙芝餘黨尚讓者帥其餘眾歸巢。推巢為主。號衝天大將軍。稱王。霸元年。署官屬。陷福建。乾符六年冬。巢來襄陽。十一月。山南東道節度使與江西招討使曹全晟。合兵屯荆門以拒之。戰賊北。至江陵。俘斬其什七八。巢與尚讓收餘眾。渡江。東走巢。勢復振。轉掠饒信池宣歙杭等十五州。眾至二十萬。廣明元年十一月。巢陷東都。洛陽十二月。王午巢兵攻潼關。關上兵皆潰。中官田令孜奉帝自金光門出。惟福穆澤壽四王及妃嬪數人從行。百官皆莫之知。巢入長安。帝幸興元。乃入蜀。

釋氏稽古略

卷三

五十三

庚寅巢殺唐宗室。在長安者壬辰。巢即皇帝位。國號大齊。稱金統元年。中和二年。巢所署同州防禦使朱溫。屢請巢益兵。以捍河中。不報。溫見巢兵勢日盛。知其將亡。親將胡真。謝璋。勸溫歸國。九月。溫殺其監軍嚴實。舉州降。諸道行營都統王鐸承制。以溫為同華節度使。未幾。賜名全忠。河中留後王重榮。行營都監楊復光。東面宣慰使王徽。諸道行營都統王鐸。議討賊。復光曰。鴈門李僕射。虢州驍勇有強兵。召之來。賊不足平也。時王鐸在河中。乃以墨勅召李克用。十一月。克用將沙陀。驅觀鵝。將萬七千人。趣河中。中和三年三月。克用進軍渭橋。與巢軍戰於渭南。賊兵大敗。奔走。四月。克用自光泰門入京師。巢力戰不勝。焚宮室遁去。克用時年二十八歲。破巢復長安。功第一。詔以克用為河東節度使。中和四年春二月。巢走圍陳州。李克用率汴徐奄之軍以救之。五月。巢引兵東北。趣汴州。克用追及巢於中牟。奮擊大破之。巢將尚讓帥其眾降。克用克用追至宛句。之。巴糧盡。乃還汴州。營於城外。朱全忠固請入城。館於上原驛。全忠置酒。克用乘酒語頗侵之。全忠不平。發兵圍驛。而攻之。克用絕城得出。六月。武寧將李師悅等追巢至瑕丘。敗之。巢眾殆盡。走至狼虎谷。巢瑀林言斬巢兄弟。妻子首以降。巢始起於乾符二年。至中和四年七月滅。

符二年至中和四年七月滅

睦州

今浙江衢道陳尊宿名道明江南陳氏之後也。幼出家本州開元寺。持戒精嚴學通三藏遊方契旨於黃檗延充首座眾請住觀音院常有百餘眾經數十載諸方歸慕咸以尊宿稱後歸開元房居織蒲鞋以養母故有陳蒲鞋號。天使至問師三門俱開從那門入師喚尚書使應諾師曰從信門入。師看經次陳樛尚書問和尚看甚麼經師曰金剛經尚書曰六朝翻譯此當第幾師舉起經曰一切有為法如夢幻泡影至是執符四年石門人曰此處緣息吾當逝矣乃跏趺而逝。那人以香薪焚之舍利如雨收靈骨塑像於寺壽九十八臘七十六。嗣黃巒運禪師。

運嗣百丈海禪師傳錄 巳亥 乾符 六年 庚子 廣明 元年 辛丑 中和 元年

洛浦 澧州洛浦山禪師名元安鳳翔麟遊人非歲出家具戒持律通經論是年參臨濟玄禪師充侍者後往夾山卓庵昭宗光化元年八月誠門人曰出家之法長物不留況其他哉切須在念時光迅速大道深玄苟或因循苟由體悟至十二月一日安坐而寂嗣夾山會禪師

夾山 澧州夾山禪師名善會廣州廖氏子幼歲出家依年受戒聽習經論該練三學出任潤州路揚州之城鶴林因道吾指之見船子誠禪師於華亭契悟心要恭稟遺命遁世忘機懿宗咸通年間棲遲豐州學侶雲集相從卜居于夾山遂成院宇至是中和元年十一

釋氏稽古略 卷三 五十四

月七日入寂葬本山謚傳 王寅 中和二年 癸卯 中和三年 李

明大師 嗣船子誠禪師 傳 據江西 諱 克用 復京師

夏 拓跋思恭以兵赴國難黃巢之亂也朝廷 命思恭權夏綬節度使賜姓李寶元元年

西 甲辰 中和四年黃巢既滅秋七月李克用至晉陽遣使奉表極言朱

巢 全忠妬功嫉能終為國患凡八上表請誅討之帝謂方事之殷姑存大體詔獎諭克用且解之于時浙東饑疫明州普賢觀院幼璋

禪師收瘞台溫明三郡餓殍遺骸數千時人呼師曰增慈菩薩高僧傳

乙巳 光啓元年二月帝還至京師改元中官田令孜愈縱威權河中節度使王重榮累表數令孜罪惡重榮啓李克用引兵赴之十

二月克用進逼京城田令孜夜奉帝從自關遠門去幸鳳翔光啓二年春正月田令孜請帝幸興元帝不從是夜令孜引兵入宮劫帝幸寶

雞宰相朝臣皆不知及發寶雞留楊晟正守散關與元路也乘輿纜入散關邠寧節度使朱玫已圍寶雞嗣鳳翔王焜肅宗玄孫也。有疾從

上不及留遵塗驛為攻所得與之俱還鳳翔三月車駕至興元朱玫逼百官奉襄王焜權監軍國事長安百官太子太師裴瓌等勸進於

襄王焜焜即皇帝位改元建貞選尊帝為太上元皇帝觀軍容使楊復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

復恭傳檄關中稱得朱玫首者以靜難節度使賞之玫將王行瑜擒

政斬之義王奔河中王重榮請爲迎奉執
溫殺之詔以行瑜爲靜難軍節度使補

○靈雲 禪師名志勤福州長谿人嗣長慶安安嗣百丈海
勤在滄山時見桃花悟道後返福州居靈雲鑪

錢鏐 越王也 是年討董昌有功授杭州刺史

○巖頭 鄂州巖頭禪師名全歲泉州柯氏子少禮青原誦公落髮稟戒
於長安寶壽寺習經論諸部優游禪死後叅德山契旨住巖頭

值武宗汰教乃於湖邊隱作渡子後庵於洞庭臥龍山徒侶臻輻至
是光啓三年四月八日入寂門人爲焚之獲舍利四十九粒起塔供

養勅謚清嚴禪師嗣德
山鑿鑿嗣龍潭信鑿

○石霜 潭州石霜山禪師名慶諸江西吉州新淦陳氏依洪井西山紹
鑿禪師落髮詣洛下習毘尼教抵滄山充米頭一日瀉山拾一

粒米謂師曰莫輕這一粒百千粒從這一粒生未審這一粒從甚處生瀉山呵呵大笑便歸方丈至晚上堂曰

米裏有蟲諸人好看後叅道吾智禪師密契心要後因避世混俗於
長沙劉陽陶家坊人莫識者因僧舉洞山解制上堂秋初夏末兄弟

釋氏稽古略 卷三 五十五

東去西去直須向萬里無寸草處去師曰出門便是草洞山聞之乃
云此是一千五百人善知識語師因此聲名馳露帝聞師道譽賜紫

衣辭不受至是光啓三年入寂葬院之西北隅勅謚普會大
師嗣道吾宗智智嗣藥山儼儼嗣石頭遷遷嗣青原思鑿

戊申 文德元年二月帝自鳳翔歸京三月不豫壬寅大漸皇弟吉王
保長而賢群臣屬望十軍觀軍容使楊復恭請立其弟壽王傑

爲皇太弟癸卯帝崩遺制
太弟傑更名敏卽皇帝位 王建據 有西川

昭宗 懿宗第七子初封壽王名傑更名敏龍
紀元年改名暉在位十六年壽三十八

龍紀一 大順二 景福二
乾寧四 光化三 天復四

已酉龍紀元年 十一月帝改名暉帝將祀園丘中尉樞密皆祿駭桂
衫待從故事也信宗之世已具襴笏至是又令有司

制法服孔緯及諫官皆以爲不可帝出御禮論之曰卿等所論
至當事有從權勿以小瑕遂妨大禮於是宦官始服劔佩侍祠

庚戌 大順元年 辛亥 大順二年楊
行密據揚州

不敵

杭州千頃山禪師名楚南福州張氏子得旨於黃鬚初抵姑蘇報恩寺精修禪定二十餘年足不踰闕寺住錢瑒支剎山慈雲雖應緣無倦常任禪定或踰月或浹旬僖宗光啓年間刺史錢鏐請師下山供養僖宗聞其道化就賜紫衣僖宗文德元年五月入寂壽七十六塔於院之西隅師著破邪論行於世嗣黃檗運禪師至是大順二年宣州孫儒寇錢塘發塔觀師全身爪髮俱長拜謝修塔而去鐔登

王子 景福元年八月以楊行密爲淮南節度使宣明曆寢差太

門 ○癸丑二年以渝州刺史柳玳爲瀘州刺史柳氏自公綽以來世以孝梯禮法爲士大夫所宗玳爲御史大夫上欲以爲相宦官惡之故久

論於外玳嘗誡其子弟曰凡門地高可畏不可恃也立身行己一事有失則得罪重於他人死無以見先人於地下此其所以可畏也門高則驕心易生族盛則爲人所嫉謔行實才人未之信小有此類衆皆指之此其所以不可恃也故膏梁子弟學宜加勤行宜加勵僅得

比他人耳

王朝據福州稱留後王鏐帥鎮定稱趙王劉仁恭是時爲幽州盧龍節度使稱燕王

釋氏稽古略

卷三

貫 甲寅 乾寧元年沙門貫休燧入蜀以詩謁王曰一餅一鉢垂垂老

休 賜也至後唐莊宗同光三年入寂高僧齊已蜀人也勿捐俗依爲山

齊 祐禪師時慧寂禪師岍山住豫章觀音院已總轄庶務有粥疏曰粥

粥 名良藥佛所贊揚義冠三檀功標十利更祈英哲各遂願心既備清

疏 晨永資白業其後居西山金鼓示寂塔存焉龍盤乃其書堂也經謝

乙卯乾寧二年次年馬殷據湖南杭州錢鏐兼鎮東西兩浙其也門

九 ○丙辰三年正月九峰玄禪師戒其徒曰無虛度光陰無虛消信施既

丁巳乾寧四年閩帥王 朝薨弟審知嗣據其地

趙州 禪師名從諗曹州郝鄉人也姓郝氏童稱於本州扈通院從師披剃未納戒抵池陽參南泉願禪師泉器之一日問泉曰如何是道泉曰平常心是道師曰還可趣向也無泉曰擬向即垂師曰不擬乎知是道泉曰道不屬知不屬不知知是妄覺不知是無記若直達不疑之道猶如太虛廓然蕩盪豈可強是非耶師於言下悟理乃住嵩嶽瑠璃壇納成仍返南泉久之衆請住趙州講觀音院一日

聖
胄
無
着

東院道化甚盛作十二時歌偈頌機緣語錄流行於世新到師問曰
曾到此間麼僧曰未曾到師曰喫茶去又問僧曰曾到此間麼僧曰
曾到師曰喫茶去院主問曰為甚麼曾到也喫茶去未曾到也喫茶
去師召院主主應諾師曰喫茶去時真定師王鎔稱趙王盧王節度
使劉仁恭稱燕王三王爭相重敬至是乾寧四年十一月二日臥
右脇而寂壽一百二十歲教誨真際大師嶺南泉願願嗣馬祖傳

戊午 光化元年赦李茂貞八月 宗貞元以來禪宗機緣為聖胄集
月車駕自華州還京師

已未 宗貞元以來禪宗機緣為聖胄集
杭州無着禪師名文喜嘉興朱氏年七歲依本邑常樂寺國清出家
剃染習律聽教屬武宗汰教反服鞞摩宣宗初再度於鹽官齊峰寺
往五臺禮文殊遇一老翁牽牛而行邀師入寺翁縱牛引師陞堂翁
踞床指繡墩命坐翁曰近自何來師曰南方翁曰南方佛法如何住
持師曰未法比丘少奉戒律翁曰多少衆師曰或三百或五百師却
問此間佛法如何住持翁曰龍蛇混雜凡聖同居師曰多少衆翁曰
前三三後三三翁呼童子均提致茶又進酥酪翁拈起玻璃盞問曰
南方還有這箇否師曰無翁曰尋常將甚麼喫茶師無對辭別翁令
童子相送師問童子前三三後三三是多少童召大德師應諾童曰
是多是少師曰此為何處童曰此金剛窟般若寺也師悽然悟彼翁者

釋氏稽古略

卷三

文殊也卽稽首童子願乞一言為別童說偈曰面上無嗔供養具口
裏無嗔吐妙香心裏無嗔是珍寶無垢無染是眞常言訖均提與寺
俱隱懿宗咸通三年師至洪州觀音參仰山寂禪師頓悟心法後
回浙西住龍泉寺州錢王奏賜紫衣署無着禪師至是光化三年十
月三日告衆曰三界心盡卽是涅槃言訖跏趺而逝壽八十歲塔於
鷲峰靈隱之西塢哀帝天祐二年叛兵發師塔肉身不壞爪髮俱長
錢王鏐聞之遣裨將邵志重加封瘞宋寧宗嘉定十三年遷葬
淨慈山智覺壽禪師塔左師嗣仰山寂寂嗣瀉山祐禪師會元

庚申 光化三年初崔胤與上密謀盡誅宦官流樞密使宋道弼景務
修等皆賜自盡宦官益懼中尉劉季述王仲先樞密使王彥範
薛齊偓等陰謀廢立帝獵苑中夜歸季述扶帝與后同輦嬪御侍者
纒十餘人適少陽院鎖其門季述矯詔令太子裕監國尋使即皇帝
位以帝為太上皇季述遣其養子希度詣朱全忠許以唐社稷輸之
天平節度副使李振勸全忠誅季述全忠乃囚希度遣振如京師崔
胤密遣人說神策指揮使孫

德昭誅季述等時十二月也

辛酉 天復元年正月朔王仲先入朝孫德昭擒斬之崔胤迎帝御長
樂門樓師百官稱賀周承嗣擒劉季述王彥範繼至方詰責已

樂門樓師百官稱賀周承嗣擒劉季述王彥範繼至方詰責已

為亂挺所斃薛齊偃起并死出而勸之滅四人之族時朱全忠李茂貞各有挾天子令諸侯之意全忠欲帝幸洛陽茂貞欲帝幸鳳翔朱全忠至河中表請車駕幸東都十一月

○壬戌天復二年十一
月朱全忠進攻鳳翔

○癸亥天復三年春正月李茂貞請帝誅韓全海等與朱全忠和遣使囊全誨等首以示全忠甲子車駕出鳳翔幸全忠營已入長安

甲子 天祐 春正月朱全忠請帝遷都洛陽壬戌車駕發長安甲子元年 至華州朱全忠屢章促發遂至洛陽改元天祐朱全忠

遣李振至洛陽與蔣玄暉等八月弑帝立輝 錢鏐加王為皇太子 樞前即位時年十三歲哀帝也 封吳王

哀帝 祝昭宗第九子在位四年禪于梁梁封帝為濟陰王遷於曹州戊辰年鳩殺濟陰王於曹州道謚曰唐哀皇帝號景宗 一云朱全

忠弑昭宗立哀帝逾四年使劉霸鳩哀帝葬溫陵立少帝濮王糾一名繼昭宗子也年號天壽朱全忠又鳩之議以天祐四年禪位于梁

云本紀不載濮王 一年事 糾反倫 天祐 乙丑 天祐二年淮南楊行密薨子渥嗣位

釋氏稽古略 卷三

霽 丙寅三年南平鐘傳薨子匡時立尋為秦虜荆南節度高季昌據荆南閩王會雪峰玄沙二禪師問口將何為道作何修行見性成佛雪

峰曰宜先懺悔滌除障垢所以獲心見性一切業障海皆從妄想生若欲懺悔者端坐念實相願大玉識取實相自然成佛

○丁卯天祐四年三月帝遜於梁王梁受禪改元開平元年

右唐二十一主合二百八十八年禪于梁

五代

梁 受唐禪都汴州開平二年 遷都洛陽均王仍都大梁

太宗 末帝 二主 合十六年而歸後唐

太祖 姓朱氏宋州人本名溫唐僖宗時從黃巢作亂巢署溫同州防禦使溫叛巢歸唐天子賜名全忠拜宣武軍節度使昭宗光化三年

進封梁王哀帝天祐四年三月受唐禪更名昺破袞冕即皇帝位改國號曰梁在位六年壽六十一歲以汴州為開封府命曰東都以故

東都洛陽爲西都是時惟河東鳳翔淮南稱天祐年號西蜀稱天復尋亦自立改元武成餘皆稟梁正朔稱臣奉貢。

開平四
乾化二

丁卯開平元年 四月改元以河南尹兼河南節度使張全美爲魏王鎮海鎮東節度使吳王錢鏐爲吳越王加清海節度使劉隱威武節度使王審知兼侍中仍以劉隱

爲大彭王以權知荆南留後高季昌爲節度使

趙王 燕王 晉王 政王 吳越王 楚 荆南 淮南 閩王 蜀即帝位南平 王鎔 劉仁恭 李勣 李茂貞 錢鏐 馬殷 高季昌 楊渥 王審知 王建 劉隱

王鎔帥鎮州盧龍節度燕王 劉仁恭幽州盧龍節度燕王

晉王李克用稱天祐年號克用 本沙陀人見唐懿宗咸通九年

政王 鳳翔李茂貞 深州博野人本姓宋名文通爲博野軍戍卒黃巢犯京師茂貞以功補扈蹕都頭僖宗賜姓李名茂貞拜鳳翔隴右節

度使昭宗時封爲 政王稱天祐四年

釋氏稽古略

卷三

吳越 吳越王錢鏐字具美杭州臨安人唐僖宗時爲董昌偏將殺退黃巢兵昌以鏐爲都指揮董昌尋亦叛昭宗以鏐爲浙東招討使平昌進

封天下兵馬都元帥尋封至是梁開平元年封吳越王 後唐莊宗賜玉冊金印鏐居杭州二十一年八十一薨

楚王 馬殷字霸圖許州鄆陵人唐昭宗乾寧中拜武安軍節度使鎮潭州盡有湖南之地梁太祖開平二年處湖南聽民自採茶賣於北

客收其征以贍軍七月殷奏汴荆襄唐鄧復州置回圖務運茶河 南北賣之以易緡續戰馬詔許之湖南由是富贍梁封之爲楚王

荆南節度使高季昌字賂孫陝州人繼梁初鎮荆南節度十州後爲諸道所侵季昌有江陵一城而已至後唐莊宗時封爲南平王

淮南號吳楊渥稱天祐四年渥父行密字化源廬州合肥人家世微賤有膂力能舉千斤日行三百里爲本州步健破黃巢功大唐昭宗

景福元年八月爲淮南節度使淮南王進封楚王唐哀帝天祐二年行密薨壽五十四據廬州十二年子渥嗣位梁太祖封之爲吳王

閩王 王審知字信通光州固始人唐僖宗時黃巢寇亂因有閩嶺五州之地梁開平元年以威武節度使王審知兼侍中審知自唐昭宗

時已受封爲閩王矣至其子延鈞後唐明宗長 興四年改名璘即皇帝位建元龍啓國號大閩

蜀王王建字光圖許州舞陽人唐僖宗初陳欽瑄節制西川中尉田令孜爲監軍召建欲致麾下欽瑄疑止之建怒以兵攻成都殺欽瑄等昭宗授以西川節度使梁受唐禪開平元年九月王建卽皇帝位國號大蜀明年改元武成

南平劉隱上蔡人今汝寧古蔡州也其祖安仁徙居閩中商賈南海因家焉父謙爲廣州牙將破黃巢有功陞封州刺史卒州人表隱代之累有勳烈唐昭宗封隱南海王哀帝天祐二年進封安南都護清海節度使次年封南平王今梁加隱侍中文封南海王乃以隱爲大彭王乾化元年卒壽三十八其弟巖襲位盡有嶺表之北巖更名龔梁末帝貞明三年卽帝位國號漢年曰乾亨立二十五年壽五十四

戊辰 開平二年正月晉王李克用卒子存勗十一月立梁遷都洛陽煬濟陰王於曹州謚曰唐哀皇帝

趙 燕 晉 岐王 吳越 楚 荆南 淮南 吳閩 蜀王建南平

王鎔 劉奉 存勗 李茂貞 錢鏐 馬殷 高季昌 楊渥 王審知 武成元年 劉隱

雪 福州雪峰禪師名義存泉州南安曾氏子年十二從莆田玉潤寺慶

峯 玄律師出家年十七落髮往幽州寶刹寺受戒久歷禪會三登投子九到洞山後仍緣契德山唐懿宗咸通中回閩雪峰創院徒侶翕然

釋氏稽古略 卷三 六十一 傳宗賜號真覺禪師仍賜紫衣師之法席常有千五百衆至是開平

二年三月示疾聞帥命醫來師曰吾非疾也遺偈付法訖五月二日出遊藍田暮歸澡浴中夜入寂壽八十七師嗣德山鑒鑒嗣龍潭信

沙 玄 福州玄沙宗一禪師名師備閩之謝氏子幼泛小艇於南臺江狎諸

漁者年三十忽慕出家投英蓉訓禪師刺落往豫章開元寺受具布衲芒屨食糲接氣終日宴坐雪峯以其苦行呼爲頭陀一日雪峯召

之曰何不遍叅去師曰達磨不來東土二祖不往西天峯然之住後

提振宗綱遐邇推敬閩主待以師禮學侶餘八百衆當梁太祖開

平二年十一月入寂壽七十五閩主爲師樹塔師嗣雪峯存禪師

知 足 已 已 開平三年十月蜀州刺史王宗弼稱疾杜門蜀主疑其矜功怨

小人致位至此足矣豈可求進不已乎蜀主嘉其志

趙 燕 晉王 岐王 吳越 楚 荆南 淮南 閩 蜀王建南平

庚午 開平 續寶林傳 南嶽推勁頭陀集唐昭宗光化年

趙 燕 晉王 政王 吳越 楚 荆南 淮南 閩 蜀 南平

天祐元年 天祐元年 武成元年 武成元年

辛未乾化元年

龔

趙 燕即當晉王 岐王 吳越王楚 荆南 淮南吳閩 蜀 南平劉

王鎔 應安年 天祐年 天祚年 天祐年 天祐年 天祐年 天祐年 天祐年 天祐年

三月靜海節度使南平襄王劉隱既卒其弟巖襲位後名龔又改龔

八月燕王劉仁恭之子劉守光即皇帝位國號大燕改應天元年

壬申 二年二月湖州道場山如訥禪師卓庵於山乘虎遊行訥湖

州人師嗣翠微無學禪師學嗣丹震然然嗣石頭希遷禪師

趙 燕 晉 岐王 吳越王楚 荆南 淮南吳閩 蜀 南平

二月帝疾增甚謀戮無常又議出征從官多畏懼帝長子郴王友裕

早卒次假子博王友文帝特愛之郢王友珪心不平帝出友珪為萊

州刺史友珪微行入左龍虎軍見統軍韓勅以情告之勅以牙兵五

百人從友珪雜控鶴士入伏禁中夜斬關入至寢殿友珪僕夫馮

廷諤刺帝秘不發喪矯詔稱朕躬危殆宜令友珪權主軍國之務發

喪即皇帝位乾化三年正月改元鳳曆是時均王友貞處大梁討友

珪友珪自度不免令馮廷諤先殺妻張氏次殺 已廷諤亦自剄均王即位於大梁稱乾化三年

釋氏稽古略 卷三

本二

均王

太祖第三子初名友貞封均王鎮大梁汴州也乾化三年正月誅大逆友珪遂即皇帝位於大梁就都之追廢友珪為庶人三月帝

更名鏗久之又名瑱在位十一年壽三十六歲謚曰未帝 乾化四年 貞明六 龍德三

趙 燕 晉 岐王 吳越王楚 荆南 淮南吳閩 蜀 南平

應安年 天祐年 天祐年 天祐年 天祐年 天祐年 天祐年 天祐年 天祐年

○ 金光明道場

杭州瑞應幼璋禪師請吳越王每年於天台山建金光明道場諸郡黑白大會逾月而散光明大會始於師也

甲戌

乾化四年正月晉王旣克燕以練新履着劉仁恭并守光凱歌入晉陽獻于太廟斬守光械仁恭至代州祭先王墓斬之

趙 燕 晉 岐王 吳越王楚 荆南 淮南吳閩 蜀 南平 晉滅之 天祐年 天祐年 天祐年 天祐年 天祐年 天祐年 天祐年 天祐年 天祐年

舒州投子由禪師名大同本州懷寧劉氏子幼歲依洛下保唐寺滿禪師出家初習安般觀次閱華嚴發明性海謁翠微學禪師頓悟宗旨山是故意周遊後從故里隱投子山結茅而居至是乾化四年四月六日入寂勅謚慈濟大師師嗣翠微學禪師

乙亥貞明元年

趙 晉王 岐王 吳越王 楚

荆南 淮南 吳閩 蜀 南平

契丹

丙子 貞明二年

○契丹太祖阿保機

趙 晉王 岐王 吳越王 楚 荆南 淮南 吳閩 蜀 南平

○契丹

鮮卑山之遺種在商高宗之伐鬼方者是也自梁末帝貞明二
年太祖阿保機稱龍建國立年傳嗣凡九主在位首末二百一
十五年實歷二百單九年。繼太祖皇帝諱億魯名阿保機乃幹里小
子也父幹里為夷离中猶中國刺史也先是契丹部落分而為八各
有大人相與推約一人為王。建旗鼓以號令諸部每三年則以次相
代及阿保機為王。尤雄勇恃其疆不肯受代五姓奚及七姓室韋咸
服屬之擊黃頭室韋還七部劫之於境上求如約阿保機曰我為王
九年得漢人多請帥種落居古漢城與漢人守之自為一部七部許
之古漢城者拓跋魏之滑鹽縣也。地宜五穀有鹽池之利。其後阿保
機擊滅七部併為一國又北伐室韋女真西取突厥故地擊奚滅之

釋氏稽古略

卷三

六三

復立奚王使契丹監其兵東北諸夷皆畏服之初唐懿宗咸通末年
有習爾者為王。王守始大其後欽德為王乘中原多故時入侵邊燕
帝劉守光末年衰困遣參軍韓延徽求援於契丹契丹主怒其不拜
留之欠乃禮而用之延徽始教契丹建牙開府築城廓立市里以處
漢人使各有配耦墾荒田契丹由此威盛疆大至是貞明三年阿
保機始自稱皇帝國號大契丹年曰神冊國人謂之天皇王姓耶律
氏以妻述律氏為皇后置百官治

國十一年卒於夫餘城謚曰太祖。

布袋

布袋和尚名契此示跡明州奉化縣常以杖荷一布袋攜破席凡供
身之具盡貯袋中入市見物則乞或醃醢魚漚纒接入口分少許投
囊中時號長汀子至是貞明二年三月三日坐於嶽林寺廊下說偈
曰彌勒真彌勒分身千百億時時示時人時人自不識偈已安然而
化其後他州復見其負囊而行競圖其像而奉祀之。

丁丑 貞明三年

契丹

南平劉巖即皇帝位于番禺國號大越改元

趙 晉王 岐王 吳越王 楚

荆南 淮南 吳閩 蜀 南平

天祚 天祚 天祚

天祚 天祚 天祚

戊寅 貞明 四年

契丹阿保機

神冊三年

趙

晉王 岐王 吳越王 楚

荆南 淮南 吳 閩

一委奉

蜀帝 漢 卷五年 乾寧

蜀帝太子衍立。三月吳越王鏐初立元帥府置官屬淮南吳以徐知

誥為淮南節度行軍副使知誥專吳主盡恭知誥以求齊丘為謀主

龍湖 邵武龍湖禪師名普聞唐僖宗第二子也幼不茹葷長無經世

亡師斷髮逸 謁石霜諸禪師問如何是教外別傳諸曰符案山點

頭卽向汝道師因省悟依止數年乃請遊山諸曰逢軋卽止遇陳便

住遂辭行過邵武抵大軋遙望山顛鬱然深秀問父老彼有居者否

老曰有一陳嗣者久隱其中師至嗣遂分坐同住師廬茅谷口陳乃

去之庵址存焉其寶乘禪院者師募廬基也僖宗文德元年三月八

日薨錫杖於山杖止處建立道場繙素嚮心遂成巨剎一日有老入

來前曰我龍也家於此山行雨不職將有天罰願師救護師曰汝可

易形來俄一小蛇在座師引之入淨瓶良久風雷挾座山巒搖震達

巨開震蛇自餅出老人來謝曰非師法力則腥穢此地矣觀師道場

闕水當以報德遂斷地成穴湧泉衍溢乃為一湖在今半山是日龍

釋氏稽古略

卷三

三

湖至是貞明四年一日師集眾僧曰吾將他適以院事付聰教二禪
人乃說偈曰我逃世難來出家宗師指示箇歇處任山領衆三十年
對人不欲輕分付今日分明說似君我歛日時齊聽取既而跨虎凌
晨抵信州開元寺龍湖僧追之師曰山中已有聰禪師吾不復歸矣
故龍湖無開山祖師塔惟有跨虎庵基為古今之證勅謚圓覺禪師
五燈會元謂師示寂於龍湖殆非也師嗣潭州石霜禪師慶諸諸嗣
道吾宗智智嗣藥山儼
禪師諸吉州人姓陳氏
契丹

已卯 貞明 五年

契丹

神冊五年

趙

晉王 岐王 吳越王 楚

荆南 淮南 吳 閩

一委奉

蜀衍 漢 武義軍 乾德軍 乾寧

夏四月淮南楊氏卽吳國王位咬元武義建
宗廟社稷置百官宮殿文物皆用天子禮樂

庚辰 貞明 六年

貞明

契丹

神冊五年

趙

晉王 岐王 吳越王 楚

荆南 吳 弟 溥 閩

一委奉

蜀 漢 乾德軍 乾寧

神冊五年

立

乾德軍 乾寧

辛巳 龍德元年

契丹

天贊元年

趙

晉王 岐王 吳越王 楚

荆南 吳 閩

蜀

漢 誓奉

壬午 龍德二年

契丹

天贊二年

趙

晉王 岐王 吳越王 楚

荆南 吳 閩

蜀

漢 誓奉

越州鏡清順德 德禪師得法於雪峰 吳越錢王尊其道 德請居天龍寺 又創龍冊寺 以居師 學侶奔湊 由是吳越盛於玄學 首高祖天福

二年八月入 寂壽七十四

癸未 龍德三年

同光元年

契丹

天贊三年

趙

唐 節度使 岐王 吳越王 楚

荆南 吳 閩

蜀

漢 誓奉

○春二月 梁帝遣使冊命 吳越王 錢鏐為吳越國王 夏四月 己巳 晉王 李存勗即皇帝位 於魏州牙城之南 國號大唐 改元同光 唐所有凡

釋氏稽古略

卷三

本四

十三節度五十州 師兵取梁 梁帝謂皇甫麟曰 李氏吾世讎 理難降 首不可換 彼刀劍吾不能自裁 卿可斷吾首 麟泣遂弑梁帝 麟因自 殺 十月 唐 帝入大梁

右梁二主合一十六年而歸于唐

唐

李姓以土德王 都鄴 今彰德 路古相州也 後遷都于洛陽

莊宗 明宗 閔帝 潞王

莊宗

諱存勗 本沙陀人 唐懿宗咸通九年 賜其祖姓李 名國昌 帝父名 克用 破黃巢 復京師 功第一 拜河東節度使 累封晉王 襲存勗嗣

王位 滅梁 建國曰唐 追尊父王 克用 曰武皇帝 帝在位三年 壽三十五歲

○同光 三

同光元年

即癸未歲也 十月 滅梁 改元十一月 遷都洛陽

甲申 同光二年

契丹

天贊四年

趙

秦王 秦越王楚

荆南 淮南吳閩

蜀 漢

趙

秦越王楚

荆南

蜀 漢

正月跋王李茂貞遣子繼曠上表入貢稱臣帝尊禮之改封秦王四月秦忠敬王茂貞薨子繼曠權知鳳翔軍府事

魏府卒大名路也興化禪師名存獎本府人帝詔入內執弟子禮以事師一日問曰朕收復中原得一明珠未有人酬價師曰請陛下珠看帝以手舒嘆頭脚師曰君王之寶誰敢酬價帝愧賜紫衣師號師皆不受乃賜馬使乘之墜地損一足帝復賜醫師喚院主與我做箇木柶子師接得遂院行問僧曰汝等還識老僧麼衆曰爭得不識和尚師曰跛脚法師說得行不得至法堂令維那聲鐘衆集師曰還識老僧麼衆無對師擲下柶子端坐而逝

勅謚廣濟禪師師嗣臨濟玄禪師鐫燈

汝州寶應南院禪師名慧顯河北人嗣興化獎

涼

乙酉 同光 三年

契丹 天贊五年

淮南吳溥於石頭城建清涼寺禮請悟宗住持

趙

秦 晉 越王楚

荆南 淮南吳閩

蜀 漢

釋氏稽古略

卷三

本五

九月帝以子魏王繼及樞密使郭崇韜伐蜀蜀主王衍與觀衛壁出降孟知祥者字保盛邢州龍岡人樞密使郭崇韜於知祥有引薦之恩將行言於帝曰孟知祥信厚有謀此行得四川而求帥無踰此人者帝可之天軍乃西行入散關倍道而進攻蜀降崇韜乃以知祥為西川節度使鎮成都明宗長興四年封蜀王潞王清泰元年即皇帝位而殂子昶嗣立建元明德國號蜀至宋太祖乾德三年降于宋谷四十一 有白龍現於漢宮漢主年國除 漢 改元白龍 更名襄嗣 鑄

明宗 諱亶本名嗣源北狄人莊宗養以為子從莊宗征伐屢立大功丙戌年正月趙在禮反於鄴莊宗命李嗣源討之三月嗣源至鄴都從馬直軍士張破敗作亂兵逼中軍嗣源此問之對曰主上棄恩任威云克城之後盡坑魏博之軍我輩畏死耳今衆議請主上帝河南令公帝河北嗣源泣諭之衆軍不從嗣源啗石敬瑭曰天事成於果決而敗於猶豫嗣源乃令安重誨移檄會兵軍勢大盛李紹榮請莊宗幸關東招撫之駕至萬勝鎮聞嗣源已據大梁諸軍離叛即命旋師歸入洛陽四月從馬直搆揮使郭從謙不知睦王存義已死欲奉之作亂師所部兵攻與教門緣城而入近臣宿將釋甲潛近獨李彥卿何福進王金斌等十餘人力戰莊宗中流矢鷹坊人善友扶莊宗

自門樓下至絳霄殿廊下。抽矢渴憊須臾。相李彥卿等慟哭而去。左右皆散。善友焚帝尸。巳丑。嗣源入洛陽。正于私第。拾莊宗骨于灰燼中而殯之。百官三上牋請。嗣源監國許之。有司議即位。禮李紹真。孔循以唐運盡。宜自建國號。監國不從。吏部尚書李琪曰。若改國號。則先帝遂爲路人。梓宮安所託乎。前代以旁支入繼。多矣。宜用嗣子。柩前即位之禮。衆從之。監國乃於柩前即位。帝位年已六十歲。改元天咸。二年春正月。更名宮。在位八年。壽終六十七。

天咸四年

丙戌天成元年

契丹

天贊六年

蜀禪月大師

趙

鳳翔 越國 楚

荆南 吳

閩國 延鈞 蜀節度 漢

昭武節度王延翰。自稱大閩國王。立宮殿。置百官。威儀文物皆倣天子之制。追尊其父王審知曰昭武王。是歲。審知養子延稟。弒延翰。衆推其弟延鈞爲留後。

釋氏稽古略

卷三

六六

丁亥 天咸二年

契丹太祖阿保機 廼 德光 天顯元年

趙

鳳翔 豆 越

楚 建國 荆南 吳 節度 閩

蜀 漢

遼。契丹太祖崩於天贊六年秋七月。在位十一年。太宗立諱德光。太祖第二子。母曰述律氏。治二十二年立。晉滅唐。改契丹曰大遼。嘗於所居大部落建天雄寺。以奉佛。有契丹太祖阿保機像。秋八月。楚王馬殷始建國。立宮殿。置百官。皆如天子。或微又改其翰林學士曰文苑學士。知制誥曰知辭制。樞密院曰左右機要司。陛下稱之曰殿。下。令曰教。

知

十一月。淮南吳王楊氏卽皇帝位。吳丞相徐溫卒。吳主以其子知謀都督中外諸軍事。知誥本姓李。唐昭宗軋寧二年。楊行密攻濠州。軍士掠徐州。得之生八歲。行密養以爲子。行密長子渥。憎之行密。謂其將徐溫曰。此兒質狀。往識頗異於人。吾度渥必不能容。今賜汝爲子。溫名之曰知誥。知誥事溫勤孝。過於諸子。溫是以愛之。使掌家事。父長。喜書。善射。識度。英德。行密謂溫曰。知誥俊傑。諸將子皆不及也。至

晉高祖天福二年受吳禪

戊子 天成一

趙

契丹 天顯二年 鳳翔 吳越 楚 寶臺亭

荆南 吳

閩延鈞 蜀孟氏 漢 高舉舉 乾貞年 大有年

閩主延鈞度民二萬為僧由是閩中多僧見五代書○是年十二月荆南節度使高季興卒命其子從誨權知軍府事從誨上表求內附詔以從誨為

荆南節度使

地藏

漳州羅漢院禪師名桂琛生常山李氏諫本府萬歲寺無相大師披剃登戒得法於立沙備禪師師秘重大法痛自韜晦漳州牧王公請住城西石山地藏十餘年遷止羅漢院破垣敗簣師處之恬如也援法眼益至是天成三年入寂壽六十二茶毘舍利建塔於院之西隅

勅謚貞應 禪師 鐫燈

巳丑 天成一

契丹 天顯三年

釋氏稽古略

卷三

契丹 天顯三年 卷七

趙

鳳翔 吳越 楚 寶臺亭

荆南 吳

閩 蜀 漢 大有年

九月帝與平章事馮道從容語及年穀屢登四方無事道曰臣常記昔在先皇幕府奉使中山歷并陘之險臣憂馬蹶傷也反執轡甚謹幸而無失逮至澤潞放轡自逸俄至顯隕凡為天下者亦猶是也帝深以為然帝又問今歲雖豐百姓瞻足否道曰農家歲凶則死於流殍歲豐則傷於穀賤豐凶皆病死惟農家為然臣記進士聶夷中詩二月賣新絲五月糶新穀賢得眼前瘡剗却心頭肉語雖鄙俚曲盡田家之情狀農於四人之中最為勤苦人主不可不知也帝悅命左右錄其詩常誦之幽州完平寶禹鈞仕至左諫議大夫致仕生

農最勤苦

王子皆宜顯侍中馮道贈以詩燕山寶十郎教子有義友靈椿一株老僊桂五枝芳周世宗顯德二年太師中書令瀛文懿王馮道薨

庚寅 長興元年

契丹 天顯四年

趙

鳳翔 吳越 楚 殷卒 荆南 吳 寶臺亭

閩

蜀 漢 大有年

十一月楚王馬殷薨子希聲襲位稱遣命去建國之制復藩鎮之舊詔以希聲為武安靜江節度使

○雲門宗

廣東道韶州雲門山光奉院禪師名文偃生浙西秀水卒嘉興路也姓張氏幼依空王寺志澄律師出家及冠落髮稟具

於毘陵壇侍澄數年探窮律部以已事未明往叅睦州陳尊宿撥門而入州掄住云道道師擬議州推之出口秦時轆轤鑽遂掩門損師一足師從悟入州乃指之見雪峰存禪師既得以密契心宗遂出嶺徧謁諸友後抵廣中靈樹斂禪師初不請首座有勸之請第一座者靈樹曰我首座生也出家也火之曰我首座行脚也悟道也火之又曰我首座至矣一日令擊鐘接首座師適至斂笑曰奉遲甚久何來暮邪卽命之師不辭而就職當此庚寅長興元年也俄而廣主劉王將興兵就靈樹決可否斂知之手封奩子語侍者曰王來出以俟之適有僧問如何是祖師西來意斂乃就座而逝王至聞斂已化王大驚嘆侍僧以奩呈發之書曰人天眼目堂中上座王乃請師繼主靈樹迎之至府開決火之遷住韶陽雲門山戊申年廣主屢請入內問法得以師禮賜號匡真禪師七月迎之王府供養九月辭王還山明年四月十日師表辭廣主垂誠學徒端坐而逝塔全身於方丈後丙寅歲趙太祖胤德四年廣主天寶九年也師示夢阮紹莊曰與吾寄語秀華宮使特進李託託遂奏請開塔奉勅迎請靈軀內庭供養逾月方還因改寺額爲大覺加謚大慈雲匡真弘明禪師師嗣雪峰存

釋氏稽古略

卷三

六元

禪師存嗣德山鑿鑿嗣龍潭信禪師師之法道世宗仰之目之曰雲門宗

趙

辛卯

長興二年

契丹

天顯五年

鳳翔

吳越

楚

荆南

吳

閩

趙

壬辰

長興二年

契丹

天顯六年

鳳翔

吳越

楚

荆南

吳

閩

趙

甲辰

春二月初令國子監校定九經

版

雕印至周廣順三年版成印行

三月吳越武肅王錢鏐薨年八十一歲中子

傳璿立更名元璿以遺命去國儀用藩鎮法

秋七月武安靜江節度使馬希聲卒六軍以袁誼藩約等

迎希聲之弟希範於朗州而立之治十五年壽四十九歲

癸巳

長興四年

契丹

天顯七年

鳳翔

吳越

楚

荆南

吳

閩

蜀

漢

大有五年

甲辰

春二月初令國子監校定九經

版

雕印至周廣順三年版成印行

三月吳越武肅王錢鏐薨年八十一歲中子

傳璿立更名元璿以遺命去國儀用藩鎮法

秋七月武安靜江節度使馬希聲卒六軍以袁誼藩約等

迎希聲之弟希範於朗州而立之治十五年壽四十九歲

癸巳

長興四年

契丹

天顯七年

鳳翔

契丹

天顯七年

鳳翔

吳越

楚

荆南

吳

閩

蜀

漢

大有五年

契丹

天顯七年

鳳翔

吳越

楚

荆南

吳

閩

蜀

漢

大有五年

契丹

天顯七年

鳳翔

吳越

楚

荆南

吳

閩

蜀

漢

大有五年

趙 鳳翔 吳越 楚 荆南 吳 閩 蜀 孟氏漢
封王大有卒

帝 閔 春正月閔主王延鈞即皇帝位國號大閩年曰龍啓
更名璘。二月唐命孟知祥爲東西川節度使蜀王。
十一月帝不豫詔立第三子宋王從厚帝尋殂十二月宋王從厚即
皇帝位閔帝也甲午年正月改元應順時鳳翔節度使兼侍中潞王
從珂與朝廷猜阻三月潞王建大將旗鼓整衆而東閔帝聞潞王至
陝憂駭不知所爲以五十騎出玄武門至衛州依刺史王弘贄潞王
至蔣橋馮道等皆上牋勸進潞王入謁太后太妃詣西宮伏梓官慟
哭太后下令廢少帝爲鄂王令潞王即皇帝位於柩前王弘贄遷閔
帝於州廡潞王遣弘贄之子殿直繼往

潞王 諱從珂明宗養子也姓王氏鎮州人今真定路也明宗略地且并
其母獲老養爲己子時年十歲封潞王爲鳳翔節度使閔帝即位
以洋王從琯往代之由是聚兵閔帝出奔
潞王以太后命即位在位三年壽三十歲

甲午 四月改 契丹 天顯八年
清泰元年

釋氏稽古略

卷三

李九

趙 鳳翔 吳越 楚 荆南 吳 閩 蜀 昶 漢
太和年 龍登年 愍年 大有七年

閔正月蜀王孟知祥即皇帝位於成都改元秋
七月昶太子仁贊即皇帝位更名昶明德元年

天台國清寺靜上座初得悟於玄沙備禪師言下居天台山三十餘
年有問者曰心念紛飛未明攝伏靜曰却將紛飛之心以究紛飛之
處究之無處則紛飛之念何在返究究心則能究之心安在靜因觀
教中幻義述偈曰若道法皆如幻有造諸過惡應無咎云何所作業
不忘而藉佛慈興接誘有小靜上座者答之曰幻人興幻幻輪圍幻
業能招幻所治不了幻生諸幻苦覺知如幻幻無爲二靜上座遺踪
國清存
焉碑觀

乙未 清泰 契丹 天顯九年

趙 鳳翔 吳越 楚 荆南 吳 閩 蜀 漢
大有年 龍登年 愍德年 大有年
荆南節度使高從誨性明達親禮賢士委任梁震
震披鶴氅自稱刺臺隱士毋詣府跨黃牛至廳事

吳加徐知誥尚父太師大丞相大元帥進封齊王備殊禮以昇黷潤瀛宣池欽陟帝江饒信海十州為齊國

○清泰三年六月河東節度使北面總管石敬瑭既還鎮晉陽墜有自

全之計初帝欲使敬瑭移鎮軍州今東平路也嶽給事中李崧呂琦

等皆力諫以為不可帝從樞密直學士薛文遇之言以敬瑭為天平

節度使制出兩班相顧知遠曰明公據形勝之地士馬精彊若稱兵

死於道路乎都押衙劉知遠曰公能推心契丹何患無成敬瑭意

傳檄帝業可成掌書記桑維翰曰公能推心契丹何患無成敬瑭意

遂決表帝養子不應承祀請傳位許王帝怒手裂其表抵地制削奪

敬瑭官爵以張敬達兼大原四面排陳使率諸將討之敬瑭表契丹

稱臣以父禮事之許以割地請授九月契丹主太宗德光也將五萬

騎號三十萬至晉陽戰唐兵大敗十一月契丹主作冊書命敬瑭為

大晉皇帝築壇於柳林即位大赦制改長興七年冊號為天福元年

潞王知石敬瑭即皇帝位遂與曹太后劉皇后雍王重美及宋審虔

等攜傳國寶登玄武樓自焚而死皇后積薪欲燒官室重美諫曰新

天子至必不露居他日重勞民力死而遺怨將安用之乃止后與重

美孺姪俱死是日晚晉高祖入洛陽止于舊第唐兵解甲待罪晉帝

慰而釋之乃命劉知遠部署京城知遠分漢軍使還營館契丹主於

釋氏稽古略

卷三

天宮寺城中肅然無敢犯令十二月晉帝追廢潞王為庶人以馮道同平章事

右唐四主合一十四年而歸于晉

晉

石姓以金德王遷都汴州

高祖齊王

高祖諱敬瑭石姓本西夷入勇力善戰唐明宗愛之妻以女承寧公主累遷至河東節度使清泰元年鎮太原徙天平節度使不受命遂

乃稱兵求援於契丹即帝位入洛陽割幽薊瀛莫涿檀順新天福

瀉儒武雲應寰朔蔚十六州以與契丹在位七年壽五十一七

丙申十一月改契丹天福元年

天顯十年

趙

鳳翔吳越楚荆南

吳閩蜀漢

主

高麗當唐之末其王姓高唐莊宗同光二年高麗遣使來中國史失不記其王之姓名至明宗長興三年權知國事王建遣使者來明宗

封王建高麗國王。至是丙申年。高麗舉兵擊破新羅百濟。於是東夷諸國皆附之。有二京六府九節度百二十部焉。

丁酉 天福二年

會同元年

趙

鳳翔 吳越復楚 建國

荆南 虔復禮閣

蜀 漢

大。大遼太宗德光既立晉室受其所獻之十六州。春正月乃以幽州為南京。改契丹國號大遼。年曰會同。公卿庶官皆倣中國。參用中國人。

二月北歸以趙延壽為樞密使兼中書令。

遷都

三月晉議遷都大梁。四月至汴州。吳越王元瓘復建國如同光故事。

○八月吳主下詔禪位于齊王徐知誥。即皇帝位于建康。大赦。國號曰唐。南唐年曰昇元。尊吳主曰讓皇。宮室乘輿服御皆如故宗廟正朔徽章服色悉從吳制。明年讓皇崩。唐主廢朝。二十七日。追謚曰睿皇帝。唐昇元三年。知誥復姓李。更名昇。始見唐明宗天

風。汝州風穴禪師諱延沼。錢塘餘杭人。姓劉氏。幼不苟董。習儒。應進士。穴。一舉不第。乃出家。依本州開元寺智恭。披剃。受具。習天台止觀。年二

釋氏稽古略

卷三

十五。謁鏡清。泰南院顯禪師。悟旨。依止六年。辭去。後唐明宗長興二年。至汝水。草屋數椽。依山。如逃出家。問之。父老。田父曰。古風穴。寺。世以律居。僧物。故眾棄去。師曰。我居之可乎。父曰。可。師乃留止。日乞村落。夜然松脂。單丁者七年。至是天福二年。州牧李使君聞師之道。盡禮致之。上元日。開堂說法。稟嗣南院顯。漢隱帝乾祐二年。李君移守鄆州。師避寇。往依之。館於郡齋。汝州有宋太師者。施第為寶坊。號新寺。延師住持。法席雄冠。周太祖廣順元年。賜其寺額曰廣慧。師住十二年。常餘百眾。僧問如何是佛。師曰。杖林山下竹筋鞭。宋太祖開寶六年八月。且日。登座說偈。曰。道在乘時須濟物。遠方來慕自騰騰。他年有叟情相似。日日香煙夜夜燈。至十四日。手書別諸檀越。十五日。跏趺而逝。壽七十八。夏五十九。師嗣南院顯。顯嗣興化獎。獎嗣臨濟玄禪師。

戊戌 天福三年

會同二年

趙

鳳翔 吳越 楚

荆南 唐 閩

蜀 漢

八月晉帝上尊號於大遼主及太后。以平章馮道劉臨為冊禮使。備函饋儀仗車輅。請遼主行。帝事遼甚謹。奉表稱臣曰。父皇帝。

十月帝以大梁舟車所會便於漕運乃建東京於汴州復以汴州為開封府以東都鄙為西京以西都隸為晉昌軍節度。

私錢 勅聽公私鑄銅 錢文曰天福元寶

巳亥 天福四年

大遼

會同三年

趙

鳳翔 吳越 楚

荆南 唐李昇 閩

蜀 漢

復姓

春正月南唐群臣累表請唐主徐知誥復姓李立唐宗廟唐主許之更名昇反變群臣又請上尊號不受唐主不以外戚輔政宦者不得預事他國 所不及也

閩

秋閩七月閩主為拱宸控鶴軍使連重遇所弑其叔父延義自稱威武節度使閩國王更名曦謚閩主曰唐宗

觀世音菩薩

杭州上天竺僧道翹一夕見山間光明往視之得奇香木命良工刻成觀世音菩薩像白光煥發繼以晝夜

高祖乾祐二年有僧從敷者以古佛舍利置菩薩毫相中舍利時現冠頂○又慶元路隴州也海中補怛洛伽山乃菩薩示現之地唐宜

釋氏稽古略

卷三

七二

寶陀

宗大中年間西域天竺僧至洞中瞻指祈禱親觀世音菩薩妙相與說法要名跡始著其後日本國僧慧鑿者自燕北五臺山得菩薩畫像舍於山側土人張氏張奉之捐所居為觀音院昌國誌云梁貞明二年始建寺也宋神宗元豐三年遣使王舜封往三韓舟抵洞黑風驟起龜負舟舜封禱之菩薩現相舟穩還朝以聞朝廷頒金帛移寺建於梅岑山之陽賜額寶陀今之寺也

庚子 天福五年

大遼

會同四年

閩王曦度民為僧 萬一千人閩紀

趙

鳳翔 吳越 楚

荆南 唐

閩曦 蜀 漢

辛丑 天福六年

大遼

會同五年

趙

鳳翔 吳越 楚

荆南 唐

閩 蜀 漢

吳越

閩

蜀 漢

八月吳越國文穆王錢氏元瓘薨其子弘佐即王位 弘佐温恭明斷好書禮士躬勤政務治七年壽二十一

十一月唐分遣使者按行民舊漢十二月戊戌漢主寢疾有楚僧謂曰名巖不利以肥瘠定其稅民咸稱其平允漢主自造襲字名之義取飛龍在天讀若儼通

閩主於城南西阜建石塔七層功未半光發如蓋者二夕既成光耀際天又三夕王慰幸遂額之曰淨光而於其下又建寺宇焉集樂

壬寅 天福七年 六月帝殂 會同六年 大遼

鳳翔 吳越忠楚 張佐

荆南 唐 閩 蜀 漢 玢立 昇昇年 承隆年 虞奉 葵年

南漢即南平廣州也高祖劉龔四月 姐泰王弘度即皇帝位更名玢見中

齊王 史曰出帝諱重貴高祖兄敬儒之子也封齊王高祖五子皆早卒 重膺尚幼天福七年六月高祖殂 七月守司徒兼侍中馮道與天

平節度使侍衛馬步都虞候景延廣議國家多難宜立長君乃奉廣 晉尹齊王重貴為嗣即皇帝位大臣議奉表稱臣告哀於遼景延廣 請致書稱孫不稱臣李崧諫之不從馮道依違其間帝卒從延廣議 遼主大怒遣使來責讓延廣答以不遜丙午歲開運三年也十一月 遼大舉滅晉遼主命張彥澤遷齊王於開封府 頃刻不得留帝在位四年遠遷遼地壽年不載

稱天福八年 開運三

釋氏稽古略

卷三

三

癸卯 天福八年

天遼 會同七年 鳳翔 真越國楚

荆南 唐 閩 蜀 漢 玢立 昇昇年 承隆年 虞奉 葵年

趙 唐主餌方士藥變成躁急群臣奏事往往暴怒問道士王棲霞何道 可致太平對曰王者治心治身乃治家國今陛下尚未能去饑噉飽

寔何論太平宋后稱嘆以為至言唐主凡所賜予棲霞皆不受二月 唐主疽發背召齊王景入侍疾謂璟曰吾餌金石欲益壽乃更傷生 汝宜戒之是夕 殂元宗璟即位

閩族王氏延政稱帝於建州國號大殷初天福四年曦既立驕淫苛 虐猜忌宗族其弟建州刺史王延政以書諫之曦怒由是兄弟積相 猜恨戰鬪至 是延政稱帝

漢殤帝驕奢不親政事晉王弘熙欲圖之乃盛飾髀伎娛悅其意以 戒其惡頃之乘其醉而弑之弘熙即皇帝位中宗也改年曰乾和

法眼宗 建康清涼寺禪師名文益生餘杭魯氏七歲依新定智通院 全偉禪師落髮弱齡稟具於越州開元寺究毘尼探儒典振

錫南參抵福州見長慶稜禪師不大發明乃欲出嶺過漳州阻雪於城西石山地藏院禪師桂琛問曰上座學解說三界唯心萬法唯識乃指階前石曰此石在心內在心外師曰在心內琛曰行脚人着甚來由安片石在心頭走師窘無以對即放包依席下求決擇一月餘呈見解說道理琛詰之曰佛法不恁麼師曰某甲詞窮理絕也琛曰若論佛法一切見成師於言下大悟遂依止久之時唐潞王清泰二年也師行至江西撫州州牧重師之道請住崇壽院南唐有國唐主迎師任金陵報恩禪院署號淨慧禪師遷住清凉寺天闡法化唐主邀師觀牡丹花請師賦詩師應聲曰擁毳對芳叢由來趣不同髮從今日白花是去年紅艷冶隨朝露馨香逐晚風何須待零落然後始知空唐主頓悟玄旨至周顯德五年唐之交泰元年也七月十七日師示疾唐主親加禮問閏月五日辭眾跣跡而逝壽七十四臘五十四公卿李建勳以下素服奉全身塔於江寧縣之丹陽勅謚大法眼禪師塔曰無相再謚曰大智藏大導師師入室弟子四十三人各導一方隨根悟入者不可勝紀師嗣地藏琛琛嗣玄沙儀備嗣雪峰存禪師宗門尊仰其道曰法眼宗

甲辰開運元年 天遼 會同八年

釋氏稽古略 卷三

趙 荆南 唐 閩 蜀 漢 供六年 朱文進 廣慶年 乾紀年

舊史 劉煦授司空平章事撰舊唐史佛祖異跡皆載之宋歐陽修撰唐書始皆刪去

春正月閏拱宸都指揮使朱文進因門使連重遇弒閩主曦名百官告之曰太祖光啓閩國今子孫淫虐其墜厥緒天厭王氏宜更擇有德者立之眾莫敢言重遇乃推朱文進陞殿被袂冕帥群臣北面再拜稱臣文進自稱閩王謚閩主曦曰景宗是年文進為其下所殺函首送於建州殷王延政明年南唐兵取建州延政降閩合五十年而國除

○鐘聲息苦 南唐江南上元縣一民暴死三日復甦云至一殿庭忽見先王縲械甚嚴近問之曰主何至此曰吾為宋齊丘所誤

殺和州降者千餘人冤訴囚此汝得還可語嗣君凡寺觀鳴鐘須延其聲受苦聞鐘得暫休息或能為造一鐘尤善吾在位嘗交聘于闐國彼王遺吾一玉天王像吾常置於警中後歲於瓦棺寺佛左膝無知者汝以此像為驗民既還具奏之唐主親詣瓦棺寺果得玉像於佛膝感泣造一鐘於建康清凉寺其文曰薦烈祖孝高皇帝脫幽出厄以玉像建塔葬於蔣山極概

乙巳 開運二年

大遼

會同九年

趙

鳳翔 吳越 國楚

荆南 唐

閩滅 蜀 漢

丙午 開運三年

大遼

會同十年

趙

鳳翔 吳越 楚

荆南 唐

蜀 漢

丁未 開運四年

大遼

會同十一年

趙

鳳翔 吳越 國楚

荆南 唐

蜀 漢

遼 ○ 四月遼太宗殂在位二十二年五月世宗立諱阮番名兀欲東丹王突欲之子太祖孫也戊申年改元天祿天祿四年辛亥秋九月為燕

王述軌等弑於新州

之火神淀在位五年

五月楚文昭王希範率將佐奉其弟希廣立之

釋氏稽古略

卷三

七十五

吳越 六月吳越忠獻王弘佐薨遺令以丞相弘侗為鎮海鎮東節度使是歲為內牙統軍使胡進思所廢更立其弟弘徽忠懿王也王留心釋教嗣位之初斥兩浙諸郡名山聖跡之處皆賜金帛創建伽藍福州

支提山乃沃冠菩薩道場王施七寶鑄天冠像身仍創寺宇宏麗甲於

七閩焉

漢 ○ 丁未年春正月遼兵至大梁晉帝與太后已下上表乞降迎於封丘門外遼主辭不見封晉帝為負義侯置於黃龍府即慕容燕之和龍

城也遼主收服中國衣冠百官起居皆如舊制遷晉帝李太后馮后北行後宮左右從者百餘人契丹三百騎援送之二月遼主還國以

蕭翰為大梁節度使翰述律太后兄之子其妹復為遼主后翰始以蕭為姓自是契丹后族皆稱蕭氏述律太祖阿保機之后也夏四月

遼主回至臨城得疾及藥城病甚丙子至殺胡林而卒國人為剖其腹實鹽數斗載之北去晉人謂之帝靶初河東節度使劉知遠聞遼

主入汴分兵守四境以防侵軼於是將佐勸知遠正尊號號令四方知遠不許軍士皆曰今契丹執天子天下無主番漢孔目官郭威都

押牙楊邠勸進知遠從之二月辛未即皇帝位乃更稱天福十二年改國號曰漢契丹蕭翰聞漢帝擁兵南來遂欲北歸恐中國無主時

節位

有唐明宗子李從益與母王淑妃在洛陽輸迎而立之以爲帝。帥諸酋長拜之。百官謁見淑妃泣曰。吾母子卑弱如此。而諸公所立是嗣吾家也。翰留燕兵千人守諸門。爲從益宿衛。翰乃辭行。漢帝至洛陽。命鄭州防禦使郭從義先入大梁。清官殺李從益。及王淑妃。漢帝至大梁。復以汴州爲東京國號漢。

右晉二主合一十二年歸千漢

漢

劉姓以水
德王都汴

高祖
隱帝

高祖

諱知遠。改名嵩。沙陀部人。世居太原。與晉高祖俱事唐明宗。晉高祖即位。以知遠爲保義軍節度使。遷河東。節度使開運二年封北

平王。晉帝北遷。帝即位。于

晉陽。在位二年。壽五十四。

稱天福年。

乾祐

戊申

乾祐元年

大遼

世宗
天祿元年

釋氏稽古略

卷三

七十六

趙

鳳翔

吳越
楚

荆南

唐
保立保安年

蜀

廣安年
乾和年

正月帝更名胤。時老甲子不豫。丁丑殂于萬歲殿。秘不發喪。二月立皇太子承祐爲周王。卽帝位。時年十八歲。

冬十月荆南節度使南平文獻王高從誨卒。其子保融知留後。治十年壽四十一歲。

隱帝

諱承祐。高祖第二子。在位三年。壽二十歲。

大遼

已酉

乾祐二年

天祿二年

趙

鳳翔

吳越
楚

荆南

唐
保七年

蜀

廣安年
乾和七年

○詔國師

名德韶。處州龍泉陳氏。子年十五出家。十七歲依本州龍歸寺受業。十八納戒於信州開元寺。後唐莊宗同光年中遊方。

首謁投子山同禪師。次謁龍牙疎山。如是參歷五十四員。善知識最。後至江西撫州謁法眼益禪師。倦於參問。但隨衆而已。日僧問法眼。如何是曹源一滴水。眼曰。是曹源一滴水。師於座側聞之。豁然開悟。白於法眼。眼曰。汝向後當爲國王所師。致祖道光。大尋回本道。遊

天台山觀智者顛禪師遺踪有若宿契。初止白沙。時吳越忠懿王弘
做爲王子刺台州嚮師之名延請問道。至是乾祐二年王已嗣吳越
位遣便迎師仲弟子之禮尊爲國師。有傳天台智者之教沙門叢寂
者卽螺溪法師也。屢言於師曰智者之教年祀寢遠卒多散落。惟新
羅國其本其備請和尚慈力爲致之。師乃聞于吳越王。王爲遣使齋
師之書往彼國繕寫備足而還。迄今台宗教文獲全者。師有力焉。師
有偈曰通玄峰頂不是人間心。外無法滿目青山。法眼聞云卽此一
偈可起吾宗。宋太祖開寶五年六月二十八日集衆言別跏趺而逝。
于蓮華峰。壽八十二歲。臘
六十五。師嗣法眼益禪師。

庚戌 乾祐三年

天祿三年 大遼

趙 鳳翔 吳越 楚 荆南 唐 蜀 漢

保大年

廣發年 乾祐年

武平節度使馬希萼。希廣之兄也。捕楚王希廣殺之。希萼自稱武安
靜江寧遠等軍節度使。降于唐。唐封之爲楚王。終爲唐滅。遷馬氏于
金陵。夏四月。漢制以郭威爲鄴都留守。天雄節度使樞密如故。以右
監門衛將軍郭威爲天雄衙內都指揮使。榮本姓柴。父守禮。郭威妻

釋氏稽古略

卷三

七

兄也。威未有子。養榮以爲子。五月。威受命辭行。言於帝曰。太后從先
帝久。多歷天下事。陛下富於春秋。有事宜稟其教而行之。親近忠信。
放遠邪佞。善惡之間。所宜明審。樞密使右僕射同平章事楊邠。總機
政樞密使兼侍中郭威。主征伐歸德節度使侍衛親軍都指揮使兼
中書令史弘肇。典宿衛三司使同平章事王章。掌財賦。邠等公忠。帝
信寵。內容省使閻晉卿。樞密承旨聶文進。飛龍使後匡贊。翰林茶酒
使郭允明。讒譖執政。帝年益壯。厭爲大臣所制。遂與樞密聶文進。匡
贊。允明於十一月丙子旦。殺弘肇。章於廣政殿東廡下。帝遣供奉
官孟業齋密詔詣澶州。及鄴都。殺王殷。又令鄴都行營馬軍都指揮
使郭崇威。步軍都指揮使曹威。殺郭威。及監軍宣徽使王峻。郭威乃
召郭崇威。曹威及諸將。告以邠等寃死。且曰。吾與諸公披荆棘。從先
帝取天下。受託孤之任。竭力以衛國家。今諸公已死。吾何心獨生。君
輩當奉行詔書。取吾首以報天子。庶不相累。郭崇威等泣曰。天子幼
冲。此必左右群小所爲。願從公入朝。自訴。盪滌胤輩。以清朝廷。不可
爲單使所殺。郭威乃留其養子榮。鎮鄴都。命郭崇威將騎兵前驅。自
將大軍繼之。至封丘。十一月。帝遣慕容彥超等將兵拒之。彥超等戰
敗奔還。是日。帝出勞軍。兵敗獨與從官數十人宿於七里寨。餘皆逃
潰。乙酉。旦。帝策馬將還宮。至玄化門。劉銖在門上問。帝左右兵馬何

在因射左右帝回轡西北至趙村追兵已至帝下馬入民家爲亂兵所弑郭威自迎春門入丁亥郭威帥百官詣明德門起居太后具奏稱軍國事請立嗣君太后詰策河東節度使劉崇之子武寧節度使贊卽皇帝位威奏遣太師馮道詣徐州奉迎庚寅威帥群臣上言皇帝到闕動涉浹旬請太后臨朝聽政壬辰太后始臨朝郭威渡河館于澶州癸丑將士大譟立威擁威南行威乃上太后牋請奉漢宗廟事太后爲毋武寧節度使贊已至宋州郭威遺贊書去爲諸將所逼召馮道先歸贊曰今何以爲計道默然十二月己未太后詰廢贊爲湘陰公以侍中郭威監國○辛亥年春正月丁卯漢太后下詔授監國符寶卽皇帝位監國威自阜門入宮卽位於崇元殿制曰朕周室之裔號叔之後國號宜曰周是月戊寅殺湘陰公子宋州

右漢二主合四年歸于周

周

郭姓木德
王都大梁

太祖 世宗
恭帝

釋氏稽古略

卷三

三八

太祖

諱威字仲文邢州堯山人父簡事晉爲順州刺史威少孤依潞州人常氏潞州留後李繼韜募敢死士爲軍卒咸年十八以勇力應募晉天福二年范延光以魏州反威爲軍士嘗從楊光遠北征威舊隸劉知遠曰知遠乞留人問其故威曰楊公有姦詐之才無英雄之氣得我何用能用我者其劉公乎後事知遠爲侍衛都虞候知遠卽帝位威贊佐有功拜同中書門下平章事漢隱帝之世屢立戰功爲鄴都留守漢乾祐三年十一月隱帝遇弑帝卽位在位三年壽五十二歲

廣順
三

辛亥

廣順元年

天邊英祿四年九月
穆宗立 應曆元年

○釋迦文佛入滅一千九百年

趙

漢建國
魏聖祐聖

鳳翔 吳越

荆南

唐 梁九年

蜀 漢 廣寧 乾祐 牽

北漢

初河東節度使兼中書令劉崇漢高祖母弟也高祖卽位以崇爲太原尹北京留守漢隱帝遇害欲起兵南向聞迎其子贊爲帝乃止曰吾兒爲帝吾又何求及周太祖代漢殺贊於宋州崇大怒是日卽皇帝位於晉陽國號漢稱乾祐四年二月遼主聞北漢立遣

招討使潘聿然遺其子劉承鈞書漢主使承鈞復書言本朝淪亡欲循晉室故事求援請兵遼主大喜夏四月漢主使鄭珙致遼書稱姪請行冊禮遼帝命燕王述軌冊

命漢爲大漢神武皇帝更名旻

世。遼帝九月親行援漢至新州之火神淀燕王述軌及偉王之子大寧王瀍僧等率兵作亂弑帝而述軌自立太宗之子齊王述律迺於南

山諸大臣奉之以攻述軌瀍僧殺之并其族黨立述律

爲帝改元應曆帝諱璟番名述律後更名明太宗之長子也初太宗

遼。遼穆宗天順皇帝諱璟番名述律後更名明太宗之長子也初太宗

攻石晉留帝侍述律太后太宗崩諸將立世宗世宗遇弑諸將迎帝

卽位自火神淀入幽州帝年少好遊戲不親國事每夜

酣飲達旦乃寐日中方起國人謂之睡王在位十八年

○永明 杭州永明寺禪師名道潛河中府人姓武氏初謁法眼益禪師

眼問曰子於叅請外看甚麼經師曰華嚴經眼曰總別同異成

壞六相是何門攝屬師曰文在十地品中據理則世出世間一切法

皆具六相也眼曰空還具六相也無師悄然無對眼曰汝問我師乃

問空還具六相也無眼曰空師於是開悟異日因士女到院眼問師

曰律中道隔壁聞釵釧聲卽名破戒見觀金銀合雜朱紫駢闐是破

釋氏稽古略

卷三

三九

戒不是破戒師曰好箇入路眼曰子回後有五百羣徒爲王侯所重

在師尋禮辭駐錫衢州古寺閱大藏經至是廣順元年吳越忠懿王

弘俶延師入府受菩薩戒署號慈化定慧禪師建大伽藍於南山曰

慧日永明請師居之師請塔下羅漢過新寺符王之先夢也於是又

加應真二字於師號師於周顯

德五年入寂師嗣法眼益禪師

明。杭州慧日永明智覺禪師名延壽餘杭王氏總角之歲歸心佛乘不

茹葷日唯一食持法華經七行俱下纔六句悉能誦之感羣羊跪聽

年二十八爲華亭鎮將志慕真乘吳越文穆王元瓘知師在道乃從

其志禮龍冊寺翠巖參禪師剃染執勞供衆都忘身宰衣不絕糲食

無重味野蔬布襦以遺朝夕尋往天台山天柱峯九向習定斥鴳巢

衣褊中暨謁韶國師一見而深器之悟於玄旨乃謂師曰汝與元帥

有緣他日大興佛事師初住雪竇嘗有偈曰孤猿叫落中巖月野客

吟殘半夜燈此境此時誰會意白雲深處坐禪僧吳越忠懿王弘俶

請師開山靈隱新寺明年遷永明大道場衆盈二千僧問如何是永

明妙音師曰更添香着僧曰謝師指示師曰且喜沒交涉僧禮拜師

曰欲識永明音門前一湖水日照光明牛風來波浪起師居永明十

五年度弟子一千七百人常與七衆授菩薩戒夜施鬼神食放諸生

類不可稱筭六時散花行道餘力念法華經計萬三千部著宗鏡錄一百卷吳越王爲制前後兩序頒入大藏流行於淨慈方丈曰宗鏡堂師之詩偈賦詠凡千萬言播於海外高麗國王覽師言教遣使齎書叙弟子之禮奉金線織成僧伽黎衣紫水晶念珠金深罐彼國之僧三十六人承應可記蒞前後歸高麗各化一方宋太祖開寶七年師入天台山度戒約萬餘入明年十二月二十六日辰時焚香辭眾跏趺而逝世壽七十二僧臘四十二次年建塔於大慈山宋太宗賜額曰壽寧禪院師嗣天台韶國師韶嗣清凉法眼益禪師六祖青原派也嗣壽之法者杭州乾明津禪師富陽子蒙和尚臨山舊刊臨行業碑

王子 廣順二年

趙 北漢

鳳翔 吳越

楚

荆南 唐

蜀 漢 廣寧 乾聖年

六月朔周帝如曲阜謁孔氏祠命葺之禁孔林樵採訪孔子顏淵之後爲曲阜令及主簿

癸丑 廣順三年

大遼 應曆三年

廂檀佛像 自此下一百七十七年在汴京

釋氏稽古略 卷三

趙 北漢劉氏 乾祐六年

鳳翔 吳越

荆南 唐

蜀 漢 廣寧 乾聖年

印版之始 初後唐明宗長興三年宰相馮道李恩請刻九經版此年六月版成獻之傳布甚廣刊字印之始也

甲寅 正月帝殂 顯德元年

大遼 應曆四年

是年太師中書令 瀛文懿王馮道薨

趙 北漢 乾祐七年

鳳翔 吳越

荆南 唐

蜀 漢 廣寧 乾聖年

周帝不豫正月加晉王榮兼侍中判內外兵馬事帝屢誡晉王曰昔吾西征見唐十八陵無不發掘者此無他惟多歲金玉故也我死當衣以紙衣歛以瓦棺速營葬勿久留宮中勿置守陵官人勿作石羊虎人馬惟刻石置陵前云周天子子孫好儉約遺令用紙衣瓦棺嗣天子不敢違也壬辰宣制異是日帝殂丙申晉王榮卽皇帝位

十一月北漢主旻殂子承鈞更名鈞卽帝位孝和帝鈞性孝謹既立勤於爲政愛民禮士境內粗安

世宗 諱榮太祖聖后柴世兄之子也太祖養以爲子封晉王卽帝位在位六年壽三十九 顯德 六

乙卯 顯德二年

大遼 應曆五年

趙 北漢 乾祐元年

鳳翔 吳越

荆南 唐 侯奉

蜀 漢 廣政 乾祐 奉

僧帳 二月周帝詔併省天下無勅額寺院。令郡府歲造僧帳凡死亡者以時崩落之僧帳自此而始。

丙辰 顯德三年

大遼 應曆六年

趙 北漢 乾祐元年

鳳翔 吳越

荆南 唐 侯奉

蜀 漢 廣政 乾祐 奉

陳 初周宿衛將趙匡胤也戰北漢有功至是以爲定國節度使兼殿前都指揮使。匡胤表涇州軍事判官。蜀州人趙普爲節度推官。正月周下詔帝親征淮南。蟾帝召華山隱士真源陳搏問以飛昇黃白之術。搏對曰陛下爲天子當以治天下爲務。安用此爲。乃辭還山。

丁巳 顯德四年

大遼 應曆七年

趙 北漢 天會元年

鳳翔 吳越

荆南 唐 侯奉

蜀 漢 廣政 乾祐 奉

釋氏稽古略

卷三

十一

戊午 顯德五年

大遼 應曆八年

趙 北漢 天會元年

鳳翔 吳越

荆南 唐 侯奉

蜀 漢 廣政 天會 奉

三月周帝濟江伐唐。唐主趾於降。稱藩乃遣兵部侍郎陳覺奉表請傳位於太子弘。獻廬舒蘄黃四州之地。畫江爲境以求息兵。五月唐主弘避周諱更名昱。下令去帝號稱國主。凡天子之儀制皆有降損。去年號用周正朔。乃告于太廟。秋七月初行大周刑統。帝欲均田租以元稹均田圖徧賜諸道。南漢中宗劉弘熙歿。長子衛王繼興卽皇帝位。更名鋹。年十六。

己未 顯德六年

大遼 應曆九年

趙 北漢 天會元年

鳳翔 吳越

荆南 唐 國主

蜀 漢 廣政 天會 奉

周殿庭鐘磬有設而不擊者。帝問樂工皆不能對。樞密使王朴素曉音律。帝以樂事詢之。朴上疏曰。禮以檢形。樂以治心。形順於外。心和於內。然而天下不治。未之有也。是以禮樂修於上。而萬國化於下。聖人之教不肅而成。其政不嚴而治。用此道也。夫樂生於人心。而聲成

於物物聲既成復能感入之心昔者黃帝吹九寸之管得黃鍾正聲半之爲清聲倍之爲緩聲三分損益之爲生十二律十二律旋相爲宮以生七調爲一均凡十二均八十四調而大備遭秦滅學歷代治樂者罕能用之唐太宗之世祖孝孫張文收考正大樂備八十四調安史之亂器與工什亡八九至于黃巢蕩盡無遺時有太常博士殷允孫按考工記鑄鐃鐘十二編鐘二百四十七處士蕭承訓校定石磬今之在縣者是也雖有鐘磬之狀殊無相應之和其鐃鐘不問首律但循環而擊編鐘編磬徒縣而已絲竹匏土僅有七聲名爲黃鐘之宮其存者九曲考之三曲協律六曲泰法諸調蓋樂之廢缺無甚於今陛下武功既著切意禮樂以臣嘗學律呂宣示古今樂錄命臣討論臣謹如御當以相日詳黍也黍定尺長九寸徑三分爲黃鐘之管與今黃鐘之聲相應因而推之得十二律以爲衆管互吹用聲不便乃作律準十有三絃其長九尺皆應黃鐘律聲以次設柱爲十一律及黃鐘清聲旋用七律以爲一均爲均之主者官也徵商羽角變官變徵次馬發其均主之聲歸平本音之律迭應不亂乃成其調凡八十一調此法久絕出臣獨見乞集百官校其得失詔從之百官皆以爲然乃行之注曰鐃鐘者鐃凡十有二架以當十二辰之位魏鑪交八音之數匏笙也主垣也

釋氏稽古略

卷三

三

立皇子宗訓爲梁王領左上將軍帝北征疽發背六月癸巳殂於道甲午宣遺詔梁王卽皇帝位

恭帝

宗訓世宗子封梁王卽位年七歲庚申年正月鎮定驛告北漢結戎入寇帝命指揮使趙匡胤北征節日出師晚至陳橋驛是夜

五鼓軍士露刃列於庭曰諸君無主願策太尉爲天子擁逼南歸自仁和門入太尉歸公署宰相范質等詣崇元殿召文武百僚至噴班定帝自內降制曰天生蒸民樹之司牧二帝惟公而禪位三王乘時而革命其揆一也子末小子遭家不造人心已去國命有歸咨爾歸德軍節度使殿前都點檢趙匡胤稟上聖之資有神武之略佐我高祖格于皇天逮事世宗功存納祐東征西怨厥緒懋焉天地鬼神享于有德謳歌訟獄歸于至仁應天順人法堯禪舜如釋重負予其作賓嗚呼欽哉祗畏天命宣徽使引匡胤就堦聽命訖宰相掖之陞殿由東序服御服登座群臣朝賀詔改周顯德七年爲建隆元年國號大宋正月四日也封恭帝爲鄭王紹周祀遷居西京陽開寶六年殂

右周三主合九年而天下歸宋

釋氏稽古略 終

